

**Siunnersuut**

**uunga**

**Tunisassianik marloqiusamik atorneqartartunik avammut  
annissuinermik nakkutiginninneq pillugu Kalaallit Nunaannut  
inatsit**

*Kapitali I*

*Siunertaq aamma nassuaassutit*

**§ 1.** Inatsimmi siunertaavoq tunisassiat marloqiusamik atorneqartartut siunertanut isornartoqartinnejartunut atorneqannginnissaasa qulakkeerneqarnissaa, aammalu Kunngeqarfik Danmarkip tunisassianik marloqiusamik atorneqartartunik Kalaallit Nunaanneersunik avammut annissuinermut atatillugu nunani tamalaani pisussaaffimmink naammassinnissinnaanissaa.

**§ 2.** Inatsimmi matumani paasineqassaaq:

- 1) Tunisassiat marloqiusamik atorneqartartut: Tunisassiat, ilanngullugit software aamma teknologi, inuaqatigiinni taamatullu sakkutooqarnermut siunertanut atorneqarsinnaasut, kiisalu tunisassiat tamarmik qaartiterinissamik siunertaqfiunngitsumik aammalu qanorluunniit atomip nukinganit sakkussianik imaluunniit atomip nukinganit qaartartulianik sananissamik siuarsaanagermut atorneqarsinnaasut.
- 2) Annissineq: Suleriaaseq, tassani tunisassiat annissinissamik nalunaaruteqarnissaq pillugu piumasaqaatit malillugit Kalaallit Nunaannit anninneqartarlutik, imaluunniit elektroniskimik immiussissutit, ilanngullugit elektroniskimik allakkat, oqarasuaat, telefax, server-ini toqqorsineq, imaluunniit elektroniskimik immiussissutit allat suulluunniit atorlugit software-nik imaluunniit teknologiimik sumiiffimmut apuuffissaannut Kalaallit Nunaata avataaniittumut nuussisoqartarluni.
- 3) Avammut annissuisoq:
  - a) Inuk imaluunniit pisussaatitaasoq pisinnaatitaasorlu imaluunniit suleqatigisaq, taassuma akiligaanik annissineq nalunaarutigineqarluni, tassa imaappoq inuk piffissami tassani nalunaarutiginninnerup naatsorsuutigineqarfiani tigusisussamut Kalaallit Nunaata avataaniittumut attaveqartoq, aammalu

- tunisassiaq Kalaallit Nunaannit nassiunneqassasoq  
 aalajangiinissamut piginnaatitaasoq. Anissinissamut  
 isumaqatigiissuteqartoqarsimangippat, imaluunniit  
 isumaqatigiissummik piginnittoq nammineq akilikkaminik  
 iliuuseqanngippat, inuk tunisassiaq Kalaallit Nunaannit  
 anninnejassasoq aalajangiinissamut piginnaatitaasoq, imaluunniit  
 b) inuk imaluunniit pisinnaatitaasoq pisussaatitaasorlu imaluunniit  
 suleqatigisaq elektroniskimik immiussissutit, ilangullugit  
 elektroniskimik allakkat, oqarasuaat, telefax, imaluunniit  
 elektroniskimik immiussissutit allat suulluunniit atorlugit  
 software-nik sumiiffimmut apuuffissaannut Kalaallit Nunaata  
 avataaniittumut nuussinissamik imaluunniit atugassiinissamik  
 aalajangiisoq, avammut annissisutut isigineqassaaq.
- 4) Annissinerup oqaatigineqarnera: Inuup tunisassiamik  
 marloqiusamik atorneqartartumik annissinissamik ilanngaaserisut  
 suliarinninnissaannut nalunaaruteqarniarluni, peqqissaartumik  
 aammalu maleruagassat aalajangersagaasut malillugit  
 oqariartuuteqarluni iliuuseqarnera.
  - 5) Isumaqatigiissitsiniarnermik suliaqarneq: Nunamit Kalaallit  
 Nunaata avataaniittumut nunamut allamut Kalaallit Nunaata  
 avataaniittumut tunisassiamik marloqiusamik atorneqartartumik  
 pisinissaq, tunisinissaq imaluunniit tunniussinissaq, imaluunniit  
 nunamut allamut Kalaallit Nunaata avataaniittumut annissinissaq  
 siunertalarugu tunisassianik marloqiusamik atorneqartartunik  
 Kalaallit Nunaata avataaniittunik, tunisinissaq imaluunniit  
 pisinissaq siunertalarugu aningaasanik nuussinissamik  
 isumaqatiginninniarneq imaluunniit aaqqissuussineq.
  - 6) Isumaqatigiissitsiniartoq: Inuk imaluunniit pisinnaatitaallunilu  
 pisussaatitaasoq imaluunniit suleqatigisaq Kalaallit Nunaanni  
 najugaqartuusoq, aammalu Kalaallit Nunaannit  
 isumaqatigiissitsiniarnermik suliaqarnertut ilusilimmik  
 pilersuisartoq.
  - 7) Ataasiakkaanut annissinissamut akuersissut: Akuersissut,  
 atuisussamut ataasiakkaamut (naggataatigut tigusisussaq)  
 imaluunniit Kalaallit Nunaata avataani tigusisussamut  
 annissinissamut avammut annissisartumut aalajangersimasumut  
 tunniunneqartoq, aammalu tunisassianut marloqiusamik  
 atorneqartartunut ataatsimut arlalinnulluunniit atuuttoq.
  - 8) Nunarsuaq tamakkerlugu annissinissamut akuersissut: Akuersissut  
 tunisassianut marloqiusamik atorneqartartunut  
 aalajangersimasumik suussusilimmut imaluunniit  
 immikkoortunut, naggataatigut atuisussanut ataatsimut

- arlalinnulluunniit aamma/imaluunniit nunamut ataatsimut  
 arlalinnulluunniit allassimasunut, avammut annisisussamut  
 aalajangersimasumut tunniunneqartoq.
- 9) Sakkutooqarnermi allattuiffik: EU-p sakkutooqarnermi atortunut  
 allattuiffia ataatsimoorussaq.
  - 10) Atortussiat atomip nukinganeersut: Saffiugassaq, atortussiaq  
 akoorutaasussaq imaluunniit atortussiaq atomip nukinganeersoq  
 immikkullarissoq.
  - 11) Saffiugassaq: Saffiugassaq sunaluunniit, agguaqatigiissillugu  
 akuuunik aalajangersagaasunik, takuuk § 3, imm. 4, akuutissanik  
 akoqartoq, akuutissat uumaatsut atorlugit aamma tigussaasumik  
 suliarineqarnerminni atortussianik akoorutissanik sananissamik  
 ajornarunnaarsitsisut.
  - 12) Atortussiat akoorutissat:
    - a) Uran, isoptop-inik katitigaasunik aqoqartoq, pinngortitami takussaasoq,
    - b) uran, uran 235-imik aqoqarnera nalinginnaasumit annikinnerusoq,
    - c) thorium,
    - d) atortussiat siuliani taaneqartut arlaalluunniit saffiugassatut, kuisatut, akuutissanik uumaatsunik aqoqartutut imaluunniit katersuussimasutut iluseqartut, aamma
    - e) atortussiat sulluunniit aalajangersagaasunik annertussusilimmik atortussianik matuma siuliani taaneqartunik ataatsimik arlalinnilluunniit aqoqartut.
  - 13) Atortussiat immikkut atomip nukingata qullorneraneersut:
    - a) Plutonium 239,
    - b) uran 233,
    - c) uran, uran 235-imik imaluunniit 233-imik annertusagaasoq,
    - d) atortussiat allat sulluunniit isoptop-inik matuma siuliani taaneqartunik ataatsimik arlalinnilluunniit aqoqartut, aamma
    - e) atortussiat atomip nukinganeersut allat.

*Imm. 2. Nassuaassutit imm. 1, nr. 12-imi aamma 13-imi aalajangersagaasut, EU-p tunisassianut marloqiusamik atorneqartartunut allattuiffiani aalajangersakkanut aalajangersarneqartunut naapertuupput.*

## Kapitali 2

*Annissinissamut aquersissuteqartarneq aamma  
 isumaqatigiissitsiniarnermik suliaqarneq*

**§ 3.** Tunisassianik marloqiusamik atorneqartartunik, nakkutigisassanut allattuiffimmi allassimasunik, annissinermut akuersisummik peqarnissaq piumasaqaataavoq.

*Imm. 2.* Saffiugassanik agguaqatigiissillugu akoqartussatut aalajangersaaviusunik annissinissamut akuersisummik peqarnissaq piumasaqaataavoq.

*Imm. 3.* Inuussutissarsiornermut siuariartitsinermullu ministerip nakkutigisassanut allattuiffik pillugu maleruagassat, EU-p nions liste over tunisassiat marloqiusamik atorneqartartunut allattuiffianut naapertuuttumik, aalajangersarsinnaavai.

*Imm. 4.* Inuussutissarsiornermut siuariartitsinermullu ministerip akoqarneri imm. 2-imi allassimasut pillugit maleruagassat aalajangersarsinnaavai.

**§ 4.** Avammut annisisartoq avammut annisisarnermut nakkutiginninnermut oqartussaasunit paasitinneqarsimappat, tunisassiat pineqartut tamakkiisumik ilaannaasumilluunniit akuutissanik uumaatsunik, uumassusiinnik imaluunniit atomip nukinganik sakkussianik imaluunniit atomip nukinganik qaartartulianik inerisaanissamut, sananissamut, passussinissamut, atuinissamut, aserfallatsaaliuinissamut, toqqorsivimmiitsinissamut, sumiissusersiinissamut, suussusersinissamut imaluunniit siaruartitsinissamut imaluunniit missil-inik taamaattunik aallartitsisinnaasunik ineriatortitsinissamut, sananissamut, aserfallatsaaliuinissamut imaluunniit toqqorsivimmiitsinissamut atatillugu atorneqartartut imaluunniit atorneqartussatut siunnerfeqarfiusinnaasut, tunisassianik marloqiusamik atorneqartartunik nakkutigisassanut allattuiffimmi allassimanngitsunik annissinissamut akuersisummik peqarnissaq piumasaqaataavoq.

*Imm. 2.* Nuna pisisussaq imaluunniit nuna ornigassaq nunani tamalaani akuerisaasut maleruagassat, aalajangersakkat imaluunniit tamanna pillugu aalajangerneq Kunngeqarfik Danmarkip malissallugu pisussaaffigisai naapertorlugit sakkunik niueqatigeqqusaaangitsuuppat, ilanngullugu aalajangiineq imaluunniit ataatsimoorluni isummerneq EU-mut Siunnersuisooqatigiinni akuerineqartoq, aalajangiineq Europa-mi Isumannaallisaanermut Suleqatigiinnermullu kattuffimmit (OSCE) aalajangiunneqartoq imaluunniit Naalagaaffiit peqatigiit Isumannaallisaanermut siunnersuisooqatigiivinit aalajangersagaq saneqquuneqarsinnaanngitsoq naapertorlugu sakkunik niueqatigeqqusinnginnej, aammalu avammut annisisartoq avammut

annisisarnermik nakkutiginninnermut oqartussaasumit  
paasitinneqarsimappat tunisassiat pineqartut tamakkiisumik  
ilaannaasumilluunniit sakkutooqarnermi naggataatigut atorneqartussatut  
aalajangiusimaneqarsinnaasut, takuuk imm. 3, tunisassianik  
marloqiusamik atorneqartartut, nakkutigisassanut allattuiffimmi  
allassimanngitsunik annissinissamut akuersisummik peqarnissaq  
piumasagaataavoq.

*Imm. 3. "Sakkutuunit naggataatigut atorneqartussat" imm. 2-imi paasineqassaaq:*

- 1) sakkutooqarnermi tunisassiani, sakkutooqarnermut  
allattuiffimmi allassimasuni, ilaatinneqartut,
- 2) sakkutooqarnermi tunisassianik, sakkutooqarnermut  
allattuiffimmi allassimasunik ineriertitsinissamut,  
sananissamut imaluunniit aserfallatsaaliuinissamut  
sanermut, misileraanermut imaluunniit  
misissueqqissaarnermut atortunik aamma  
taakkununnga ikkutassanik atuineq, imaluunniit
- 3) sakkutooqarnermi tunisassianik, sakkutooqarnermut  
allattuiffimmi allassimasunik sananissamut  
suliffissuarmi tunisassianik naammassineqanngitsunik  
atuineq.

*Imm. 4. Avammut annisisartoq avammut annissinernut*  
nakkutiginninnermut oqartussaasumit paasitinneqarsimappat, tunisassiat  
pineqartut tamakkiisumik ilaannaasumilluunniit sakkutooqarnermi  
atortussiat, sakkutooqarnermut allattuiffimmi allassimasut, aammalu  
akuersisummik peqarani imaluunniit akuersisummik inatsit manna  
naapertorlugu tunniunneqarsimasumik unioqqutitsilluni Kalaallit  
Nunaannit anninneqarsimasut, ilaanni imaluunniit atortuini  
atorneqartussatut siunertaqarfiusinnaasut, tunisassianik marloqiusamik  
atorneqartartunik, nakkutigisassanut allattuiffimmi allassimanngitsunik  
annissinissamut akuersisummik peqarnissaq piumasagaataavoq.

*Imm. 5. Avammut annisisartup ilisimaguniuk tunisassiat marloqiusamik*  
atorneqartartut, avammut annisisartup annissassatut siunertaqarfisai,  
aammalu nakkutigisassanut allattuiffimmi allassimanngitsut,  
tamakkiisumik ilaannaasumilluunniit imm. 1-imi imaluunniit 2-imi  
taaneqartutut atorneqartussatut siunertaqarfiusut, avammut annisisartup  
tamanna avammut annissinissamut oqartussaasumut nalunaarutigissavaa,  
taassumalu annissinissamut akuersisummik peqartariaqarnersoq  
aalajangissallugu.

**§ 5.** Isumaqtigiissitsiniartartoq avammut annissinernut nakkutiginninnermut oqartussaasumit paasitinneqarsimappat tunisassiat pineqartut tamakkiisumik ilaannaasumilluunniit § 4, imm. 1-imi taaneqartunik atorneqartussatut siunnerfeqarfigineqartut, tunisassianut marloqiusamik atorneqartartunut, nakkutigineqartussanut allattuiffimmil allassimasunut atatillugu isumaqtigiissitsiniarnermik suliaqarnissamut akuersissummik peqarnissaq piumasaqaataavoq.

*Imm. 2.* Isumaqtigiissitsiniartup ilisimaguniuk tunisassiat marloqiusamik atorneqartartut, nakkutigineqartussanut allattuiffimmil allassimasut, aammalu § 4, imm. 1-imi atuinissanut taaneqartunut tamakkiisumik ilaannaasumilluunniit aalajangigaasumik isumaqtigiissitsiniartup isumaqtigiissitsiniarnermik suliaqarnerup anninnissaa siunertaralugu, isumaqtigiissitsiniartup tamanna avammut annissinissamut oqartussaasumut nalunaarutigissavaa, taassumalu aalajangissavaa, isumaqtigiissitsiniarnermik suliaqarnermut akuersissummik peqarnissaq piumasaqaataanersoq.

### *Kapitali 3*

*Avammut annissisarnermik nakkutiginninnermut oqartussaasut,  
suliassanik sularinnittarneq il.il.*

**§ 6.** Inuussutissarsiornermut aqutsisoqarfik avammut annissisarnermik nakkutiginninnermut oqartussaasuovoq.

*Imm. 2.* Inuussutissarsiornermut siuariartortitsinermullu ministerip Naalakkersuisut isumaqtiginniniaqatigereerlugit kapitali 2-imi, 3-imi, 5-imi aamma 6-imi suliassanik isumaginninnermut, kalaallit oqartussaasui avammut annissisarnermik nakkutiginninnermut oqartussaasumut ikuunnissamut piginnaatissinnaavai.

*Imm. 3.* Inuussutissarsiornermut siuariartortitsinermullu ministerip Naalakkersuisut isumaqtiginniniaqatigereerneranni Aningaasaqarnermut Naalakkersuisoqarfik § 16, imm. 2 malillugu suliassanik isumaginninnermik ikuunnissamut piginnaatissinnaavai.

**§ 7.** Avammut annissisarnermik nakkutiginninnermut oqartussaasoq tunisassiat marloqiusamik atorneqartartut §§ 3 aamma 4 malillugit anninneqarnissaannut akuersissuteqarluni imaluunniit itigartitsilluni aalajangiissaq. Akuersissut ataasiakkaamut tunngasuusinnaavoq imaluunniit nunarsuarmi annissinissamut akuersissutaasinnaalluni.

*Imm. 2.* Pingaartumik naggataatigut atuisussaq, nuna siunnerfigineqartoq aammalu tunisassiamik annissinermi naggataatigut atuinissaq pillugit paasissutissanik tamakkiisunik avammut annisisarnermik nakkutiginninnermut oqartussaasoq pissarsitinniarlugu, avammut annisisartup avammut annisisarnermik nakkutiginninnermut oqartussaasoq paasissutissanik attuumassuteqartunik, §§ 3 aamma 4 malillugit qinnuteqaataannut tunngatillugu piumasarineqartunik, tamaginnik tunissavaa. Naggataatigut atuinissaq pillugu uppernarsaalluni nalunaarut akuersisummik tunniussinissamut piumasaqaatigineqarsinnaavoq.

*Imm. 3.* Avammut annisisarnermik nakkutiginninnermut oqartussaasoq imm. 1 malillugu alajangiinnginnerani, Suliffeqarnermut, Inuussutissarsiornermut Niuernermullu Naalakkersuisoqarfik tusarniaaffigineqassaaq.

**§ 8.** Avammut annisisarnermik nakkutiginninnermut oqartussaasoq § 5 malillugu tunisassianut marloqiusamik atorneqartartunut isumaqatigiissitsiniarnermik suliaqarnissamut akuersissuteqarnissaq imaluunniit itigartitsinissaq pillugu aalajangiissaq. Akuersissut tunisassianut, Kalaallit Nunaata avataani nunat marluk arlallilluunniit akornanni assartorneqartunut, aalajangersimasumik annertussusilinnut, tunniunneqassaaq. Nunami pilersitsiviusumi Kalaallit Nunaata avataaniittumi, naggataatigut atuisussami taassumalu eqqoqqissaartumik inissisimaffiani tunisassiat inissinneqarfissaat erseqqissumik allanneqassaaq.

*Imm. 2.* Isumaqatigiissitsiniartup avammut annisisarnermik nakkutiginninnermut oqartussaasoq paasissutissanik attuumassuteqartunik tamaginnik, § 5 malillugu isumaqatigiissitsiniarnermik suliaqarnissamut akuersisummik qinnuteqaateqarnermi piumasarineqartunik, tunissavaa, pingaartumik tunisassiat marloqiusamik atorneqartartut nunami pilersitsiviusumi Kalaallit Nunaata avataaniittumi inissisimaffissaat pillugu paasissutissat sukumiinerusut, tunisassiat ersarissumik nassuiarneqarnerat aammalu annertussutsit pineqartut, suleqatit allat aningaasanik nuussinermi akuusussat, nuna naggataatigut siunnerfigineqartoq, nunami tassani naggataatigut atuisussaq taassumalu eqqoqqissaartumik inissisimaffia.

*Imm. 3.* Avammut annisisarnermik nakkutiginninnermut oqartussaasup imm. 1 naapertorlugu aalajangiinssaa sioqqullugu Suliffeqarnermut, Inuussutissarsiornermut Niuernermullu Naalakkersuisoqarfik

tusarniaaffigineqassaaq.

**§ 9.** Avammut annissisarermik nakkutiginninnermut maleruagassanik aqutsinissaq pillugu maleruagassanik erseqqinnerusunik Inuussutissarsiornermut siuariartortitsinermullu ministeri aalajangersaasinjaavoq, ilanngullugit §§ 7 aamma 8 malillugit akuersissutit pillugit qinnuteqaatinut ilusiliinissanut piumasaqaatit, akuersissutit atuunneri aamma akuersissutinik atuinissamut atugassarititaasut il.il.

**§ 10.** Avammut annissisarermik nakkutiginninnermut oqartussaasoq aalajangiippat annissinissamut akuersissummik ataasiakkaamik imaluunniit § 7, imm. 1 malillugu nunarsuaq tamakkerlugu atuuttussamik imaluunniit § 8, imm. 1 malillugu isumaqatigiissitsiniarermik suliaqarnissamut akuersissummik tunniussisoqassaneroq, oqartussaasup attuumassuteqartut tamaasa eqqarsaatigissavai, ilanngullugit:

- 1) Pisussaaffiit neriorsuutillu Kunngeqarfik Danmarkip nunani tamalaani siaruartitsinnginnissamik politikkikkut aqutsisuni aamma avammut annissuinerter nakkutiginninnermut politikkikkut aqutsisuni attuumassuteqartuni ilaasortatut imaluunniit nunani tamalaani isumaqatigiilluni aalajangersakkani attuumassuteqartuni akuersisimasutut pisussaaffigilersimasi.
- 2) Pineqaatissiinerit EU-mi Siunnersuisooqatigiinnit akuerisaasunik aalajangiinikkut imaluunniit ataatsimoorluni isumaqatigiinnikkut, OSCE-ip aalajangiineratigut imaluunniit Naalagaaffiit peqatigiit Isumannaallisaanermut siunnersuisooqatigiivinit aalajangersakkut saneqqunneqarsinnaanngitsukkut, pisussaaffiliunneqarsimasut naapertorlugit Kunngeqarfik Danmarkip pisussaaffii.
- 3) Kunngeqarfik Danmarkip nunanut allanut sillimaniarnermullu politikkia, ilanngullugu eqqarsaatigisassat sakkutooqarnermut teknologiimik aamma atortunik avammut annissuinerter nakkutiginninnermut maleruagassat ataatsimoorussat pillugit EU-mut Siunnersuisooqatigiinnit ataatsimoorluni isummernermi pineqartunut ilaasut.
- 4) Naggataatigut tunisassianik atuinissamik eqqarsaatigineqartoq aammalu tunisassianik allamut ingerlatsitsisoqarpat tamatuma navianaateqarnera.

*Imm. 2. Avammut annisisarermik nakkutiginninnermut oqartussaasup nunarsuarmi annissinissamut akuersisummiq qinnuteqaatip suliarinerani, inatsimmi matumani aalajangersakkat aamma siunnerfiusut aammalu akuersisummut atugassarititaasut piumasaqaatillu malinneqarnissaat qulakkeerniarlugu, imm. 1-imi tunngavissarititaasut pineqartut saniatigut, aamma avammut annisisartoq aningaasanik suleriaatsinillu naleqquttunik aammalu siunertamut naleqqiullugu naapertuutunik atuinersoq eqqarsaatigissavaa.*

**§ 11.** Avammut annisisarermik nakkutiginninnermut oqartussaasup § 10-imi tunngavissarititaasut mianeralugit annissinissamut akuersissut imaluunniit isumaqatigiissitsiniarermik suliaqarnissamut akuersissut pillugit aalajangiineq taamaatitissinnaavaa, atorunnaarsissinnaavaa, allangortissinnaavaa imaluunniit utertissinnaallugu.

*Imm. 2. Avammut annisisarermik nakkutiginninnermut oqartussaasup imm. 1 malillugu aalajangiinnginnerani, Suliffeqarnermut, Inuussutissarsiornermut Niuernermullu Naalakersuisoqarfik ilisimatinneqassaaq.*

**§ 12.** Avammut annisisarermik nakkutiginninnermut oqartussaasup inatsit manna naapertorlugu aalajangiinerata naammagittaalliuutigineqarnera inuussutissarsiornermut siuariartitsinermullu ministerimut suliakiissutigineqarsinnaavoq.

## *Kapitali 4*

### *Teknikkikkut ikiuunnissamut assartuussinermullu inerteqquteqarneq*

**§ 13.** Imm. 2 aamma 3 naapertorlugit, akuutissanik uumaatsunik, uumassusilinnik, qinngornilinnik imaluunniit atomip nukinganik sakkussianik imaluunniit atomip nukinganik qaartartulianik allanik ineriartortitsinermut, sananermut, passussinermut, atuinermut, aserfallatsaaliuinermut, toqqorsivimmiiitsinermut, sumiissusersiinermut, suussusersiinermut imaluunniit siaruartitsinermut, imaluunniit missil-inik sakkussianik taamaattunik aallartitsisinnaasunik ineriartortitsinermut, sananermut, aserfallatsaaliuinermut imaluunniit toqqorsivimmiiitsinermut, atatillugu atorneqartussatut siunnerfeqartumik, Kalaallit Nunaata avataani teknikkikkut ikiuunnissaq inerteqqutaavoq, taamaattoq takuuq imm. 4.

*Imm. 2. Imm. 1-imi inerteqquteqarneq tunisassianut aamma teknologiimut marloqiusamik atorneqartartunut, inatsimmi matumani pineqartunut ilaasunut, tunngatillugu taamaallaat teknikkikkut*

ikiunnissamut atuuppoq.

*Imm. 3.* Teknikkikkut ikiunnermut pineqartunut ilaapput iluarsaassinermut, ineriertitsinermut, sananermut, katiterinermut, misileraanermut, aserfallatsaaliuinermut atatillugu ikiunneq sunaluunniit imaluunniit teknikkikkut sullissineq alla sunaluunniit.

*Imm. 4.* Imm. 1-imi inerteqquteqarnermi ilaatinneqanngillat:

- 1) EU-imi nunani ilaasortaasuni imaluunniit nunani makkunani: Australien, Canada, Japan, Liechtenstein, New Zealand, Norge, Schweiz aamma USA, teknikkikkut ikiunnermik suliaqarneq.
- 2) Teknikkikkut ikiunnermik suliaqarneq paassisutissanik tamanit killilersuinertaqanngitsumik pissarsiarineqarsinnaasunik imaluunniit tunngaviusumik ilisimatusarnermut tunngassuteqartunik, nuussinertut iluseqartut.

*Imm. 5.* Inuussutissarsiornermut siuariertitsinermullu ministeri sillimaniarnermut politikkikkut, inunniq ikiuniarnermik imaluunniit illersorneqartariaqartut allat eqqarsaatigineqarnerat aallaavigalugu, pisuni immikkuullarissuni imm. 1-imi inerteqquteqarnerup saneqquneqarnissaanik akuersisinnaavoq.

**§ 14.** Tunisassianik aamma teknologiomik akuutissanik uumaatsunik, uumassusilinnik, qinngornilinnik imaluunniit atomip nukinganik sakkussianik imaluunniit atomip nukinganik qaartartulianik allanik ineriertitsinermut, sananermut, passussinermut, atuinermet, aserfallatsaalieuinermut, toqqorsivimmiititsinermut, sumiissusersiinermut, suussusersiinermut imaluunniit siaruartitsinermut, imaluunniit missil-inik sakkussianik taamaattunik aallartitsisinnaasunik ineriertitsinermut, sananermut, aserfallatsaalieuinermut imaluunniit toqqorsivimmiititsinermut, atatillugu atorneqartussatut siunnerfeqarfiusunik assartuussinissaq inerteqqutaavoq.

*Imm. 2.* Imm. 1-imi inerteqquteqarnermi Kalaallit Nunaannut pinerluttulerinermut inatsimmi § 4, imm. 2, aamma §§ 5 aamma 6 malillugit killilersuinerit ilaatillugit, aamma iliuuseqarnerit nunani allani pisut ilaatinneqarput.

*Imm. 3.* Imm. 1-imi inerteqquteqarnermi, assartuussineq sakkunik annertoorujussuarmik aserorterisartunik siaruartitsinnginnissaq pillugu nunani tamalaani isumaqtigisiutinut naapertuutumik pisimappat, assartuussinerit Kalaallit Nunaata avataani ingerlanneqartut pineqartunut ilaatinneqanngillat.

*Nakkutiginninnermi iliuusissat*

**§ 15.** Avammut annisisarnermik nakkutiginninnermut oqartussaasoq, tamanna pisariaqartutut nalilerneqarpat, sukkulluunniit kinaassutsimut uppernarsaaqqissaarnikkut aammalu eqartuussivimmi aalajangiinertaqanngitsumik, tunisassianik marloqiusamik atorneqartartunik aamma isumaqatigiissitsiniarnermik suliaqarnermik annissinissamut akuersissutinut tunniunneqartunut atugassarititaasut § 9 naapertorlugu aalajangersagaasut naammassineqarsimancerisa nakkutilliiviginissaa siunertaralugu, misissuiartorluni takkusaasinnaavoq. Uniffik siulleq malillugu isersinnaanermi avammut annisisartup isumaqatigiissitsiniartup init ingerlatsivigisai aammalu init allat aamma assartuussissutit inuussutissarsiornermut atorneqartut, ingerlatsinermi allattuiffiit kiisalu allakkiat uppernarsaatit attuumassuteqartut, ilanngullugit annissinissamut akuersissutip assilinera, niuernermi uppernarsaatit, soorlu akiligassiissutit, usilersornermut uppernarsaatit, anninneqartut allassimaffii allallu assartuussinermut nassiussinermullu uppernarsaatit pappiaranngorlugit il.il. kiisalu najoqqu Wassat elektroniskinngorlugit uninngasuutigineqartut, pineqartunut ilaapput.

*Kapitali 6*

*Avammut annisinermik nakkutiginninnermut atatillugu  
nakkutiginninnermi suleriaatsit*

**§ 16.** Tunisassianut marloqiusamik atorneqartartunut tunngatillugu annissinissamik nalunaarutiginninnerit sumiiffinni nakkutiginniffiusussatut toqqagaasuni, annissinissamik nalunaarutiginninnerit taamaattut suliarineqarnissaannut akisussaasuu sumit, aalajangersarneqartuni, pissapput.

*Imm. 2.* Inuussutissarsiornermut siuariartortitsinermullu ministerip Aningaasaqarnermut Naalakkersuisoqarfik tusarniareerlugu sumiiffiit nakkutiginniffiusussat imm. 1 malillugu toqqassavai.

*Imm. 3.* Imm. 1 malillugu tunisassianik marloqiusamik atorneqartartunik annisinermik nakkutiginninnermi ingerlanneqartussanik suliaqarnermi, avammut annisisartup imaluunniit avammut annisisartoq sinnerlugu annisinermik ingerlatisussap, annissinissamut akuersissummik sukumiisumik peqartoq uppernarsassavaa.

**§ 17** Avammut annisisarnermik nakkutiginninnermut oqartussaasup annissinissaq annissinissamut akuersissummi pineqartunut ilaasoq, ullut 10-it tikillugit kinguartissinnaavaa imaluunniit tunisassiat

marloqiusamik atorneqartartut anninneqarnissaat allatut  
akornusersinnaallugu, pasitsaassimaguniuk:

- 1) akuersissutip tunniunneqarneranut atatillugu paasissutissat attuumassuteqartut eqqarsaatigineqarsimannngitsut, imaluunniit
- 2) akuersissutip tunniunneqarneraniilli pisut annertuumik allannguuteqarsimasut.

*Imm. 2.* Avammut annisisarnermik nakkutiginninnermut oqartussaasup imm. 1 malillugu annissinissaq akornusersimaguniuk, taassuma piaartumik uninngatitsineq tamatumunngalu pissutaasoq pillugit Suliffeqarnermut, Inuussutissarsiornermut Niuernermullu Naalakkersuisoqarfik ilisimatissavaa. Avammut annisisarnermik nakkutiginninnermut oqartussaasoq akuersissut atuutiinnarniarlugu aalajangerpat, ullut suliffiusut 10-it iluanni aalajangiissaq, tamannalu qaqtigoortumik ullunut suliffiusunut 30-inut sivitsorneqarsinnaavoq. Avammut annisisarnermik nakkutiginninnermut oqartussaasoq ullut suliffiusut 10-it imaluunniit 30-it iluanni aalajangiisimannngippat, tunisassiat marloqiusamik atorneqartartut piaartumik tunniunneqassapput.

### *Kapitali 7*

#### *Akiliutit*

**§ 18.** Atomip nukinganit atortussianik annissinissamut akuersissummik qinnuteqaatinut akiliummik akiliisoqassaaq, taannalu inuussutissarsiornermut siuariartitsinermullu ministerimit aalajangersarneqassaaq.

*Imm. 2.* Akiliutip avammut annisisarnermik nakkutiginninnermut oqartussaasup qinnuteqaatip suliarineqarneranut nakkutilliinermullu aningaasartuutit matussusissavai, ilanggullugit it-mi periaatsinik pilersitsineq ingerlatsinerlu, imm. 1 malillugu qinnuteqaatit suliarineqarnerannut atatillugu allaffisorneq kiisalu Kalaallit Nunaanni nakkutiginninnermik suliaqarnermut tunngatillugu aningaasartuutit.

*Imm. 3.* Inuussutissarsiornermut siuariartitsinermullu ministeri imm. 1-imi taaneqartunik akiliutinik akiliisitsiniartarnermut maleruagassat erseqqinnerusut aalajangersassavai.

### *Kapitali 8*

#### *Pineqaatissiissutit*

**§ 19.** Najoqqutassat inatsit malillugu aalajangersagaasut naapertorlugit aalajangiinernut atugassanik, paasissutissanik eqqunngitsunik imaluunniit paatsuugatisisunik tunniussisoq imaluunniit paasissutissanik suliap aalajangerneqarnissaanut pingaaruteqartunik nipangiussiinnartoq, akiligassiissuteqarfingineqassaaq, tamatumani Kalaallit Nunaannut pinerluttulerinermut inatsit malillugu iliuusissamik allamik aalajangersagaqarsimanngippat. Atugassarititaasunut aalajangiinermi taamaattumi aalajangersagaasunut akerliusumik iliuuseqartumut, imaluunniit taamatut iliuuseqarniarsarisumut, tamanna aamma atuutissaaq.

*Imm. 2.* Paasissutissanik inatsit manna imaluunniit najoqqutassat inatsimmi tunngaveqartumik aalajangersagaasut naapertorlugit piumaffigineqartoq, paasissutissanik tunniussinngitsoq, akiligassiissuteqarfingineqassaaq. Pissutsit taamaattut pillugit paasissutissanik eqqunngitsunik imaluunniit paatsuugatisisunik tunniussisumut tamanna aamma atuuppoq, tamatumani Kalaallit Nunaannut pinerluttulerinermut inatsit malillugu iliuusissamik allamik aalajangersagaqarsimanngippat.

*Imm. 3.* Inatsimmi matumani § 3, imm. 1, imaluunniit imm. 2, aammalu najoqqutassat inatsit manna naapertorlugu aalajangersarneqartut naapertorlugit tamanna piumasaqaataasimappat, akuersisummik peqarani tunisassianik marloqiusamik atorneqartartunik annissisoq, Kalaallit Nunaannut pinerluttulerinermut inatsit malillugu pineqaatissinneqarluni eqqartuunneqassaaq.

*Imm. 4.* Tunisassiaq pineqartoq tassaasimappat akuutissanik uumaatsunik, uumassusilinnik, qinngornilinnik imaluunniit atomip nukinganik sakkussianik imaluunniit atomip nukinganik qaartartulianik allanik ineriartortitsinermut, sananermut, passussinermut, atuinermut, aserfallatsaaluiinermut, toqqorsivimmiititsinermut, sumiissusersiinermut, suussusersiinermut imaluunniit siaruartsinermut, imaluunniit missil-inik sakkussianik taamaattunik aallartitsisinnaasunik ineriartortitsinermut, sananermut, aserfallatsaaluiinermut imaluunniit toqqorsivimmiititsinermut, atatillugu tamakkiisumik ilaannaasumilluunniit atorneqartussatut siunnerfeqarfiusoq taamaassinaasorluunniit, avammut annisisarnermik nakkutiginninnermut oqartussaasumit akuersisummik peqarani piaaraluni imaluunniit mianersuaalliorujussuarluni tunisassiamik marloqiusamik atorneqartussamik, nakkutigineqartussanut allattuiffimmi allassimanngitsunik annissisoq Kalaallit Nunaanni pinerluttulerinermut inatsit malillugu pineqaatissinneqarluni eqqartuunneqassaaq.

*Imm. 5.* Teknikkikkut ikiuulluni suliaqarnissamut § 13-imi  
inerteqquteqarnermik piaaraluni imaluunniit mianersuaalliorujussuarluni  
unioqquitsisoq, Kalaallit Nunaanni pinerluttulerinermut inatsit  
malillugu pineqaatissinneqarluni eqqartuunneqassaaq.

*Imm. 6.* Iliuuseqarneq inummit pisoqarnerata nalaani Kalaallit Nunaanni  
najugaqartumit iliuuserineqarsimappat, iliuuseqarneq naalagaaffiup  
pineqartup sumiiffiani inatsisit malillugit  
pillarneqaatigineqartussaanngikkaluarpalluunniit, Kalaallit Nunaannut  
pinerluttulerinermut inatsimmi § 4-imi aalajangersakkat  
apeqqutaatinagut inatsimmi matumani § 13-imik unioqquitsisumut  
inatsit atutissaaq.

*Imm. 7.* § 14-imi assartuussinissamik inerteqquteqarnermik piaaraluni  
unioqquitsisoq, Kalaallit Nunaanni pinerluttulerinermut inatsit  
malillugu pineqaatissinneqarluni eqqartuunneqassaaq.

*Imm. 8.* Ingerlatseqatigiiffiit il.il. (pisussaatitaasut pisinnaatitaasullu)  
Kalaallit Nunaannut pinerluttulerinermut inatsimmi kapitali 5-imi  
maleruagassat malillugit pinerluttulerinermut inatsisitigut  
akisussaatinneqarlutik pisussaatinneqarsinnaapput.

*Imm. 9.* Najoqquassani inatsit malillugu aalajangersarneqartuni,  
najoqquassani aalajangersakkat unioqquitinneqarnerannut imaluunniit  
unioqquitsiarialaruarnermut akiligassiinikkut pineqaatissiinissaq  
aalajangersarneqarsinnaavoq.

*Imm. 10.* Suliani § 13, imm. 1-imi inerteqquteqarnermik  
unioqquitsinermut tunngasuni, suliani inatsit malillugu  
paarnaarussivimmuit inissinneqarnermik malitseqarsinnaasuni  
misissuisarneq pillugu Kalaallit Nunaanni eqqartuussisaaseq pillugu  
inatsimmi maleruagassanut naapertuuttumik, misissuineq pisinnaavoq.

**§ 20.** Kalaallit Nunaanni Eqqartuussiviit inatsisip matuma imaluunniit  
maleruaqqusat inatsit naapertorlugu aalajangersagaasut  
unioqquitinneqarnerat pillugu suliani siullertut suliaqartussaasuovoq.

## *Kapitali 9*

### *Atuutilersitsineq*

**§ 21.** Inatsit ulloq [ dato] atuutilerpoq

*Inatsisissatut siunnersuummut nassuaatit*

*Nassuaatit nalinginnaasut*

1. Imai
2. Aallaqqaasiut
3. Tunngaviusut
  - 3.1. Akuersaanngilluinnarnissamik politikkeqarnerup atorunnaarsinneqarnera
  - 3.2. Nunanut allanut, illersornissamut sillimaniarnermullu politikkimut tunngasut pillugit isumaqtigiiissut, uranik allanillu akuutissanik qinngorernik ulorianartunik akulinnik Kalaallit Nunaanneersunik piiaanermut avammullu annissuinermut tunngasoq.
  - 3.3. Inuussutissarsiornermut Siuariartortitsinermullu ministereqarfiup/Inuussutissarsiornermut aqtsisoqarfiup aamma Inuussutissarsiornermut, Suliffeqarnermut Niuernermullu Naalakkersuisoqarfiup akornanni tunisassianik marloqiusamik atorneqartartunik aamma teknologijimik avammut annissuinermik misissuisarneq pillugit ataatsimoorluni nalunaarut
  - 3.4. Danmarkimut aamma Kalaallit Nunaannut avammut annissuinermik nakkutiginninnermut nunani tamalaani pisussaaffiusut
    - 3.4.1. Kunngeqarfiup nunani tamalaani avammut annissuinermik nakkutiginninnermut pisussaaffii
    - 3.4.2. Atomip nukinganit atortussianik avammut annissuinermik nakkutiginninneq
  - 3.5. Danmarkimi tunisassianut marloqiusamik atorneqartartunut inatsisit atuuttut aamma avammut annissuinermik nakkutiginninnermik isumaginninneq
    - 3.5.1. EU-mi dual-use-nut peqqussut
    - 3.5.2. Danskit piginnaatitsinermut inatsisaat
    - 3.5.3. Danmarkimi tunisassiat marloqiusamik atorneqartartut nakkutigineqarnerat pillugu maleruagassanik allaffissornikkut aqtsineq
  - 3.5.4. Nakkutiginninneq aamma nakkutilliinermut pisussaaffiit
  - 3.5.5. Tunisassianik marloqiusamik atorneqartartunik annissuinermik nakkutiginninneq

- 3.6. Inatsisit atuuttut aamma Kalaallit Nunaanni  
tunisassianik marloqiusamik atorneqartartunik avammut  
annissuinermik nakkutiginninnermik isumaginninneq
4. Inatsisissatut siunnersummi immikkoortut pingaernerit
  - 4.1. Siunertaq, nassuaassutit il.il.
  - 4.2. Annissinissamut akuersissuteqartarneq aamma  
isumaqatigiissitsiniarnermik suliaqarneq
  - 4.3. Avammut annissuinermik nakkutiginninnermut  
oqartussaasoq, suliassanik suliarinninneq il.il.
  - 4.4. Teknikkikkut ikiunnissamik assartuussinermillu  
inerteqquteqarneq
    - 4.4.1. Teknikkikkut ikiunnissamik inerteqquteqarneq
  - 4.5. Tunisassianik marloqiusamik atuuffeqartunik avammut  
annissuinermik nakkutiginninneq aamma nakkutilliineq
  - 4.5.1. Avammut annissuisartunut Kalaallit Nunaanneersunut  
aamma isumaqatigiissitsiniartunut  
nakkutiginninnermik suliaqartarneq
  - 4.5.2. Avammut annissuinermut atatillugu  
nakkutiginninnermi suleriaatsit
  - 4.6. Annissinissamik akuersissummik qinnuteqaatinut  
aalajangersimasunut akiliutinut aaqqissuussaq
  - 4.7. Iliusissat
5. Pisortanut aningasaqarnikkut allaffissornikkullu sunniutaasussat
6. Inuussutissarsiortunut il.il. aningasaqarnikkut  
allaffissornikkullu sunniutaasussat
7. Innuttaasunut allaffissornikkut sunniutaasussat
8. Avatangiisinut sunniutaasussat
9. EU-mi inatsisinut tunngasut
10. Oqartussaasut kattuffiillu il.il. tusarniarneqartut
11. Immersugaq eqikkaaffiusoq

## 2. Aallaqqaasiut

Inatsimmi siunertaavoq tunisassianik marloqiusamik atorneqartartunik, tassa imaappoq tunisassianik inuiaqatigiinni aamma sakkutooqarnermi siunertanut atorneqarsinnaasunik (tulliuttuni taagorneqarput tunisassiat marloqiusamik atorneqartartut), Kalaallit Nunaannit annissinermi, tunisassianik marloqiusamik atorneqartartunik avammut annissuinermik nakkutiginninnermut nunani tamalaani pisussaaffiit sukkulluunniit atuuttut Kunngeqarfik Danmarkip malissallugit pisussaaffeqarfingisaasa, malinneqarnissaasa qulakkeernissaa. Tunisassiat aamma teknologii malussarissut isornartoqartunut siunertanut, tassani ilaallutik sakkunik

annertoorujussuarmik aseruisartunik ineriaartortitsinermut siaruarterinermullu, imaluunniit nunanut nunani tamalaani eqqisisimanermut, sillimaniarnermut patajaassuseqarnermullu aarlerinartorsiortitsisumik avammut annissorneqarnerat, peqataatinneqannginnissaat, avammut annissuinermik nakkutiginninneq atorlugu qulakkeerneqassaaq.

Kalaallit Nunaanni uranimik allanillu akuutissanik qinngorermik ulorianartunik akulinnik (matuma kingorna urani) aatsitassarsiorluni misissuiniissamut piiaanissamullu akuersaanngilluinnarnissamik politikkeqarnermik taaneqartartup atorunnaarsinneqarnissaat pillugu Inatsisartut (Kalaallit Nunaanni inatsisartut) ulloq 24. oktober 2013 tunngaviusumik aalajangiippuit. Aalajangiinissaq taanna sioqqullugu danskit aamma kalaallit oqartussasuinit peqataaffigineqartoq suleqatigiissitaliaq pilersinneqarpoq (matuma kingorna uranimut suleqatigiissitaliaq), taanna Kunngeqarfik Danmarkip uranimik piiaaffiulersinnaanissaanut avammullu annissuisunngornissaanut sunniutaasussanik tamarmiusunik misissueqqissaarluni.

Uranimik piiaaneq avammullu annissuineq pillugu suleqatigiissitaliap nalunaarusiaani oktober 2013-imeersumi (matuma kingorna uranimut nalunaarusiaq), ilaatigut inerniliissutigineqarpoq, atomip nukinganit atortussianik allanillu tunisassianik marloqiusamik atorneqartartunik avammut annissuinermut nunani tamalaani pisussaaffit atuutssinissaannut, avammut annissuinermik nakkutiginninnermut inatsisitigut allaffissornikkullu killissaliussassat pilersinneqarnissaat pisariaqartinneqartoq, kiisalu uranimik Kalaallit Nunaanneersumik piiaaneq avammullu annissuineq nunani tamalaani malitassat qaffasinnerpaat malillugit pissasoq.

Danmarkimi nunani tamalaani avammut annissuinermik nakkutiginninnissamut pisussaaffit EU-mi peqqussutikkut maledruagassiivigineqarput, takuuk annissuinermik, nuussinermik, isumaqatigiissitsiniarnermik suliaqarnermut aamma tunisassianut marloqiusamik atorneqartartunut atatillugu aqquaartitsisarnermik nakkutiginninnermut ataatsimoorussamik aaqqissuussineq pillugu Siunnersuisooqatigiit peqqussutaat (EF) nr. 428/2009, 5. maj 2009-imeersoq, Europa-Parlament-ip aamma Siunnersuisooqatigiit peqqussutaanni (EU) nr. 1232/2011, 16. november 2011-imeersumi allannguuteqartinneqartoq (matuma kingorna taagorneqarpoq marloqiusamik atorneqartartunut peqqussut). Kalaallit Nunaat EU-mi ilaasortaanngilaq, taamaattumillu dual-use-nut peqqussut Kalaallit Nunaannut atuutinngilaq.

Inatsisissatut siunnersuuteqarnermi Kalaallit Nunaanni avammut annissuinermik nakkutiginneriaatsimik atuutsitsisoqalissaq. Siunertaavoq inatsisip aamma allaffissornikkut najoqqutassat, inatsit naapertorlugu aalajangersarneqartut, Kalaallit Nunaanni pissutsit malillugit allannguiteqarlutik, EU-imi marloqiusamik atorneqartartunut peqqussummut, ingerlaannaq Danmarkimi atuuttumut naapertuitissasoq.

Nunat uranimik avammut annissuisartut arlallit, soorlu USA, Canada aamma Australien tamarmik atomip nukinganik atortussianik aalajangersimasumik suussusilinnik avammut annissuinermik, marloqiusamik atorneqartartunut peqqussut atorlugu maleruagassiinerup atuuttup saniatigut pisartumik, maleruagassiinissaq pillugu nunami namminermi inatsimmik atuutsitsipput. EU-mi isumannaallisaanermi nakkutiginninnermik maleruagassiineq, takuuk Euratom-imi maleruagassat ataatsimoortut, aamma ilaatigut uranimik aamma thorium-imik akulinnik saffiusassanik aalajangersimasunik EU-miit avammut annissuinermik maleruagassiinermik imaqpurt. Taamaattumik inatsisissatut siunnersuut, nunani soorlu USA-mim, Canada-mi aamma Australien-imi imaluunniit maleruagassiineq EU-mi atuuttumut maleruagassiinermut naapertuuttumik, saffiugassanik uranimik aamma thorium-imik akulinnik annissinissamut akuersissummik peqarnissaq pillugu piumasaqaammik imaqpopoq.

Kiisalu inatsisissatut siunnersuuteqarnermi, atomip nukinganit atortussianik annissinissamut akuersissummik qinnuteqaatit suliarineqarnissaannut akiliuteqartitsarnermik aaqqissuussaq siunnersuutigineqarpoq.

### *3. Tunngaviusut*

#### *3.1. Akuersaanngilluinnarnissamik politikkeqarnerup atorunnaarsinneqarnera*

Akuersaanngilluinnarnissamut tunngaviusumik taaneqartartoq 2013 tikillugu ukiorpassuarni Kalaallit Nunaanni atuussimavoq. Tamatuma suliaqarnikkut atuutsinneqarnerata kingunerisaanik, uranimik allanillu akuutissanik qinngorernik ulorianartunik aatsitassarsiorluni misissuinissaq, taakkuninngalu piiaanissaq nalinginnaasumik inerteqqtigineqarsimavoq. Oqaaseq uran aamma akuutissat qinngorernik ulorianartunik akullit allat, ujaqqat aatsitassarsiorluni misissorneqartut qinngorernik ulorianartunik annikitsuaqqamik akoqartut, qularnaatsumik oqarsinnaanissaq uranimik aatsitassarsiorluni

misissuinermit suliaqartoqanngitsoq, siunertaralugu, Kalaallit Nunaanni aatsitassarsiorluni misissuinermut tunngatillugu atorneqarsimavoq.

2012-imi akuersaanngilluinnarnissamik politikkeqarnermik taaneqartartup atorunnaarsinnejarnissaa pillugu Kalaallit Nunaannit kissaateqarnermut atatillugu, ilaatigut sumiiffinni aalajangersimasuni aatsitassarsiorfimmik ingerlatsinerup imminut akilersinnaasuunissaq qulakkeerniarlugu, Kunngeqarfik Danmarki tamakkerlugu sunniutaasussat tamarmiusut misissoqqissaarneqarnissaannik pisariaqartitsineq pilerpoq. Tamatumunnga pissutaavoq uranip inuaqatigiinni atorneqartarnerata saniatigut ilaatigut atomip nukinganit sakkussianik sananermut atorneqarsinnaalluni, pinngoqqaatinuit allanit allaanerunera. Tamatuma saniatigut Kalaallit Nunaanni ujaqqat pinngoqqaammik thorium-imik, aamma atomip nukinganit qullorsinnaasunik, atomip nukinganit sakkussianut atorneqarsinnaasunik, sananermut aamma atorneqarsinnaasumik, akoqarsinnaapput. Uranimik piiaanerup aamma avammut annissuinerup immikkoortuini tamaginni ersarissuutitsinissaq nakkutiginninnissarlu qulakkeerniarlugu, inuaqatigiinni pisussaaffeqarnermut inatsisisini sanequnneqarsinnaangitsunik pisussaaffeqarfiusumik aamma malittarisassanik annikinnerusumik pisussaaffeqarfiusunik, nunani tamalaani periaatsimik annertuumik inerisaasoqarsimavoq. Thorium aamma nunani tamalaani nakkutiginninnermik iliuuseqarnissami pineqartunut ilaavoq, kisianni annertuumik ikummatisatut suli atorneqarani.

Kalaallit Nunaat akuersaanngilluinnarnissamik politikkeqarnerup atorunnaarsinnissaanut aalajangiisinnaatitaavoq, kisianni uranimik allanillu akuutissanik qinngorernik ulorianartunik akulinnik piiaaneq aamma avammut annissuineq Kunngeqarfik Danmarkip nunanut allanut, illersornissamut sillimaniarnermullu politikkianut kalluaasussaavoq, taamaattumillu susassaqarfiulluni naalagaaffimmi oqartussaasut ataanniittooq.

2013-imi upernaakkut akuersaanngilluinnarnissamik politikkeqarnerup atorunnaarsinnejarnissaa aammalu uranimik allanillu akuutissanik qinngorernik ulorianartunik akulinnik piiaanissamut aamma avammut annissuinissamut periarfissaqarnera pillugit aalajangiisoqassappat sunniutaasusanut tunngatillugu suleqatigiissitaliamik, danskit aamma kalaallit oqartussaasuinit peqataaffigineqartumik, pilersitsisoqarpooq.

Nalunaarusiami inassutigineqarpoq uranimik allanillu akuutissanik qinngorernik ulorianartunik akulinnik piiaaneq aamma avammut

annissuineq, nunani tamalaani malitassanut qaffasinnerpaanut naapertuutumik ingerlanneqassasoq. Aammattaaq paasineqarpoq nunani tamalaani pisussaaffit arlaallit, atomip nukinganut isumannaallisaanerup isumannaarinerullu iluanni nunani tamalaani isumaqatigiissutit iluseqartut, Kalaallit Nunaannut atuutinngitsut. Tamatuma saniatigut Nunani tamalaani atomip nukinganut sullissiviup (matuma kingorna taaneqassaaq IAEA) isumannaallisaanermik nakkutiginninnermut periaasiata atuutsinneqarnissaanut periaatsimik pilersitsinissaq pisariaqartinneqarpoq, taamatullu siaruartitsinnginnissamut isumaqatigiilluni aalajangersagaq, suliaqartuusunut naalagaaffiunngitsunut sakkussianik annertoorsuarmik aseruisartunik siaruartitsinnginnissaq pillugu FN-ip Sillimaniarnermut siunnersuisooqatigiivisa aalajangersagaat nr. 1540 (2004) kiisalu nunani tamalaani avammut annissuinermik nakkutiginninnermi politikkikkut aqutsisut (Nuclear Suppliers Group, Australien Gruppen, Wassenaar Arrangementet aamma Missile Technology Control Regime), tassani Nuclear Suppliers Group atomip nukinganit atortussianut, ilanggullugu urani, tunngatillugu avammut annissuinermik nakkutiginninnermik suliaqarnermut immikkut attuumassuteqarluni, malillugit Kunngeqarfik Danmarkip nunani tamalaani pisussaaffiinik naammassinninniarluni avammut annissuinermik nakkutiginninnissamut inatsisitigut allaffissornikkullu killissaliussanik pilersitsinissaq pisariaqartinneqarluni. Uranimut suleqatigiissitaliap aamma inassutigaa nunanut allanut, illersornissamut sillimaniarnermullu politikkimut tunngasut, uranimik allanillu akuutissanik qinngorernik ulorianartunik akulinnik piiaanermut atasut, pillugit suleqatigiinnissamut isumaqatigiisummik pingarnermik suliaqartoqassasoq.

Akuersaanngilluinnarnissamik politikkeqarnerup atorunnaarsinneqarnissaa pillugu tunngaviusumik aalajangiineq Inatsisartut ulloq 24. oktober 2013 akueraat, aammalu Danmarkip aamma Kalaallit Nunaata uranimut nalunaarusiamni inassuteqaatit ukiut marluk iluanni atuutsinneqalernissaannik suliaqarnerup ingerlaqqinnissaanut suliap ingerlanera aallartinneqarpoq. Siunertaavoq Danmarkip aamma Kalaallit Nunaata 2015-ip naanerani inatsisitigut allaffissornikkullu periaatsit pisariaqartut inissereersimassagaat, aammalu uranimik allanillu akuutissanik qinngorernik ulorianartunik akulinnik Kalaallit Nunaanneersunik piiaanerup aamma avammut annissuinerup nunani tamalaani pisussaaffinnut kiisalu nunani tamalaani malitassanut qaffasinnerpaanut naapertuutilernissaanut, Kalaallit Nunaat nunani tamalaani isumaqatigiissutini attuumassuteqartuni tamaginni pineqartunut ilaalissasoq. 2014-imi Kalaallit Nunaanni Inatsisartunut

qinersinissap nalunaarutigineqarnerata aammalu 2015-imi folketing-imut qinersinissap nalunaarutigineqarnerata malitsigisaannik, ataatsimoorluni anguniagaq taanna 2016-imi ukiup affaanut siullermut iluarsineqarpoq, taamaalillutik Naalakkersuisut tamatuma kingorna uranimik piiaanissamut tunngatillugu piiaanermut iliuuseqarnerit aallartinnissaannut akuersissuteqarlutik nalunaaruteqarnissamut periarfissaqalissallutik.

Oqaatigineqassaaq, akuersaanngilluinnarnissamik politikkeqarnermik taaneqartartup atorunnaarsinneqarneranut atatillugu taagut urani aamma akuitissat qinngornernik ulorianartunik akullit allat atorneqarmat, tassami taakkua aatsitassarsiorluni misissuinertaanut sammitinneqarmata, inatsisisstatut siunnersuummi § 2, nr. 10-imi nassuiarneqartutut taagut atomip nukinganit atortussiat atorneqarluni.

*3.2. Nunanut allanut, illersornissamut sillimaniarnermullu tunngasut immikkullarissut, uranimik allanillu akuitissanik qinngornernik ulorianartunik akulinnik Kalaallit Nunaanneersunik piiaanermut avammullu annissuinermut tunngasut, pillugit isumaqatigiissut.*

Nunanut allanut, illersornissamut sillimaniarnermullu tunngasut immikkullarissut, uranimik allanillu akuitissanik qinngornernik ulorianartunik akulinnik Kalaallit Nunaanneersunik piiaanermut avammullu annissuinermut tunngasut, pillugit ulloq 26. januar 2016 danskit naalakkersuisisa aamma Naalakkersuisut akornanni isumaqatigiissuteqartoqarpoq. Tassani ilaatinneqartoq pingaardeq tassaavoq akunnerminni paasissutissiisarnermut ingerlariaasissaq, danskit aamma kalaallit oqartussaasuisa attuumassuteqartut imminnut qanittuunissaannik aammalu uranimik allanillu akuitissanik qinngornernik ulorianartunik Kalaallit Nunaanneersunik piiaanermut aamma avammut annissuinermut atatillugu pissutsinik naalagaaffeqatigiinnerup ataatsimoorlutik soqutigisaannik isumaginninnerup qulakkeernissaanut pingaaruteqartut tamaasa pillugit imminnut kalerreeqatigiittarnissaq. Suleqatigiinnissamut isumaqatigiissut isumaqatigiissutinut ataatsimoortunut sinaakkutissiisuuvooq.

Tassunga atatillugu siunissami sillimaniarnermik nakkutiginninnerup aamma avammut annissuinermik nakkutiginninnerup isumagineqarnissai pillugit danskit kalaallillu oqartussaasuisa akornanni ataatsimoorluni nalunaaruteqarnerit marluk kiisalu namminersorneq pillugu inatsimmi § 4, suliassaqarfinnut taamaallaat kalaallit susassaqarfigisaannut tunngasoq, malillugu Kalaallit Nunaanni uranimik piiaanermut

tunngatillugu atomip nukinganut sillimaniarneq pillugu aalajangiisinnaatitaanerit ilai pillugit isumaqatigiissut, suliarineqarput.

Atomip nukinganit atortussianik sillimaniarnermik nakkutiginninnejq pillugu Nunanut Allanut ministereqarfiup aamma Inuussutissarsiornermut, Suliffeqarnermut Niuernermullu Naalakkersuisoqarfiup akornanni ataatsimoorluni nalunaarut ulloq 26. januar 2016 atsiorneqarpoq. Sillimaniarnermik nakkutiginninissaq pillugu ataatsimoorluni nalunaarut tunngavigalugu nunanut allanut ministeri, inatsisissatut siunnersuummut matumunnga ingiaqatigitillugu, atomip nukinganit atortussianik eqqisisimasumik atuinerup nakkutigineqarnissaq pillugu Kalaallit Nunaannut inatsisissatut siunnersuummik, saqqummiussivoq.

Tunisassianik marloqiusamik atorneqartartunik aamma teknologiimik avammut annissuinermeq nakkutiginninissaq pillugu Inuussutissarsiornermut Siuariartortitsinermullu ministereqarfiup/Inuussutissarsiornermut aqutsisoqarfiup aamma Inuussutissarsiornermut, Suliffeqarnermut Niuernermullu Naalakkersuisoqarfiup akornanni ataatsimoorluni nalunaarut ulloq 26. januar 2016 atsiorneqarpoq aammalu immikkoortoq 3.3-im i nassuiarneqarluni. Ataatsimoorluni nalunaarut inatsisissatut siunnersuummut ilanngussaq 1-im aamma takuneqarsinnaavoq.

*3.3. Tunisassianik marloqiusamik atorneqartartunik aamma teknologiimik avammut annissuinermeq nakkutiginninissaq pillugu  
Inuussutissarsiornermut Siuariartortitsinermullu  
ministereqarfiup/Inuussutissarsiornermut aqutsisoqarfiup aamma  
Inuussutissarsiornermut, Suliffeqarnermut Niuernermullu  
Naalakkersuisoqarfiup akornanni ataatsimoorluni nalunaarut*

Tunisassianik marloqiusamik atorneqartartunik avammut annissuinerup nakkutigineqarnissaq pillugu ataatsimoorluni nalunaarut, inatsisissatut siunnersuutip matuma saqqummiunneqarmeranut politikkikkut tunngavigineqarpoq, tamatuma kingorna allaffissornikkut najoqqutassat inatsisissatut siunnersuut naapertorlugu aalajangersarneqartussaallutik, kiisalu Kalaallit Nunaanni avammut annissuinermeq nakkutiginninermik periaatsimut allaffissornikkut periaatsit pisariaqartut pilersinneqassallutik atuutsinnejqalissallutillu.

Avammut annissuinermeq nakkutiginninnejq pillugu ataatsimoorluni nalunaarummi, Danmarkip aamma Kalaallit Nunaata akornanni aalajangiisinnaatitaanerup agguagaanera atuuttoq takuneqarsinnaavoq, peqatigisaanillu Danmarkip aamma Kalaallit Nunaata akornanni

suliaqarnerup agguagaanera aammalu naalagaaffiup avammut annissuinermik nakkutiginninnermut tunngatillugu pisussaaffiisa isumagineqarnissaannik pisariaqartitsineq malillugu suliassat nassuiarneqarlutik.

Avammut annissuinermik nakkutiginninnissaq pillugu ataatsimoorluni nalunaarummi Kunngeqarfik Danmarkip nunani tamalaani avammut annissuinermik nakkutiginninnissamut pisussaaffiisa malinneqarnissaasa qulakkeerneqarnissaa aammalu suliaqarnermi avammut annissuinermik nakkutiginninneq pillugu maleruagassanik – Kalaallit Nunaanni pissutsinut naleqquttunik – atuutsitsilernissaq, marloqiusamik atorneqartartunut peqqussummut aamma piginnaatissuteqartarnernut inatsimmut naapertuutissasoq, Danmarkip aamma Kalaallit Nunaata isumaqatigiinnerat erseqqissarneqarpoq. Tamatuma saniatigut USA-mi, Canada-mi aamma Australien-imi imaluunniit EU-imi tamatuminnga maleruagassiinermut naapertuutumik, inatsisissatut siunnersuummi taamatuttaaq safiugassamik annissuinermik nakkutiginniffiussasoq, isumaqatigiissutigineqarpoq. Immikkoortoq 4.2-imut nassuaatit nalinginnaasut erseqqinnerusumik innersunneqarput. Siunertaavoq tunisassiat aamma teknologiip malussariffiusut sakkussianik annertoorsuarnik aseruisartunik ineriaartortitsinermut siaruarterinermullu atorneqannginnissaasa, imaluunniit nunanut nunani tamalaani eqqisisimanermut, sillimaniarnermut patajaatsitsinermullu aarlerinartorsiortitsisunut avammut anninneqannginnissaasa qulakkeerneqarnissaa.

Suliaqarnikkut atuutsitsinermut tunngatillugu kalaallit oqartussaasui attuumassuteqartut qanimut suleqatigineqassapput aammalu aalajangiinernut immikkoortoq 4.3-imi erseqqinnerusumik nassuiarneqartunut tunngatillugu qanimut ataqtigisihaarisoqassalluni.

### *3.4. Danmarkimut aamma Kalaallit Nunaannut tunngatillugu nunani tamalaani avammut annissuinermik nakkutiginninnermut pisussaaffiit*

#### *3.4.1. Kunngeqarfíup nunani tamalaani avammut annissuinermik nakkutiginninnermut pisussaaffíi*

Nunani tamalaani inuiaqtigiit siaruartitsinnginnissamut aamma avammut annissuinermik nakkutiginninnermut suliniuteqarnerat, nunani tamalaani isumaqatigiilluni aalajangersakkani arlalinni, isumaqatigiissutini aamma suleqatigiinninni atuutsinneqarput. Tunisessianik marloqiusamik atorneqartartunik avammut annissuinermik nakkutiginninnermut tunngatillugu pingaartumik FN-ip Sillimaniarnermut siunnersuisooqatigiivini aalajangersagaq 1540 (2004)

aamma nunani tamalaani avammut annissuinermik nakkutiginninnermut politikkikkut aqtsisut sisamat taakkua pingaarnertut atuutsitsisuupput.

Tamatuma saniatigut atomip nukinganit sakkussianik siaruartitsinnginnissaq pillugu isumaqatigiilluni aalajangersagaq, nunani tamalaani inuiaqatigiit atomip nukinganit sakkussianik siaruartitsinissap pitsaliornissaanik ilungersuuteqarnerannut sinaakkutissiisoq, ulluinnarni suliaqarnermi nunani tamalaani avammut annissuinermik nakkutiginninnermut politikkikkut aqtsisuni suleqatigiinnermi atuutsinneqarpoq, pingaartumik avammut annissuinermik nakkutiginninnermut politikkikkut aqtsisuni Nuclear Suppliers Group (NSG).

Sakkussianik annertoorsuarnik aseruisartunik suliaqartuuusunut naalagaaffiunngitsunut siaruartitsinnginnissaq pillugu FN-imi Sillimaniarnermut siunnersuisooqatigiinni aalajangersagaq nr. 1540, sakkussianik annertoorsuarnik aseruisartunik, qaartartuliissutissanik aammalu atortussianik taakkununnga attuumassuteqartunik nakkutiginninnermi iliuusissanik piviusunngortitsinissamut atuutsitsinissamullu kiisalu nunanut allanut nuussinernik nakkutiginninnissamut, ilanggullugu avammut annissuinermik nakkutiginninnikkut kiisalu assartuussinermik aamma isumaqatigiissitsiniarnermik suliaqarnermik nakkutiginninnissamut, naalagaaffinnut tamaginnut pisussaaffiliivoq. Oqaatigineqassaaq "atortuni taakkununnga attuumassuteqartuni" taaneqartuni tunisassiat marloqiusamik atorneqartartut pineqartunut ilaammata.

Uranimut nalunaarusiami immikkoortoq 6.3.2.-imi allassimavoq, sillimaniarnermut siunnersuisooqatigiinni aalajangersakkami aalajangersakkat inuiaqatigiinni pisussaaffeqarnermut inatsisitigut pisussaaffiliimmata aammalu Danmarkimi aamma Kalaallit Nunaannut atuullutik.

Kunngeqarfik Danmarki aamma nunat EU-mi ilaasortaasut allat arlallit peqatigalugit nunani tamalaani avammut annissuinermik nakkutiginninnermut politikkikkut aqtsisut sisamani taakkunani peqataavoq: Nuclear Suppliers Group (NSG), Australien Gruppen (AG), Wassenaar Arrangementet (WA) aaamma Missile Technology Control Regime (MTCR) kiisalu Zanger Komite-mi. Avammut annissuinermik nakkutiginninnermut politikkikkut aqtsisut tamarmik immikkut annertunerpaatigut nunanit killerneersunit 40-it missaannit ilaasortaaffigineqarput.

Suleqatigiinnermi tunisassiat aamma teknologiip malussariffiusut tigisisussaanngitsunit tiguneqannginnissaasa, taamaalillunilu sakkussianik annertoorsuarnik aseruisartunik ineriartortitsinermut imaluunniit siaruartitsinermut atorneqannginnissaasa, imaluunniit nunanut nunanit tamalaani sillimaniarnermut patajaassuseqartitsinermullu aarlerinartorsiortitsisussamik avammut anninneqannginnissaasa qulakkeerneqarnissaa, siunertaavoq.

Tunisassiat aamma teknologiit suut nakkutigineqartussaassanersut, avammut annissuinermik nakkutiginninnermut politikkikkut aqutsisuni nunat peqataasut isumaqatiginninniartarput, aammalu politikkikkut aqutsisut tamarmik tunisassianut taakkununnga, inuiaqatigiinni atuinerup saniatigut atomip nukinganit, akuutissanik uumaatsunit aamma uumassusilinnit sakkussianik annertoorsuarnik aseruisartunut imaluunniit taakkununnga qaartartuliussassanut kiisalu ataatsimut isigalugu sakkussianut akerlerineqartunut atorneqarsinnaasunut, allattuiffimmik aalajangersaasarput.

Uranimut nalunaarusiami immikkoortoq 6.3.3-imi allassimavoq Kunngeqarfik Danmarki avammut annissuinermik nakkutiginninnermut politikkikkut aqutsisuni ilaasortaanini aqqutigalugu, maleruagassiinermik avammut annissuinermik nakkutiginninnermut politikkikkut aqutsisuni takuneqarsinnaasumik malinninnissamut politikkikkut pisussaaffeqartoq, ilanngullugu tunisassianik marloqiusamik atorneqartartunik avammut annissuinermik nakkutiginninnissaq.

Uranimut nalunaarusiami immikkoortoq 8.1-imi allassimasutut, maleruagassiineq avammut annissuinermik nakkutiginninnermut politikkikkut aqutsisuni sisamaasuni taakkunani takuneqarsinnaasoq, Kalaallit Nunaannut saneqqunneqarsinnaanngitsumik pisussaaffiliivoq, tassami politikkikkut aqutsinermi ilaasortaaneq Kunngeqarfimmut tamarmut atuuttumik ilaaffigineqarmat.

### *3.4.2. Atomip nukinganit atortussianik avammut annissuinermik nakkutiginninneq*

Atomip nukinganit atortussianik avammut annissuinermik nakkutiginninneq, avammut annissuinermik nakkutiginninnermut politikkikkut aqutsisuni Nuclear Suppliers Group-imi (NSG) maleruagassiivigineqarpoq. Atomip nukinganit atortussianik kiisalu teknologiomik aamma atortunik avammut annissinerup, atomip nukinganit sakkussianik siaruartitsinnginnissaq pillugu isumaqatigiilluni aalajangersagaq malillugu nunanut atomip nukinganit

sakkussiaqarfiusunut akuerisaanngitsunut atomip nukinganit sakkussianik siaruartitsinnginnissaata qulakkeerneqarnissaanut, politikkikkut aqutsisuni nunat peqataasut suleqatigiippuit. NSG-ip taamaallaat atomip nukinganit atortussiat akoorutissatut atortussiatut aamma atomip nukinganeersutut qullorsinnaasutut immikkuullarissutut iluseqartut maleruagassiivigai. Uranoxid akuiagaq, taaneqartartoq yellowcake, Kalaallit Nunaanni suliareqqinnejartussaasinnaasoq aammalu Kalaallit Nunaannit anninneqartussaq, NSG-ip allattuiffiani allassimavoq, takuuk NSG part 1 – taaneqartartoq pilersitsisartunut allattuiffifik. Pilersitsisartunut allattuiffimmiittut tunisassiat NSG-mi tunisassianut malussarinnerpaajusunut tunngassuteqarpoq.

Atomip nukinganit atortussiat saffiugassatut iluseqartut Nukleart NSG-imni nakkutiginninnermi pineqartunut ilaanngillat. Kisianni nunat uranimik avammut annissuisartut arlallit, soorlu USA, Canada aamma Australien, tamarmik NSG-imni ilaasortaasut, tamarmik saffiugassanik aalajangersimasumik akuissuseqartunik avammut annissuinermik nakkutiginnippuit. Tamatuma saniatigut EU-mi sillimaniarnermik nakkutiginninnermik maleruagassiineq, takuuk Euratom-ip iluani sillimanianerermik nakkutiginninnermik atuinissaq pillugu Kommissionip peqqussutaa (Euratom) nr. 302/2005 (matuma kinguliani taaneqartoq Euratom-ip peqqussutaa nr. 302/2005) aamma saffiugassanik, akoorutissatut atortussianik aamma atomip nukinganeersunik qullorsinnaasunik atortussianik immikkuullarissunik annikitsunik annertussusilinnik nuussinikkut pilersuineq pillugu maleruagassani ilaatinneqanngitsut pilligit Kommissionip peqqussutaa (Euratom) nr. 66/2006 (matuma kinguliani taaneqartoq Euratom-ip peqqussutaa nr. 66/2006), EU-mi naalagaaffiit ilaasortaasut akornanni nuussinermut aamma nunanut allanut taakkuninngaaniillu eqqussinermut/annissinermut atatillugu saffiugassanut maleruagassiineq pillugu aalajangersakkanik, imaqarpoq. Saffiugassamik aalajangersagaasunik akuissuseqartunik annissinissamut akuersissuteqartarneq pillugu immikkoortoq 4.2 erseqqinnerusumik innersuussutigineqarpoq.

### *3.5. Danmarkimi tunisassianik marloqiusamik atorneqartartunik avammut annissuinermik nakkutiginninnermut inatsisit atuuttut aamma taakkuninnga isumaginnineq*

#### *3.5.1. EU-mi marloqiusamik atorneqartartunut peqqussut*

Marloqiusamik atorneqartartunut peqqusummi nunani tamalaani pisussaaffiit EU-mi nunat ilaasortaasut nunani tamalaani isumaqtigiilluni aalajangersakkanik akuersillutik imaluunniit siaruartitsinnginnissamut aamma avammut annissuinermik nakkutiginninnermut politikkikkuq aqutsisuni peqataasutut pisussaaffigilersimasaat, piviusunngortinnejarpuit.

Peqqusut Danmarkimut toqqaannartumik inatsisitigut saneqqunneqarsinnaanngitsumik pisussaaffiliivoq, kisianni Kalaallit Nunaannut atuunnani, tassami Kalaallit Nunaat EU-mut ilaasortaanngimmat. Kisianni immikkoortoq 3.4.1.-imi allassimasutut, maleruagassiinerit avammut annissuinermik nakkutiginninnermut politikkikkuq aqutsisuni sisamani taakkunani allanneqarsimasut Kalaallit Nunaannut saneqqunneqarsinnaanngitsumik pisussaaffiliippuit, tassami politikkikkuq aqutsisunut ilaasortaaneq Kunngeqarfik tamakkerlugu atuuttusanngorlugu ilaaffigineqarmat.

Tunisassiat marloqiusamik atorneqartartut suut avammut annissuinermik nakkutiginninnermi ilaatinneqartussaanersut, marloqiusamik atorneqartartunut peqqusummi aalajangersarneqarpoq, tassami peqqusummut ilanngussaq 1-imi, nakkutiginninnermut allattuiffimmik taaneqartartumi, avammut annissuinermik nakkutiginninnermut allattuiffinnit sisamanit taakkunangaaeersut allattuiffimmuk ataatsimoortumut ataatsimoortinnejarpuit. Allattuiffik tunisassianik tigussaasuniinnaq imaqanngilaq, kisianni aamma software-nik aamma teknologiinik inuiaqtigiinni taamatullu sakkutooqarnermut siunertanut atorneqarsinnaasunik imaqarluni.

Marloqiusamik atorneqartartunut peqqusummi avammut annissuinermik nakkutiginninneq periaatsini marlunni maleruagassiivigineqarpoq:

- 1) Nakkutigisassanut allattuiffik tunisassianut nakkutigineqartussanut allattorsimaffimmik ataatsimoortumik imaqarpoq. Tunisassiaq nakkutigineqartussanut allattuiffimmi allassimappat, tunisassiaq EU-mit anninneqartussaappat, avammut annisisartoq oqartussaasunut annissinissamut akuersisummik qinnuteqassaaq.
- 2) Aalajangersakkani taaneqartartuni catch-all tunisassianik marloqiusamik atorneqartussanik, nakkutigineqartussanut allattuiffimmi allassimanngitsunik, avammut annissuinermik nakkutiginninnermut piumasaqaatit erseqqinnerusut aalajangersarneqarput. Aalajangersakkani taakkunani

siunertaavoq, tunisassianik sakkussianut annertoorsuarmik aseruisartunut atorneqartussanik, imaluunniit nunami sakkussiaqarfiusutut akuerisaanngitsunut ilaasumi sakkutooqarnermi atorneqartussanik, avammut annissisoqannginnissaata qulakkeerneqarnissaa. Annissineq aalajangersakkani catch-all-ini pineqartunut ilaappat, avammut annisisartoq taamatuttaaq oqartussaasunut annissinissamut akuersisummik qinnuteqassaaq.

Marloqiusamik atorneqartartunut peqqussut tamatuma saniatigut, tamanna pillugu FN-ip Sillimaniarnermut siunnersuisooqatigiivini aalajangersakkami 1540-imi (2004) pisussaaffit naammassiniarlugit, isumaqatigiissitsiniarnermik suliaqarneq aamma tunisassianik marloqiusamik atorneqartartunik aqquaartsitsisarneq pillugit maleruagassanik imaqarpoq.

Kiisalu marloqiusamik atorneqartartunut peqqussut atuutsitsinissamut nakkutiginninnissamullu nalinginnaasumik piumasaqaatinik imaqarpoq, ilanngullugit ilanngaaserisarnermut suleriaatsinut piumasaqaatit, tassami nakkutiginninnermut iliuusissanik erseqqinnerusumik atuutsitsinissaq kiisalu pillaanissamut aalajangersakkanik aalajangersaanissaq, nunami namminermi inatsisit suleriaatsillu naapertorlugit EU-mi ilaasortanut naalagaaffinnut ataasiakkaanut suliakkiissutigineqarmat.

### *3.5.2. Danskit piginnaatitsissuteqarnermut inatsisaat*

Marloqiusamik atorneqartartunut peqqussut Danmarkimi nunami namminermi maleruagassanik tapertaqartinneqarpoq, takuuk nunanut allanut il.il. aningaasaqarnikkut attaveqarnerit pillugit EU-mi inatsisit aalajangersimasut atorneqarnissaat pillugu inatsit (tulliuttuni taagorneqartoq piginnaatitsissuteqarnermut inatsit), takuuk inatsimmut nalunaarut nr. 635, 9. juni 2011-imeersoq aamma tunisassianik aamma teknologiimik marloqiusamik atorneqartartunik ("dual-use") annissuinermik nakkutiginninneq aamma teknikkikkut ikuunnernik suliaqarnernik nakkutiginninneq pillugit nalunaarut tassunga atasoq nr. 475, 14. juni 2005-imeersoq (matuma kingorna taagorneqartoq annissuinermut nalunaarut).

Piginnaatitsissuteqarnermut inatsit Inuussutissarsiornermut siuariartortsinermullu ministerip EU-imi ataatsimoorluni niuernermik politikkeqarnerup piviusunngortinnejqarnissaa pillugu aalajangersakkanik aalajangersaasinnaanissaanut nalinginnaasumik piginnaatitsissuteqarnermik imaqarpoq. Piginnaatitsissuteqarnermut aalajangersakkat ilaatigut allaffissornikkut aalajangersakkanik,

oqartussaasoq pikkorissuseqartoq pillugu aalajangersakkanik nunanut aalajangersimasunut EU-mi immikkut iliuuseqarfingeqartunut ilaasunut qinnuteqaatinut akiliuteqartitsisarnermik aaqqissuussinernik, kiisalu pillasarnermut aalajangersakkanik, aalajangersaanermut atorneqarput.

Tamatuma saniatigut, teknikkikkut ikiunneq sakkussianik annertoorsuarmik aseruisartunik imaluunniit taakkununnga qaartartuliussassanik ineriaortitsinermut atatillugu atorneqartussatut siunnerfeqarfiuppat, inatsit EU-p avataani teknikkikkut ikiunnermik suliaqarnissamut inerteqquneqarnermik imaqarpoq. Taamatuttaaq inatsit tunisassianik marloqiusamik atorneqartartunik, sakkussianut annertoorsuarmik aseruisartunut atatillugu atorneqartussanik assartuussinissamik inerteqquteqarnermik imaqarpoq.

Teknikkikkut ikiunniissamut inerteqquteqarneq danskit inatsisaanni, inatsit nr. 305, 2. maj 2005-imeersumi, piviusunngortinnejqarpoq. Tassani pineqarpoq sakkutooqarnermi naggataitigut atuinernut aalajangersimasumik iluseqartunut atatillugu teknikkikkut ikiunnermik nakkutiginninnissaq pillugu Siunnersuisooqatigiit ataatsimoorussamik iliuuseqarnerata 22. juni 2000-meersup ilaata atuutsinneqarnissa (2000/401/FUSP). Tunisassianik marloqiusamik atorneqartartunik assartuussinissamik inerteqquteqarneq danskit inatsisaanni, inatsit nr. 494, 12. maj 2010-imeersumi, piviusunngortinnejqarpoq, aammalu FN-ip Sillimaniarnermut siunnersuisooqatigiivisa aalajangersagaani 1540-imi (2004) kiisalu nunani tamalaani imarsiornermut isumaqatigiissummi Convention for the Suppression of Unlawful Acts against the safety of Maritime Navigation (SUA) tamanna pillugu aalajangersakkat atuutsillugit.

Piginnaatitsissuteqarnermut inatsit Kalaallit Nunaannut atuutinngilaq, takuuq piginnaatitsissuteqarnermut inatsimmi § 4.

### *3.5.3. Danmarkimi tunisassianik marloqiusamik atorneqartartunik nakkutiginninneq pillugu maleruagassanik aqtsineq*

Inuussutissarsiornermut aqtsisoqarfik Danmarkimi tunisassianik marloqiusamik atorneqartartunik nakkutiginninnermut oqartussaasuuvvoq aalajangiisinnatitaasoq. Qinnuteqaat akuersissummik imaluunniit itigartitsissummik tunniussiviussanersoq aalajangiineq, tunngavissaritaasut marloqiusamik atorneqartartunut peqqussummi artikel 12-imi aalajangersagaasut aallaavigalugit pisarpoq. Taamaalilluni allassimavoq nunani tamalaani pisussaaffit arlallit, ilaatigut nunani tamalaani avammut annissuinermik nakkutiginninnermut politikkikkut

aqutsisuni allassimasut, pisussaaffit nunanut allanut pineqaatissiarneq pillugu aalajangiinerni saneqqunneqarsinnaannngitsuni pisussaaffiliiffiusimasut, imaluunniit nunami namminermi nunanut allanut sillimaniarnermullu politikki, eqqarsaatigineqassasut. Kingulliullugu taaneqartumut atatillugu ilaatigut, tunngavissarititaasut, sakkutooqarnermi teknologiimik aamma atortunik avammut annissuinermik nakkutiginninnermut maleruagassat ataatsimoorussat pilligit Siunnersuisooqatigiit ataatsimoorlutik isummerneranni 2008/944/FUSP-imi allassimasut, eqqarsaatigineqassapput.

Suliassanik suliarinninnermut atatillugu, aalajangiinernut aalajangiinissamut tunngaviusussanik tunngavissaqalernissamut, aqutsisoqarfik danskit oqartussaasuinik allanik suleqateqartarpoq. Siaruartitsinnginnissamut tunngatillugu pisisussat aamma naggataatigut atuisusussat pilligit paasissutissanik isornartortaqtunik peqarnersoq, Politit Paasiniaasartui (PET) aamma Illersornissaqarfiup paasiniaasartui (FE) tusarniaaffigineqartarput. Suliani Danmarkimi nunanut allanut sillimaniarnermullu politikkikkut eqqarsaatigisassat pingaartumik pingaaruteqartutut nalilerneqartillugit, Nunanut allanut ministereqarfik tusarniarneqartarpoq, assersuutigalugu sakkutooqarnermi naggataatigut atuisusanut annissinissamut tunngatillugu. Tunisassiaq avammut annissuinermik nakkutiginninnermut maleruagassani ilaatinneqarnersoq, tassa imaappoq taakkua nakkutigisassanut allattuiffimmi allassimanersut imaluunniit aalajangersakkani catch-all-ini pineqartunut ilaasinnaassanersut, nalornissutigineqarpat, Illersornissamut ministereqarfimmi Atortussianut pisiniarnernullu aqutsisoqarfik, aqutsisoqarfiup teknikkikkut siunnersortaatut atuuttoq, tusarniarneqartarpoq.

Aqutsisoqarfik aamma EU-mi nunat allat "annertunerpaatigut aningaasanik nuussinerup assinganik" annissinissamut akuersissummik qinnuteqaammut itigarttsisimanersut misissornissaanut, marloqiusamik atorneqartartunut peqqussut malillugu pisussaaffeqarpoq. Taamaattoqarsimappat akuersissummik tunniussisoqarsinnaalinnginnerani, aqutsisoqarfiup nuna pineqartoq oqaloqatigissavaa.

**3.5.4. Nakkutiginninnermut misissuisarnermullu pisussaaffit**  
 Annisisarnernut nalunaarummi § 6-imí allassimavoq, marloqiusamik atorneqartartunut peqqussummut naapertuuttumik annissinerup pinissaanut avammut annissisoq akisussaasusoq.

Inuussutissarsiornermut aqutsisoqarfíup oqartussaasutut suliaqarneranut ilaatillugu, aqutsisoqarfík avammut annisisussaq maledruagassanik ataatsimoortunik naammassinninnersoq, nakkutiginninnernik nakkutilliinernillu assigiinngitsunik suliaqartarpooq. Marloqiusamik atorneqartartunut peqqussummi artikel 21 malillugu oqartussaasoq aalajangiisinnaatitaasoq iliuusissanik, annissinermut suliakkiissutit/ningaasanik nuussinerit tamaasa pillugit paassisutissanik katersinissamik ajornarunnaarsitsisunik, aalajangiisinnavaavoq, kiisalu nakkutiginninnermi iliuusissat eqqortumik atorneqarnissaannik aalajangiisinnalluni, tamannalu ilaatigut sumiiffinnut niuerfiusunut, inunnit annissinermi ningaasanik nuussinermik akuusunit atorneqartunut, iserluni pisinnaavoq.

Aalajangersakkat annissinissamut akuersissutinut ataasiakkaanut atugassarititaasuni ataasiakkaatigut atuutsinneqarput, tassani aqutsisoqarfík ilaatigut avammut annisisussaq naleqquttumik uppernarsaammik tigummiaqassasoq, kiisalu pisuni aalajangersimasuni, suliffeqarfíup iluani suleriaatsit malinnejarnissaannut qularnaveeqqutitut, suliffeqarfímmi sulisumik akisussaasuusussamik toqqaanissamut, pisussaaffiliisarluni.

Atugassarititaasut malinnejarnerat nakkutiginiarlugu, kiisalu avammut annisisussaq avammut annissuinermik nakkutiginninnermut maledruagassanik pisariaqartumik ilisimanninnersoq qulakteerniarlugu, aqutsisoqarfík suliffeqarfínni kalluarneqartuni ukiumut 10-it missaannik takusaasarpoq. Takusaanerit sioqqutsisumik nalunaarutigineqassapput aammalu suliffeqarfímmut pineqartumut isumaqtigiissutigineqassallutik. Aqutsisoqarfík allaanermik pisoqartunik naammattoorsippat, tamanna allaanerussuteqartup suunera apeqqutaalluni qisuarriarnissamut periarfíssanik assigiinngitsunik kinguneqarsinnaavoq. Qisuarriarnerit sukannernerulersitsinermit, akuersissummik utertitsinermit avammut annissisoq politiinut nalunaarutigalugu eqqartuussivikkoortitsinissamut tunngassuteqarsinnaapput.

### *3.5.5. Tunisassianik marloqiusamik atorneqartartunik annissuinermik nakkutiginninneq*

Tunisassianik marloqiusamik atorneqartartunik annissinermi nakkutiginninnermi suleriaasissat pillugit aalajangersakkat marloqiusamik atorneqartartunut peqqussummi artikel 16-18-imí allassimapput. Aalajangersakkani aalajangersarneqarpoq, annissinissamut akuersissummik peqarluni, tunisassianik marloqiusamik

atorneqartartunik annissinermi avammut annissisup uppernarsarsinnaassaga. Ilanngaaserinermut oqartussaasoq paasissutissat attuumassuteqartut eqqarsaatigineqarsimannngitsut pasitsaassiguni, imaluunniit pisut akuersissutip tunniunneqareernerata kingorna annertuumik allannguiteqarsimappata, Inuussutissarsiornermut aqutsisoqarfik attaveqarfingineqassaaq.

Annissinermut aalajangersimasumut aamma annissinermik nakkutiginninnermut avammut annissisup pisussaaffii erseqqinnerusut atugassarititaasuni ataasiakkaanut imaluunnit nunarsuaq tamakkerlugu annissinissamut akuersissummut malinneqartussani, aalajangersarneqassapput.

*3.6. Inatsisit atuuttut aamma Kalaallit Nunaanni tunisassianut marloqiusamik atorneqartartunut tunngatillugu avammut annissuinermik nakkutiginninnermik isumaginninneq*

Uranimi piaanissaq aamma avammut annissuinissaq siunertaralugu akuersaanngilluinnarnissamik politikkeqarnermik atorunnaarsitsinissaq pillugu, uranimut nalunaarusiami immikkoortoq 8.1-imi oqaatigineqarpoq, tunisassianik marloqiusamik atorneqartartunik avammut annissuinermik nakkutiginninneq Kalaallit Nunaannut immikkut inatsimmi maleruagassiivigineqarsimannngitsoq. Aammattaaq uranimut nalunaarusiami immikkoortoq 8.2-imi oqaatigineqarpoq EU-p marloqiusamik atorneqartartunut peqqussutaani, Danmarkimi avammut annissuinermik nakkutiginninnermut inatsisitigut killissaliisumi, Kalaallit Nunaat ilaatinneqannngitsoq, tassami Kalaallit Nunaat EU-imi ilaasortaanngimmat. Taamaaqataanik piginnaatitsissuteqarnermut inatsit Kalaallit Nunaanut atuutinngilaq, takuuk immikkoortoq 3.5.2.

Kisianni atomip nukinganit atortussianik eqqisisimasumik atuinermik nakkutiginninneq pillugu nalunaarummi nr. 315, 27. juni 1972-imeersumi, atomip nukinganik nukissiorfinnut inatsimmi tunngaveqartumik aalajangersagaasumi ((atomip nukinganit) nukissiorfiit pillugit inatsit nr. 170, 16. maj 1962-imeersoq) Kalaallit Nunaat pineqartunut ilaavoq. Nalunaarummi § 6-imi allassimavoq atomip nukinganit atortussiat Atomip nukinganut kommissioni akuersissummit tunniussisimanngippat, anninneqaqqusaanngitsut. Atomip nukinganit atortussiat tassunga atatillugu paasineqassapput tassaasut: uran, plutonium aamma thorium suliarineqanngitsut – saffiugassaneersut ilaanatik – imaluunniit suliarineqarsimasut, saviminertut iluseqartut, kuisaniittut imaluunniit akuutissanit uumaatsunit akuusut, takuuk nalunaarummi § 1. Atomip nukinganit

atortussiat eqqissisimasumik atorneqarnerisa nakkutigineqarnera pillugu Kalaallit Nunaannut inatsisisstatut siunnersuutip nunanut allanut ministerimit saqqummiunneqartup atuutilerneranut atatillugu, nalunaarut nr. 315, 27. juni 1972-imeersoq Kalaallit Nunaannut atorunnaarsinnejassasoq siunnersuutigineqarpoq.

#### *4. Inatsisisstatut siunnersuummi immikkoortut pingaarnerit*

##### *4.1. Siunertaq, nassuaassutit il.il.*

Avammut annissuinermik nakkutiginninneq pillugu ataatsimoorluni nalunaarummi allassimavoq, Kunngeqarfik Danmarkip avammut annissuinermik nakkutiginninnermut aamma siaruartitsinnginnissamut tunngatillugu nunani tamalaani pisussaaffiisa naammassineqarnissaasa qulakkeerneqarnissaai siunertaralugu, marloqiusamik atorneqartartunut peqqussummi aalajangersakkanut naapertuuttumik, danskit naalakkersuisuisa Kalaallit Nunaanni tunisassianik marloqiusamik atorneqartartunik avammut annissuinermik nakkutiginninneq pillugu inatsisisstatut siunnersummik saqqummiussinissaq siunertarigaat. Taamatuttaaq inatsit saffiugassanik uranimik aamma thorium-imik aalajangersagaasunik akuissuseqartunik, annissinissamut akuersissummik peqarnissamik piumasaqaatinik imaqassaaq.

Siunnersuutigineqarpoq § 1-imi inatsimmi siunertanut aalajangersakkami tamanna takuneqarsinnaassasoq, taamaalilluni tunisassiat aamma teknologii malussariffiusut isornartoqartunut siunertanut, ilanngullugit sakkussianik annertoorsuarmik aseruisartunik ineriartortitsinermut siararterinermullu, atorneqannginnissaasa imaluunniit nunanut nunani tamalaani eqqissisimanermut, sillimaniarnermut patajaatsuutitsinermullu aarlerinartorsiortitsisunut avammut annineqannginnissaasa, qulakkeerneqarnissaai, aammalu Kunngeqarfik Danmarkip tunisassianik marloqiusamik atorneqartartunik avammut annissuinermik nakkutiginninnermut tunngatillugu nunani tamalaani pisussaaffimminik naammassinnissinnaanissaai, inatsisip siunertaralugu.

Kalaallit Nunaanni tunisassianik marloqiusamik atorneqartartunik avammut annissuinermik nakkutiginninneq pillugu maleruagassanik, aalajangersakkanut marloqiusamik atorneqartartunut peqqussummi allassimasunut naapertuuttunik, atuutsitsilernissaq qulakkeerniarlugu inatsimmi § 2-imi siunnersuutigineqarpoq nassuaassutit marloqiusamik atorneqartartunut peqqussummi allassimasut ilanngunneqassasut,

makkua pillugit: Tunisassiat marloqiusamik atorneqartartut (dual-use tunisassiat), annissineq, avammut annissisoq, annissinerup nalunaarutiginera, isumaqatigiissitsiniarnermik suliaqarneq, isumaqatigiissitsiniartoq, ataasiakkaanut annissinissamut akuersissut aamma nunarsuarmi annissinissamut akuersissut, tassami tunisassiat EU-mi ilanngaaserinermut suliassaqarfimmit anninneqartussaanatik, kisianni Kalaallit Nunaannit anninneqartussaanerannut naleqqiullugu, nassuaassutit iluarsineqarmata.

Inatsisip paasineqarnissaal ajornanninnerulersinniarlugu "atomip nukinganit atortussiat" nassuaassutaat saffiugassamut, atortussianut akoorutissanut aamma immikkut atomimit qullorernit atortussianut ataatsimoortumik taaguutigitinnejarluni ilaatinneqassasoq siunnersuutigineqarpoq. "Atortussiat akoorutissat" aamma "atortussiat immikkut atomip nukingata qullorneraneersut" nassuaassutaat, nassuaassutinut aalajangersagaasunut EU-p nakkutigineqartussanut allattuiffiani allassimasunut naapertuupput, takuuk marloqiusamik atorneqartartunut peqqusummut ilanggussaq 1. Marloqiusamik atorneqartartunut peqqusummi saffiugassamik annissiarneq maleruagassivigineqanngilaq. Taamaattumik siunnersuutigineqarpoq saffiugassanut nassuaassummik, Euratom-imi isumaqatigiilluni aalajangersakkami artikel 197, imm. 4-imi nassuaassummut naapertuutumik, atuutsitsisoqalissasoq tassami agguaqatigiissillugu akuissuseqarnerit taaneqartut inuussutissarsiornermut siuariartortsinermullu ministerimit allaffissornikkut aalajangersagaammata, takuuk inatsisissatut siunnersuummi § 3, imm. 4.

#### *4.2. Annissinissamut aamma isumaqatigiissitsiniarnermik suliaqarnissamut akuersissut*

Inatsisissatut siunnersuummi § 3, imm. 1-imi siunnersuutigineqarpoq, tunisassianik marloqiusamik atorneqartartunik Kalaallit Nunaanneersunik, nakkutigineqartussanut allattuiffimmi allassimasunik, annissinissamut akuersissummik qinnuteqartoqassasoq.

Aammattaaq inatsimmi § 3, imm. 3-imi siunnersuutigineqarpoq, Inuussutissarsiornermut siuariartortsinermullu ministeri nakkutigineqartussanut allattuiffik pillugu maleruagassanik aalajangersaasinnaasoq, taamaalliluni taanna EU-p tunisassianut marloqiusamik atorneqartartunut nakkutigineqartussanut allattuiffianut naapertuutissalluni. Aalajangersakkami tassani siunertaavoq, tunisassiat suut nakkutigineqartussanut ilaanissaannut tunngatillugu nunani tamalaani pisussaaffit eqaatsumik sukkasuumillu atuutsinneqarnissaasa

qulakkeerneqarnissaa, taamaalilluni Kalaalit Nunaanni aamma Danmarkimi tunisassianik marloqiusamik atorneqartartunik annissinermut maleruagassat assigiit sukkulluunniit atuutissallutik.

Atomip nukinganit atortussiat yellowcake-tut iluseqartut nakkutigineqartussanut allattuiffimmi allassimapput, taamaalillutillu Kalaallit Nunaannit annissinermi akuersissuteqarnissamik piumasaqaateqarnermi pineqartunut ilaallutik. Kisianni aamma nunat uranimik avammut annisisartut arlallit, soorlu USA, Canada aamma Australien, safiugassanik uranimik imaluunniit thorium-imik aalajangersimasumik akuissuseqartunik akoqartunik, avammut annisisarneq, namminneq nunamut nammainermi inatsisiminni maleruagassiiviginissaat toqqarsimavaat. Saffiugassat aamma EU-mi sillimaniarnermik nakkutiginninnermut maleruagassani maleruagassiivigineqarput, tassami taakkuninnga EU-mit annissisoqarpat, Euratom-imi peqqussut nr. 302/2005 Kommissionimut nalunaarutiginninnissamik piumasaqaateqarfiummat. Taamaattoq Euratom-imi peqqussummi nr. 66/2006-imi safiugassanik annikinnerusunik annissinerit nalunaarutigineqartussatinneqanngillat.

Saffiugassamut nunani tamalaani maleruagassiinerup malitsigisaanik inatsimmi siunnersuutigineqarpoq, safiugassamik uranimik imaluunniit thorium-imik agguaqatigiissillugu akuusussatut aalajangersagaasunik akoqartunik, annissinissamut akuersissummik qinnuteqaateqartoqartassasoq, takuuk siunnersuummi § 3, imm. 2. safiugassaq inatsimmi tunisassiatut marloqiusamik atorneqartartutut isigineqarpoq, taamaattumillu inatsimmi tunisassianut marloqiusamik atorneqartartunut aalajangersakkat allat aamma safiugassamut atuutissapput. Inatsimmi § 3, imm. 4-imi piginnaatisssummut aalajangersakkamik ilanngussisoqassasoq siunnersuutigineqarpoq, taanna malillugu Inuussutissarsiornermut siuariartortsinermullu ministeri agguaqatigiissillugu akuissuseqarnernut piumasaqaatinik erseqqinnerusunik aalajangersaasinnaalluni. Aalajangersaanermi maannakkut akuissuseqarnerit pilligit aalajangersakkat USA-mi, Canada-mi aamma Australien-imi imaluunniit EU-mi atuuttut, aallaavigineqarput.

Inatsimmi § 4-imi siunnersuutigineqarpoq, tunisassiaq tamakkiisumik ilaannaasumilluunniit sakkussianut annertoorsuarmik aseruisartunut atorneqartussatut siunertaqarfiusoq imaluunniit taamaassinaasoq, imaluunniit nunami sakkulersorfiusutut akuerisaanngitsumi tunisassiamik sakkutooqarnermi atuinissaq pineqartoq, avammut

annissisussaq oqartussaasunit paasitinneqarsimappat imaluunniit ilisimasaqarpat imaluunniit pasitsaassisimappat, annissinissamut akuersisummik qinnuteqartoqassasoq. Aalajangersakkat marloqiusamik atorneqartartunut peqqusummi artikelini 3-5-imni aalajangersakkanut taaneqartartunut "catch-all" naapertuupput.

Tamatuma saniatigut inatsimmi § 5-imni siunnersuutigineqarpoq, isumaqatigiissitsiniarnermik suliaqarnermut akuersissuteqartarneq pillugu aalajangersakkanik, marloqiusamik atorneqartartunut peqqusummi tamanna pillugu aalajangersakkanut naapertuuttunik, atuutsitsisoqalissasoq.

#### *4.3. Avammut annissuinermik nakkutiginninnermut oqartussaasoq, suliassanik suliarinnittarneq il.il.*

Kalaallit Nunaanni tunisassianik marloqiusamik atorneqartartunik avammut annissuinermik nakkutiginninnermik isumaginninnissamut suleqatigiinnermi allaffissornikkullu periaatsimik pilersitsinissaq pisariaqartinneqartoq, uranimut nalunaarusiami paasinarsisinneqarpoq. Avammut annissuinermik nakkutiginninneq pillugu ataatsimoorluni nalunaaruteqarnermi allassimavoq, danskit naalakkersuisusa aamma Naalakkersuisut akornanni danskit-kalaallit oqartussaasuinut ilusiliussassaq pillugu isumaqatigiittoqartoq.

Taamaattumik avammut annissuinermik nakkutiginninneq pillugu ataatsimoorluni nalunaarut tunngavigalugu inatsimmi § 6, imm. 1-imni siunnersuutigineqarpoq, Kalaallit Nunaanni tunisassianik marloqiusamik atorneqartartunik avammut annissuinermik nakkutiginninnermut Inuussutissarsiornermut aqtsisoqarfik oqartussaasuusoq aalajangiisinnaatitaasoq (avammut annissuinermik nakkutiginninnermut oqartussaasoq). Inuussutissarsiornermut aqtsisoqarfik avammut annissuinermik nakkutiginninnermut oqartussaasuusussatut siunnersuutigineqarpoq, suliassanik makkuninnga isumaginnittussaassalluni:

- Tunisassianik marloqiusamik atorneqartartunik aamma teknologiimik avammut annissinissaq pillugu qinnuteqaammi akuersisummik tunniussisoqassanersoq imaluunniit itigartitsisoqassanersoq aalajangiineq.
- Maleruagassat tunngaviusussat allaffissornikkut nutarterneqarnissaannik pisariaqartunik isumaginninneq, ilanngullugu EU-mi nakkutigineqartussanik allattuiffimmi

allannguuteqarnerit tunngavigalugit nakkutigineqartussanik allattuiffimmik nutarterineq.

- Inuussutissarsiornermut, Suliffeqarnermut Niuernermullu Naalakkersuisoqarfik suleqatigalugu Kalaallit Nunaanni avammut annissuinertermik nakkutiginninnermut periaatsimik sunniuteqarluartumik, tunisassianik marloqiusamik atorneqartartunik aamma teknologiimik nunani tamalaani avammut annissuinertermik nakkutiginninnissamik pisussaaffeqarnermik naammassinnittumik pilersitsineq ingerlatsinerlu.
- Kalaallit Nunaanni avammut annissuinertermik nakkutiginninnissamut pisussaaffeqarnerup suliaqarnikkut piviusunngortinnejarnissaq pillugu Nunanut allanut ministereqarfimmi (UM), Politit isertortumik paasiniaasartuini (PET), Illersornissaqarfip isertortumik paasiniaasartuini (FE) aamma Illersornissamut ministereqarfip Atortunut pisiniartarnermullu aqutsisoqarfiani (FMI) aqutsisoqarfip suleqatigisartagaannik suleqateqarneq.

Suliani Inuussutissarsiornermut aqutsisoqarfip avammut annissuinertermik nakkutiginninnermut oqartussaasutut, inatsit manna naapertorlugu avammut annissinissamik qinnuteqaammut akuersissummik tunniussisoqarsinnaasoq aalajangiiffigisimasaanni, suliassaqarfinni akisussaaffigilerlugit tiguneqarsimasuni, assersuutigalugu aatsitassanut ikummatissanullu inatsit malillugu aalajangiinikkut, Kalaallit Nunaanni inatsisit allat malillugit qinnuteqaammik itigartitsisoqassanersoq, Inuussutissarsiornermut, Suliffeqarnermut Niuernermullu Naalakkersuisoqarfik aalajangiisinnaaassaaq.

Inatsimmi § 6, imm. 2-imut siunnersuutigineqarpoq, avammut annissisarnermik nakkutiginninnermut oqartussaasoq inatsimmi kapitali 2-imut, 3-imut, 5-imut aamma 6-imut atatillugu suliassanik isumaginninnissaanut ikiunnissamut, kalaallit oqartussaasui Inuussutissarsiornermut siuariartortitsinermullu ministerip Naalakkersuisut isumaqatiginninniarfigereerneranni piginnaatissinnaagai. Inuussutissarsiornermut siuariartortitsinermullu ministerip taamaalilluni suliassat qinnuteqaatinik tigusinernut aamma aalajangiinernik nassiusinernut kiisalu avammut annissisartunut aamma isumaqatigiissitsiniartartunut ilaatigut akuersissutinut tunniunneqartunut atugassarititaasut malinneqarnerat nakkutiginiarlugu, nakkutiginnilluni takusaanissamut tunngasut isumagineqarnissaannut Suliffeqarnermut,

Inuussutissarsiornermut Niuernermullu Naalakkersuisoqarfik  
 piginnaatissinnaavaa, taamatullu inuussutissarsiornermut  
 siuariartitsinermullu ministerip kalaallit ilanngaaserinermut  
 oqartussaasui inatsimmi kapitali 6 malillugu tunisassianik  
 marloqiusamik atorneqartartunik annissuinermit nakkutiginninnermut  
 suliassat isumagineqarnissaannut piginnaatissinnaavai.

Aammalut inatsimmi § 6, imm. 3-imik siunnersuutigineqarpoq  
 inuussutissarsiornermut siuariartitsinermullu ministerip  
 Naalakkersuisut isumaqatiginninniaqatigereerneranni,  
 Aningaasaqarnermut Naalakkersuisoqarfik sumiiffiit  
 nakkutiginniffiusussat, tunisassianik marloqiusamik atorneqartartunik  
 annissinissamik nalunaaruteqartup suliarineqarfigisassaasa, takuuk  
 inatsisissatut siunnersuummi § 16, imm. 2, aalajangiunneqarnissaannik  
 ikiunnissamut piginnaatinneqarsinnaasoq.

Inatsimmi § 7-imik siunnersuutigineqarpoq Inuussutissarsiornermut  
 aqutsisoqarfik avammut annissuinermit nakkutiginninnermut  
 oqartussaasutut tunisassiat marloqiusamik atorneqartartut  
 anninnissaannut akuersissummik tunniussisartuussasooq, tamannalu  
 ataasiakkaanut imaluunniit nunarsuarmut annissinissamut akuersissutit  
 ilusilimmik pisinnaasoq. Avammut annissuinermit nakkutiginninneq  
 pillugu ataatsimoorluni nalunaarummut naapertuuttumik  
 siunnersuutigineqarpoq, aqutsisoqarfiup aalajangiinnginneranni,  
 aalajangiinissaq eqqarsaatigineqartoq tamatumunngalu  
 aalajangiinissamut tunngaviusoq Inuussutissarsiornermut  
 aqutsisoqarfiup Suliffeqarnermut, Niuernermut  
 Inuussutissarsiornermullu Naalakkersuisoqarfimmut  
 tusarniaassutigissagaa. Inuussutissarsiornermut aqutsisoqarfik aamma  
 isumaqatigiissitsiniarnermit suliaqarnissamut akuersissummik  
 tunniussisartuovoq, takuuk § 8 siunnersuutigineqartoq.

Qinnuteqaatip suliarineqarneranut atugassanik, qinnuteqaatip  
 nalilersorneqarnissaanut paassisutissanik attuumassuteqartunik  
 tamaginnik tunniussinissamut avammut annisisussaq imaluunniit  
 isumaqatigiissitsiniartussaq pisussaaffeqarpoq. Tassani pineqarput  
 aalajangersakkat, marloqiusamik atorneqartartunut peqqussummi artikel  
 9-imik aamma 10-imik aalajangersakkanut assingusut.

Inatsimmi § 9-imik siunnersuutigineqarpoq avammut annissuinermit  
 nakkutiginninnermut maleruagassat allaffissornikkut aqunneqarnerat  
 pillugu aalajangersakkani erseqqinnerusunik aalajangersaanissamut  
 Inuussutissarsiornermut siuariartitsinermullu ministeri

piginnaatinneqartoq, ilanngullugit qinnuteqaateqarnermut atatillugu ilusiliussassanut piumasaqaatit, akuersissutinut tunniunneqartunut atugassarititaasut il.il.

Avammut annissinissamut akuersissummik qinnuteqaatinik suliarinninnermi pingaarnertigut tunngaviusut Inuussutissarsiornermut aqutsisoqarfip Danmarkimi marloqiusamik atorneqartartunut qinnuteqaatit suliarineqarneranni atuuttut assingi malinneqassapput. Tamatuma kingunerisaanik Inuussutissarsiornermut aqutsisoqarfip, akuersissummik tunniussisoqassanersoq imaluunniit itigaritsisoqassanersoq nalilersuinermi nunani tamalaani pisussaaffit arlallit, nunami namminermi nunanut allanut sillimaniarnermullu politikki kiisalu aamma tunisassiamik naggataatigut atuinissaq eqqarsaatigineqartoq aammalu isornartoqartumik siunertanut ingerlatitseqqissinnaanerup navianaateqarnera, eqqarsaatigissavai. Eqqarsaatigissat pingartinneqartussat § 10-imi siunnersuutigineqartumi allassimapput, taannalu marloqiusamik atorneqartartunut peqqusummi artikel 12-imi aalajangersakkamut assinguvoq.

Pingaartumik atomip nukinganit atortussianik annissinissaq, inatsit manna malillugu akuersissummik peqarnissamik piumasaqaateqarfiusoq, pillugu qinnuteqaatit suliarineqarneranni, aqutsisoqarfip aalajangiinnginnerani, nunamut tigisisussamut naalagaaffit akornanni naalagaaffimmut tigisisussamut isumaqatigiissummik taaneqartartumik isumaqatigiissuteqartoqarsimanersoq paasinissaa siunertaralugu, Inuussutissarsiornermut aqutsisoqarfip Nunanut allanut ministereqarfik tusarniaaffigissuaa. Atomip nukinganit atortussianik Kalaallit Nunaanni piiarneqarsimasunik nuussinermi naalagaaffit akornanni naalagaaffimmut tigisisussamut isumaqatigiissummik isumaqatigiissuteqarnissaq pillugu piumasaqaat, atomip nukinganit atortussiat eqqisisimasumik atorneqarnerannik nakkutiginninnermut Kalaallit Nunaannut inatsisissatut siunnersuummi, nunanut allanut ministerip inatsisissatut siunnersuummut matumunnga ingiaqatigitillugu saqqummiussaani allassimavoq. Taamaattumik isumaqatigiissuteqartoqarsimangippat, imaluunniit naalagaaffit akornanni naalagaaffimmut tigisisussamut isumaqatigiissummik isumaqatigiissuteqarnissaq pillugu piumasaqaat nunanut allanut ministerimit atortussaatinneqarsimangippat, Inuussutissarsiornermut aqutsisoqarfik annissinissamut akuersissummik tunniussisinnaassanngilaq.

Malitassaq pingaardeq tassaavoq, niuernermi illuatungeriit pillugit isertortumik paasiniaasartuni paasissutissatut iluseqartunik isornartoqartunik paasissutissanik peqanngippat, imaluunniit annissinissaq Danmarkimi nunanut allanut sillimaniarnermullu politikkikut eqqarsaatigisassanut akerliunngippat, Inuussutissarsiornermut aqtsisoqarfik akuersisummik tunniussissasoq. Annissinermut atatillugu paasissutissanik isornartoqartunik peqarpat, paasissutissat taakkua qanoq issusaannik ataasiakkaatigut nalilersuineq aallaavigalugu, akuersisummik tunniussisoqarsinnaanersoq imaluunniit annissinissamut itigartitsisoqassanersoq, aqtsisoqarfik aalajangiissaq.

#### *4.4. Teknikkikut ikiuunnissamik aamma assartuinermik inerteqquteqarneq*

##### *4.4.1 Teknikkikut ikiuunnissamik inerteqquteqarneq*

Inatsisisstatut siunnersuut malillugu tunisassianut marloqiusamik atorneqartartunut, inatsimmi pineqartunut ilaasunut tunngatillugu, teknikkikut ikiuunnissaq sakkussianik annertoorsuarmik aseruisartunik ineriartortsinermut imaluunniit sananermut atatillugu atorneqartussaatillugu, Kalaallit Nunaata avataani teknikkikut ikiuulluni suliaqarnissaq inerteqqutaalersinnejapoq. Inerteqquteqarneq teknikkikut ikiuunneq pillugu piginnaatitsissuteqarnermut inatsimmi aalajangersakkanut assinguvoq.

Taamaattoq teknikkikut ikiuulluni suliaqarnissamut inerteqquteqarnermi nalinginnaasumi aalajangersimasut ilaatinneqanngillat. Taamaalilluni nunani EU-mi ilaasortaasuni kiisalu Australien-imi, Canada-imi, Japan-imi, Liechtenstein-imi, New Zealand-imi, Norge-imi, Schweiz-imi aamma USA-imi, tassa imaappoq nunat 7-it EU-p qanigisaattut taaneqartartut, kiisalu Liechtenstein, teknikkikut ikiuunnermik suliaqarneq ilaatinneqanngilaq. Taamatuttaaq paasissutissat tamanit killilorsorneqanngitsumik pissarsiarineqarsinnaasut pillugit, kiisalu tunngaviusumik ilisimatusarneq pillugu teknikkikut ikiuunnissaq ilaatinneqanngilaq.

Tamatuma saniatigut siunnersuutigineqarpoq pisuni immikkuullarilluinnartuni inerteqquteqarnerup saneqquunneqarnissaanik aalajangiinissamut Inuussutissarsiornermut siuariartortsinermullu ministerimut piginnaatitsisummik ilanngussisoqassasoq.

##### *4.4.2 Assartuussinermik inerteqquteqarneq*

Inatsisissatut siunnersummi aamma tunisassianik marloqiusamik atorneqartartunik, sakkussianut annertoorsuarmik aseruisartunut atatillugu atorneqartussatut siunertaqarfiusunik, assartuussinermut inerteqquteqarneq aalajangersarneqarpoq. Inerteqquteqarnermi assartuussinerit suulluunniit tamarmik pineqartunut ilaapput, ilanngullugit umiarsuarmik, timmisartumik, lastbiilinik il.il. inerteqquteqarneq assartuussineq pillugu piginnaatisissuteqarnermut inatsimmi aalajangersakkamut assinguvoq.

Siunnersummi aamma iliuuseqarneri nunani allani ingerlanneqartut pineqartunut ilaapput, taamaattoq Kalaallit Nunaannut pinerluttulerinermut inatsimmi § 4, imm. 2, aamma §§ 5 aamma 6 malillugit killilersuinertaqartumik. Tamatuma pingaartumik kingunerisaanik suliffeqarfik assartuussinermik suliakkiisoq, aammalu assersuutigalugu umiarsuarmi aquttoq, timmisartortartoq imaluunniit biilinik aquttoq, assartuussinermik suliaqartoq, pineqartoq pinerluttulerinermut inatsisini akisussaasuunermut tunngaviusut nalinginnaasut malillugit inatsisit unioqqutillugit assartuussinermut akisussaasuusutut isigineqarsinnaasimappat, nammineerluni pineqaatissinneqarluni eqqartuunneqarsinnaavoq.

Taamaattoq assartuussinermut inerteqquneqarnermi aalajangersimasunik ilaatitsinngitsoqarpoq. Taamaalilluni assartuussineq sakkussianik annertoorsuarmik aseruisartunik siaruartitsinnginnissaq pillugu nunani tamalaani isumaqtigiissutinut naapertuuttumik pippat, assartuussinerit Kalaallit Nunaata avataani ingerlanneqartut ilaatinneqanngillat.

#### *4.5. Tunisassianik marloqiusamik atorneqartartunik avammut annissuinermik nakkutiginninneq aamma nakkutilliineq*

##### *4.5.1. Kalaallit Nunaanneersunut avammut annissisartunut aamma isumaqtigiissitsiniartunut nakkutiginninermik suliaqarneq*

Avammut annissuinermik nakkutiginninneq pillugu ataatsimoorluni nalunaarummi allassimavoq, avammut annissisussap avammut annissuinermik nakkutiginninermut suliffiup iluani suleriaatsinut pisariaqartunut ilisimasassaminik ilisimanninersoq aammalu pilersitsisimanersoq, kiisalu tunisassiaq marloqiusamik atorneqartartoq akuersisummi tamatumunngalu atugassarititaasuni naatsorsutigineqartutut anninneqarsimasoq uppernarsaammik pisariaqartumik peqarnersoq, misissornissaa siunertaralugu, suliffeqarfinnut nunaqavissunut ataatsimoorluni nakkutiginninermik suliniuteqarnermik ingerlatsinissaq isumaqtigiissutigineqartoq.

Suliniuteqarneq imarisamigut Inuussutissarsiornermut aqtsisoqarfip avammut annissuinermit nakkutiginninnermut suliassaqarfimmi danskit suliffeqarfiutaannut ingerlattagaanut assingusuussaaq. Tassani pineqarpoq aarlerinaateqartut aallaavigalugit nakkutiginninneq, tassani Inuussutissarsiornermut aqtsisoqarfip takusaanissamut pisariaqartitsinera, aqtsisoqarfip avammut annisisussami misilittagaqarnera aammalu tunisassiat marloqiusamik atorneqartartut aamma nunat annissinissamik akuersissummi pineqartunut ilaasut nakkutiginniffiusussat, aallaavigalugit aalajangersarneqassalluni.

Akuersissutinut tunniunneqartunut atugassarititaasut malinneqarnerannut sunniuteqarluartumik nakkutiginninnermit suliaqarsinnaanissamut siunnersuutigineqarpoq, avammut annisisarnermit nakkutiginninnermut oqartussaasoq imaluunniit kalaallit oqartussaasui tamatumunnga piginnaatinneqartut, tamanna pisariaqartutut nalilerneqarpat, tunisassianik marloqiusamik atorneqartartunik annissinermut atatillugu eqqartuussivimmik aalajangiinertaqanngitsumik sumiiffinnut isernissamut, ingerlatsinermi allattuiffinnik aamma akuersissutinik aamma niuernermi uppernarsaatinik attuumassuteqartunik pissarsinissamut periarfissaqassasut, takuuk inatsisissatut siunnersuummi § 15.

Naatsorsuutigineqarpoq aalajangersagaq Inuussutissarsiornermut aqtsisoqarfip danskit suliffeqarfiutaanni nakkutiginnilluni takusaanermi maannakkut suleriaasianut naapertuuttumik allaffissornikkut aqunneqassasoq, tassani nakkutiginnilluni takusaanerit ataasiakkaat nalunaarutigineqartarlutik aammalu avammut annisisartumut pineqartumut sioqqutsisumik isumaqatigiissutigineqartarlutik.

Aammattaaq	naatsorsuutigineqarpoq	avammut	annissuinermit
nakkutiginninneq	pillugu	ataatsimoorluni	nalunaarummi
isumaqatigiissutigineqartutut,	kalaallit	oqartussaasui	
nakkutiginninnermit	suliniuteqarnernik	ingerlatsinermi	peqataassasut.
Taamaallilluni	inatsisissatut	siunnersuummi § 6 imm. 2-imi	allassimavoq
Inuussutissarsiornermut	siuariartortitsinermullu	ministerip	avammut
annisisarnermit	nakkutiginninnermut	oqartussaasumut	
nakkutilliinermik	nakkutiginninnermillu	pisussaaffiit	
ingerlanneqarnerannut	ikiuunnissamut	kalaallit	oqartussaasui
piginnaatissinnaagai.	Ataasiakkaatigut		pineqassapput
Inuussutissarsiornermut,	Suliffeqarnermut		Niuernermullu
Naalakkersuisoqarfip	Inuussutissarsiornermut		aqtsisoqarfik

erseqqinnerusumik isumaqatigiissuteqarfigalugu, avammut annissisup atugassarititaasut akuersissummik tunniussinermut atatillugu aalajangersarneqartut malinnerai paasinissaq siunertaralugu nalunaaruteqareerluni nakkutiginnilluni takusaaneri, tassa imaappoq niuernermi uppernarsaatnik pisariaqartunik tigummiaqarnersoq, soorlu nassiuussat allagartaannik, anninneqartut eqqortumik allallugit immersuinernik kiisalu tunisassiap marloqiusamik atorneqartartup naggataatigut atuisussamut akuersissummik tunniussivigineqarsimasumut anninneqarsimaneranut allatut uppernarsaatnik

#### *4.5.2. Avammut annissuinermik nakkutiginninnermut atatillugu nakkutiginninnermi suleriaatsit*

Tunisassianik marloqiusamik atorneqartartunik Kalaallit Nunaanneersunik annissinermi nakkutiginninnermut suleriaatsit pillugit aalajangersakkat inatsisissatut siunnersuummi §§ 16-imi aamma 17-imi allassimapput. Nakkutiginninnermut suleriaatsit pillugit aalajangersakkat siunnersuutigineqartut, annissinernik nakkutiginninneq pillugu aalajangersakkanut marloqiusamik atorneqartartunut peqqussummi kapitali. 6-imi aalajangersagaasunut, assingupput. Aalajangersakkat atuunneranni avammut annissisup, annissinissamut akuersissummik peqarluni, tunisassianik marloqiusamik atorneqartartunik annissinermi uppernarsassavaa. Akuersisummik tunniussinermut atatillugu paasisstissat attuumassuteqartut eqqarsaatigineqarsimanngippata, imaluunniit akuersisummik tunniussereernerup kingorna pisut annertuumik allannguuteqarsimappata, annissineq ullut suliffiusut 30-it angullugit kinguartinneqarsinnaavoq. Ilanngaaserinermi suliarineqartussanik suliariinninnerpiaq nakkutiginninnerup sumiiffiini, Aningaasaqarnermut Naalakkersuisoqarfimmut sioqqutsisumik tusarniaareerluni Inuussutissarsiornermut siuariartortitsinermullu ministerimit toqqagaasuni, ingerlanneqassaaq.

Inatsisissatut siunnersuummi kapitali 6 malillugu tunisassianut marloqiusamik atorneqartartunut nakkutiginninnermik suliassanik isumaginninnermut ikiunnissamut Aningaasaqarnermut Naalakkersuisoqarfik aamma kalaallit ilanngaaserinermut oqartussaasui Inuussutissarsiornermut siuariartortitsinermullu ministerip piginnaatissinnaagai, danskit naalakkersuisuisa aamma Naalakkersuisut akornanni isumaqatigiissutigineqartoq, avammut annissuinermik nakkutiginninneq pillugu ataatsimoorluni nalunaarummi allassimavoq.

Avammut annissuinermik nakkutiginninneq pillugu ataatsimoorluni nalunaarummut naapertuuttumik tamatuma kingorna naatsorsuutigineqarpoq inatsisissatut siunnersuummi § 6, imm. 3-imut naapertuuttumik Aningaasaqarnermut Naalakkersuisoqarfik sumiiffik imaluunniit sumiiffiit ilanngaaseriffiusussat, tunisassianik marloqiusamik atorneqartartunik annissuinermik nalunaarutiginninnerit suliarineqarnissaannut akisussaasuusussat, aalajangersarnissaannut ikiunnissamut Inuussutissarsiornermut siuariartortitsinermullu ministerimit piginnaatinneqassasoq.

Aammattaaq naatsorsuutigineqarpoq ataatsimoorluni nalunaarummut aamma inatsisissatut siunnersuummi § 6, imm. 2-imut naapertuuttumik kalaallit ilanngaaserinermut oqartussaasui tunisassianik marloqiusamik atorneqartartunik Kalaallit Nunaanneersunik inatsimmi § 17 malillugu annissinermi nakkutiginninnerut suliassanik isumaginninnerut ikiunnissamut piginnaatinneqassasut. Tassunga atatillugu naatsorsuutigineqarpoq kalaallit ilanngaaserinermut oqartussasuisa tunisassianik marloqiusamik atorneqartartunik annissinissaq kinguartissinnaagaat, aammalu kalaallit ilanngaaserinermut oqartussaasuisa, tunisassianik marloqiusamik atorneqartartunik annissinissaq unitsissimagunikku, piaartumik Inuussutissarsiornermut aqutsisoqarfik kiisalu Inuussutissarsiornermut, Suliffeqarnermut Niuernermullu Naalakkersuisoqarfik ilisimatissagai. Aammattaaq avammut annissisarnermik nakkutiginninnerut oqartussaasoq inatsisissatut siunnersuummi § 17, imm. 2-imi aalajangersagaasut piffissaliussat iluanni aalajangiisimanngippat, kalaallit ilanngaaserinermut oqartussaasuisa tunissiaq marloqiusamik atorneqartartoq ingerlaannaq tunniutissagaa naatsorsuutigineqarpoq.

#### *4.6. Annissinissamik akuersissutit pillugit qinnuteqaatinut aalajangersimasunut akiliutinut aaqqissuussaq*

Inatsimmi § 18-imi siunnersuutigineqarpoq atomip nukinganit atortussiat Kalaallit Nunaanneersut annineqarnissaannut akuersissummik qinnuteqaatit suliarineqarnerannut akiliutinut aaqqissuussamik atuutsitsisoqalissasoq.

Akiliutinut aaqqissuussami taamaallaat atomip nukinganit atortussianik inatsimmi § 3, imm. 1, imaluunniit imm. 2 malillugit akuersissummik peqarnissamik piumasaqaateqarnermi pineqartunut ilaasunik, annissinissamut qinnuteqaatit nakkutiginninnerlu ilaatinneqarput. Tamatuma kingunerisaanik atomip nukinganit atortussiat Kalaallit Nunaanneersut uranoxidkoncentrat-itut (yellowcake) iluseqartut

anninnejqassappata, qinnuteqaatip suliarineqarnissaanut akilummik akiliisitsisoqassaaq, tassami yellowcake nakkutigineqartussanut allattuiffimmi allassimammat. Taamatuttaaq atomip nukinganit atortussianik saffiugassatut agguaqatigiissillugu akuissuseqarnerannik aalajangersaaviusutut iluseqartunik annissinissamik qinnuteqaatit § 3, imm. 2 siunnersuutigineqartoq naapertorlugu akiliuteqartitsiviussapput.

§ 18, imm. 2-imi siunnersuutigineqarpoq Inuussutissarsiornermut aqutsisoqarfip ilaatigut atomip nukinganit atortussianik annissinissamut akuersisummik qinnuteqaatinik suliariinninnermut, tamatumalu kingorna nakkutiginninnermik suliaqarnermut aningaasartuutai, akiliutip aalajangersarneqarnerani ilaassasut. Aammattaaq aqutsisoqarfip aningaasartuutai suliassanik suliariinninnermut tunngavissiisunik it atorlugu periaatsinik pilersitsinermut ingerlatsinermullu tunngassuteqartut ilaatinneqarput. Nakkutiginninnermik suliaasanut aningaasartuutini, Kalaallit Nunaanni takusaanermut kiisalu nalunaarusiornermut imaluunniit allatut inatsimmi kapitali 5 aamma 6 malillugit nakkutiginninnermik suliaqarnernik malitseqartitsinermut atatillugu aningaasartuutit, naatsorsuinermi ilaatinnejqassapput. Inuussutissarsiornermut aqutsisoqarfik sinnerlugu nakkutilliinermut nakkutiginninnermullu pisussaaffit ilaannik erseqqinnerusumik killissalersugaasunik suliaqarnissamut Inuussutissarsiornermut siuariartitsinermullu ministerip Inuussutissarsiornermut, Suliffeqarnermut Niuernermullu Naalakkersuisoqarfimmut piginnaatisisinnaanerata malitsigisaanik Inuussutissarsiornermut aqutsisoqarfip takusaanernik killilimmik amerlassusilinnik suliaqarnissaa taamaallaat pisariaqartinnejqassasoq naatsorsuutigineqarpoq, takuuk § 6, imm. 2 siunnersuutigineqartoq.

Atomip nukinganit atortussianik Kalaallit Nunaanni piiarneqarsimasunik annissinissamut akuersisummik qinnuteqaatit siulliit qaugu naatsorsuutigineqarsinnaanersut annertuumik nalorninarpoq. Akiliutit qinnuteqaammut akilerneqartussat annertussusissaat taamaalilluni aamma annertuumik nalorninartortaqarpoq. Tamatuma malitsigisaanik § 18, imm. 1 aamma 3-imi siunnersuutigineqarpoq, qinnuteqaatit annertussusissaat aammu akilummik akiliisitsinissamut piumasaqaatit erseqqinnerusut erseqqinnerusumik ilisimaneqalerpat, Inuussutissarsiornermut siuariartitsinermullu ministeri akiliutit ataasiakkaat annertussusissaat pillugu maleruagassanik erseqqinnerusunik aalajangersaasinnaasoq.

#### 4.7. Iliuusissat

Siunnersuummi § 19-imni iliuusissat, pillaasnarnermut aalajangersakkanut piginnaatisissuteqarnermut inatsimmi aalajangersagaasunut, assingupput. Taamaalilluni siunnersuutigineqarpoq – piginnaatisissuteqarnernut inatsimmi pillaasnarnermut aalajangersakkat assinganik – aalajangersakkat taakkua unioqqutinneqarnerannut Kalaallit Nunaannut pinerluttulerinermut inatsit malillugu pineqaatissiilluni eqqartuussisarneq pillugu aalajangersakkanik inatsimmi aalajangersaasoqassasoq.

Akiligassiissuteqarnerup annertussusaata aamma paarnaarussivimmi inissiisoqassanersoq ataasiakkaatigut aalajangerneqarnissaa Kalaallit Nunaanni eqqartuussiviit suliassaraat. Maannamut Danmarkimi piginnaatisissuteqarnermut inatsisip unioqqutinneqarnera pillugu suliassanik, eqqartuussivimmi aalajangiinermik kinguneqartunik peqarsimanngilaq, taamaattumillu eqqartuussiviit pillaassutaasussanik aalajangiinerannut suleriaatsimik takusassaqarani. Taamaattoq unioqqutitsinermut suliassat ataasiakkaat, unnerluutiginninnermut oqartussaasunit suliarineqarsimasut, eqqartuussivikkortinnagitt akiligassiissuteqarfigineqarlutik aalajangiiffigineqarsimapput, tassani suliffeqarfiup akiligassiissutaasoq aklersimallugu.

Kalaallit Nunaannut pinerluttulerinermut inatsimmi § 11 malillugu, tamanna immikkut paarlattuinik inatsisinik tunngavissaqarsimanngippat, inatsisinik allanik piaaraluni aammalu mianersuaalliorluni unioqqutitsinernut (annertuumik aamma annikitsumik mianersuaalliorneq) pineqaatissiilluni eqqartuussisoqarsinnaavoq.

Kisianni tunisassiamik marloqiusamik atorneqartartumik, nakkutigisassanut allattuiffimmi allassimasumik, annissinissamut akuersissummik peqarnissamik piumasaqaatip unioqqutinneqarneran tunngatillugu, takuuk aalajangersakkat catch-all, aammalu teknikkikkut ikiunnissamut inerteqquteqarnerup unioqqutinneqarnerani siunnersuutigineqarpoq, taamaallaat piaaraluni aamma mianersuaalliorjussuarluni unioqqutitsinernut pineqaatissiilluni eqqartuussisoqarsinnaasoq. Tamatuma saniatigut sinnersuutigineqarpoq assartuussinermut inerteqquteqarnerup unioqqutinneqarnerani piaaraluni unioqqutitsinernut taamaallaat pineqaatissiilluni eqqartuussisoqartassasoq. Tamanna piginnaatisissuteqarnermut inatsimmi tamanna pillugu pineqaatissiisarnermut aalajangersakkanut assigulluinnarpoq.

Tamatuma saniatigut Danmarkimi immikkut inatsisini amerlanerpaani pisartutut siunnersuutigineqarpoq, Kalaallit Nunaanni avammut

annissuinerterik nakkutiginninneq pillugu inatsit taamaallaat iliuutsinut Kalaallit Nunaanni pisunut atuutissasoq. Taamaattoq siunnersuutigineqarpoq teknikkikkut ikiuunnissamik inerteqquteqarnermut aalajangersakkat, Kalaallit Nunaannut pinerluttulerinermut inatsimmi § 4-imi aalajangersakkat apeqqutaatinnagit, aamma iliuutsinut Kalaallit Nunaata avataani pisunut atuutissasut, taamaalilluni nunami sumiiffinni inerteqquteqarneq aamma iliuutsinut nunani allani pisunut atuuttussanngorlugu annertusineqarluni. Tamanna taamatuttaaq piginnaatitsissuteqarnermut inatsimmi tamanna pillugu aalajangersakkanut assinguvoq.

Assartuussinermut inerteqquteqarneq pillugu aalajangersakkanut tunngatillugu § 14, imm. 2-imi siunnersuutigineqarpoq, inerteqquteqarneq aamma assartuussinernut nunani allani ingerlanneqartunut atuutissasoq, taamaattoq Kalaallit Nunaannut pinerluttulerinermut inatsimmi § 4, imm. 2, aamma §§ 5 aamma 6 malillugit killilersuinerit atuutissallutik. Aamma tamanna piginnaatitsissuteqarnermut inatsimmi tamanna pillugu aalajangersakkanut assinguvoq. Tamatuma kingunerisaanik inuit Kalaallit Nunaanni najugaqartut, aammalu assersuutigalugu naalagaaffimmi allamiittut imaluunniit umiarsuarmi timmisartumiluunniit allaneersuniittut, iliuuseqarneq inuiaqatigiinni pisussaaffinnut inatsisitigut naalagaaffiup akuerisaasup sumiiffiata avataani pisimappat, imaluunniit iliuuseqarneq sumiiffiup taamaattup iluani pisimappat aammalu inatsisit tassani atuuttut malillugit pillaassutaasinnaappat, pisut malillugit inerteqquteqarnermik unioqqutitsinermut pineqaatissinneqarlutik eqqartuunneqarsinnaassapput.

Inatsisip unioqqutinnejarnera pillugu suliassat ikittuaraannaassasut taamaallaat naatsorsuutigineqarmat, siunnersuutigineqarpoq Kalaallit Nunaanni Eqqartuussiviit inatsisip imaluunniit maleruaqqusat inatsit naapertorlugu aalajangersagaasut unioqqutinnejarnerat pillugu suliani siullertut suliaqartuuusassasoq.

*5. Pisortanut aningaasaqarnikkut allaffissornikkullu sunniutaasussat*  
 Atomip nukinganit atortussianik annissinissamut akuersissummik qinnuteqaatit aamma nakkutiginninnermi suliassat tassunga atasut allaffissornikkut aqunneqarnissaasa malitsigisaanik, inatsisissatut siunnersuut naalagaaffiup (Inuussutissarsiornermut aqutsisoqarfiup) aningaasartuuteqarnerunissaanut matussusiisussanik akiliutinut aaqqissuussinermik imaqarpoq.

Akiliutinut aaqqissuussaami atomip nukinganit atortussianik annissinissamik qinnuteqaatit, inatsimmi § 3, imm. 1, imaluunniit imm. 2 malillugit akuersisummik peqarnissamik piumasaqaateqarnermi ilaatinneqartut, pineqartunut ilaatinneqassasut, siunnersutigineqarpoq.

Akiliut aqutsisoqarfíup annissinissamut akuersisummik qinnuteqaatinik allaffissornikkut aqutsinermut suliassanillu suliarinninnermut aningaasartuutai, atomip nukinganit atortussianik annissinissamut akuersissutinut tunniunneqartunut naleqqiullugu aammalú annissuinermik nakkutiginninnermut naleqqiullugu nakkutiginninnermik nakkutilliinermillu suliassanut ilaattillugu aningaasartuutit kiisalu tunngavissaliisussanik It-mi periaatsinik pilersitsinermi ingerlatsinermilu aningaasartuutit annertoqqatai tunngavigalugit naatsorsorneqarpoq. []

Maannakkut naliliisoqarpoq atomip nukinganit atortussianik annissinissamik qinnuteqaatip siulliup tiguneqarnissaata tungaanut, Inuussutissarsiornermut aqutsisoqarfímmut aningaasartuutaanerusussat ukiumut 0,1-0,3 mio. koruuninik annertussuseqassasut. Tassani pineqarput piginnaasaqarnernik inerisaanissamut aamma ingerlaavartumik naleqqussaanissamut aammalú danskit maannakkut It atorlugu suliassanik aqutseriaasiannik ineriartortitsinissamut pilersitsinermut aningaasartuutit, taamaallilluni taakkua atomip nukinganit atortussianik Kalaallit Nunaannit annissinissamik qinnuteqaatinik, naatsorsueqqissaarnermut siunertanut, paassisutissanik pissarsinissamut il.il. elektroniskimik suliarinninnissamut immikkoortumi modul-imi atorneqarsinnaassallutik.

Siusinnerpaamik qaugu annissinissamut akuersisummik qinnuteqaat siulleq naatsorsuutigineqarsinnaanersoq annertuumik nalorninartortaqarpoq. Inuussutissarsiornermut aqutsisoqarfíup qinnuteqaammik tigusaqarneraniit aallartittumik, aqutsisoqarfíup qinnuteqaatinik suliarinninneranut, kalaallit oqartussaasuunut ataqtigiissaarinermut, aserfallatsaaliuinermut aamma It atorlugu suliassanik aqutseriaatsip ineriartortinneqarneranut annertoqqataannik aningaasartuuteqarnermut kiisalu nakkutilliinermik nakkutiginninnermillu suliassanik isumaginninnermut ilaattillugu Kalaallit Nunaanni akuttunngitsumik takusaasarernut, aningaasartuutaanerusussat 0,5 mio. koruuninik annertussuseqassasut naatsorsuutigineqarpoq.

Oqaatigineqassaaq pilersitsinermut aningaasartuutit ataatsimoortinnerisigut akiliutinit aningaasalersuineq – ukiut 4-it ingerlaneranni akilummik aaqqissuussinerup oqimaaqatigiissinnissaa

pillugu Missingersuutinut ilitsersummi piumasaqaammut ataqatigiissillugu – qinnuteqaataasussatut naatsorsuutigineqartunut akiliutit qaffasissorujussuunerannik malitseqarsinnaassasoq. Taamaattumik Inuussutissarsiornermut aqutsisoqarfiup aningaasartuutaasa, suliassanut pineqartunut tunngassuteqartut, matussuserneqarnissaat qulakkeerniarlugu akilummik aalajangersaanissaq siunnersuutigineqarpoq, taamaalilluni matussusiisoqarnerani ukiup 8-it ingerlaneranni isertitat aningaasartuutilu aningaasaqarnikkut oqimaaqatigiilernissaat anguniarneqassalluni.

Qinnuteqaammut akilummik ataasiakkaamik aalajangersaaneq annertoorujussuarmik nalorninartortaqarpoq, tassami tamatumunnga qinnuteqaatit amerlassusaat apeqqutaasussaammat. Taamaattoq ukiumut qinnuteqaatit ikittuinnaasassasut naatsorsuutigineqarpoq, tamannalu akiliutip annertussusaanut pingaaruteqarsinnaavoq.

#### *6. Inuussutissarsior tunut il.il. aningaasaqarnikkut allaffissornikkullu sunniutaasussat*

Inatsisissatut siunnersuut Danmarkimi atuutinngilaq, taamaattumik innuttaasunut allaffissornikkut sunniutaasussat nalilersorneqaratik.

#### *7. Innuttaasunut allaffissornikkut sunniutaasussat*

Inatsisissatut siunnersuut Danmarkimi atuutinngilaq, taamaattumik innuttaasunut allaffissornikkut sunniutaasussat nalilersorneqaratik.

#### *8. Avatangiisinut sunniutaasussat*

Inatsisissatut siunnersuut Danmarkimi atuutinngilaq, taamaattumik avatangiisinut sunniutaasussat nalilersorneqaratik.

#### *9. EU-mi inatsisinut tunngasut*

Inatsisissatut siunnersummi Kalaallit Nunaanni aalajangersakkat marloqiusamik atorneqartartunut peqqusummi aalajangersakkanut naapertuuttut, Kalaallit Nunaata EU-mut ilaasortaannginneranut tunngasunut, aammalu Kalaallit Nunaanni pissutsinut immikkuullarissunut naleqqussarlugit, atuutsinneqassapput.

Inuussutissarsiornermut aqutsisoqarfiup nakkutilliinermut oqartussaanermiut ilaatillugu avammut annissuinermik nakkutiginninnermut maleruagassat malinneqarnerat nakkutigissavaa,

ilanngullugit maleruagassat marloqiusamik atorneqartartunut peqqussummi aalajangersagaasutut ittut. Tunisassianik marloqiusamik atorneqartartunik avammut annissuinermik nakkutiginninneq Kunngeqarfiup nunanut allanut, sillimaniarnermut illersornissamullu politikkianut, naalagaaffimmi susassaqarfingeqartumut, ilaavoq.

Inatsisissatut siunnersuummi § 6 malillugu avammut annissuinermik nakkutiginninnermut maleruagassanut tunngatillugu EU-mi eqqartuussiviup suleriaasia – Kalaallit Nunaat EU-mut ilaasortaanngikkaluartoq taamaalillunilu EU-mi Eqqartuussivimmi aalajangiinernit pisussaaffilerneqanngikkaluartoq – Inuussutissarsiornermut aqutsisoqarfiup Kalaallit Nunaanni nakkutilliinermik suliaqarneranut pingaaruteqarsinnaapput, tassami aqutsisoqarfiup, aallaaviatigut nakkutilliinermik suleriaaseq EU-mi Eqqartuussiviup suleriaasia malillugu ingerlanneqartussaasinnaasoq, Kalaallit Nunaanni suliffeqarfinnut atortussavaa.

#### *10. Oqartussaasut kattuffillu il.il. tusarniarneqartut*

Inatsisissatut siunnersuummut missingiut piffissami 2016-imí ulloq 4. februaarimiit 2016-imí ulloq 2. martsimut oqartussaasuni kattuffinnilu il.il. makkunani tusarniaassutigineqarpoq:

Eqqartuussissuserisunut siunnersuisooqatigiit, Eqqartuussissuserisut, Sulisartut Inuussutissarsiornermut siunnersuisooqatigiivi, Danmarkimi Umiarsuaatillit peqatigiiffiat, Danskit Sulisitsisut, Danskit Suliffissaataat, Nunani tamalaani ilinniarnernut danskit sullissiviat, Dansk Transport og Logistik, Danskit Eqqartuussissuserisui, Danskit imarsiortut, Danskit nassiussalerivii, Danskit ilisimatusarfii, Paassisutissanut nakkutilliisut, Danskit eqqartuussisut peqatigiiffiat, Inuussutissarsiornermut, Suliffeqarnermut Niuernermullu Naalakkersuisoqarfik, Aningasaqarnermut Naalakkersuisoqarfik, Eqqartuussivinnut aqutsisoqarfik, Inuussutissarsiutigalugu timmisartuussisartut kattuffiat, Naalakkersuisut Siulittaasuata Naalakkersuisoqarfia, Namminersorlutik Oqartussat /Naalakkersuisut, Kalaallit Nunaanni eqqartuussiviit, Naalagaaffiup eqqartuussissuserisua, Naalagaaffimmi politiit pisortaat, Naalagaaffiup kukkunersiuisartua, Aatsitassanut Ikummatissanullu Naalakkersuisoqarfik, Transparency International Denmark, Nunanut Allanut Pisortaqarfik, Vestre Landsret, Østre Landsret.

#### *11. Immersugaq eqikkaaffiusoq*

	Pitsaasumik sunniutaasussat/ aningaasartuuti kinnerunissaq	Sunniutaanerluttussat/ninga asartuutaanerusussat
Naalagaaffimmut, kommuninut aamma nunap immikkoortuinut aningaasaqarnikkut sunniutaasussat	Soqanngilaq	Inatsisissatut siunnersuut Inuussutissarsiornermut Siuariartitsinermullu ministereqarfimmut/Inuussuti ssarsiornermut aqutsisoqarfimmut aningaasartuuteqarnerunermik malitseqassasoq naatsorsuutigineqarpoq. Atomip nukinganit atortussianut tunngatillugu akuersissutinut aningaasartuutaanerusussat akiliutinit aningaasalersorneqassasut siunnersuutigineqarpoq. Immikkoortoq 5-ip ataani allassimasut innersuussutigineqarput.
Naalagaaffimmut, kommuninut aamma nunap immikkoortuinut allaffissornikkut sunniutaasussat	Soqanngilaq	Inatsisissatut siunnersuut Inuussutissarsiornermut Siuariartitsinermullu ministereqarfimmut/Inuussuti ssarsiornermut aqutsisoqarfimmut annikinnerusunik allaffissornikkut sunniuteqassasoq naatsorsuutigineqarpoq. Immikkoortoq 5-ip ataani allassimasut innersuussutigineqarput.
Inuussutissarsiortun il.il. aningaasaqarnikkut	Inatsisissatut siunnersuut Danmarkimut	Inatsisissatut siunnersuut Danmarkimut atuutinngilaq, taamaattumik

sunniutaasussat	atuutinngilaq, taamaattumik inuussutissarsio rtunut il.il. aninkaasaqarnik kut sunniutaasussat nalilorsorneqara tik	inuussutissarsiortunut il.il. aninkaasaqarnikkut sunniutaasussat nalilorsorneqaratik	
Inuussutissarsiortu nut il.il. allaffissornikkut sunniutaasussat	Inatsisissatut siunnersuut Danmarkimut atuutinngilaq, taamaattumik inuussutissarsio rtunut il.il. allaffissornikkut sunniutaasussat nalilorsorneqara tik	Inatsisissatut siunnersuut Danmarkimut atuutinngilaq, taamaattumik inuussutissarsiortunut il.il. allaffissornikkut sunniutaasussat nalilorsorneqaratik	
Avatangiisinut sunniutaasussat	Inatsisissatut siunnersuut Danmarkimut atuutinngilaq, taamaattumik avatangiisinut sunniutaasussat nalilorsorneqara tik	Inatsisissatut siunnersuut Danmarkimut atuutinngilaq, taamaattumik avatangiisinut sunniutaasussat nalilorsorneqaratik	
Innuttaasunut allaffissornikkut sunniutaasussat	Inatsisissatut siunnersuut Danmarkimut atuutinngilaq, taamaattumik innuttaasunut allaffissornikkut sunniutaasussat nalilorsorneqara tik	Inatsisissatut siunnersuut Danmarkimut atuutinngilaq, taamaattumik innuttaasunut allaffissornikkut sunniutaasussat nalilorsorneqaratik	

EU-mi inatsisirut tunngasut	<p>Inatsisissatut siunnersuummi Kalaallit Nunaanni aalajangersakkat, marloqiusamik atorneqartartunut peqqussummi aalajangersakkanut naapertuuttut, Kalaallit Nunaata EU-mut ilaasortaannginneranut naleqqussagaasut aammalu Kalaallit Nunaanni pissutsinut immikkullarissunut naleqqussagaasut, atuutsinneqalissapput.</p> <p>Avammut annissuinermik nakkutiginninnermut maleruagassat malinneqarnerat Inuussutissarsiornermut aqutsisoqarfiup nakkutilliinermut oqartussaasuunermi ilaatut nakkutigissavaa, tassani ilaallutik maleruagassat marloqiusamik atorneqartartunut peqqussummi aalajangersagaasut. Tunisassianik marloqiusamik atorneqartartunik avammut annissuinermik nakkutiginninneq Kunngeqarfiup nunanut allanut, sillimaniarnermut illersornissamullu politikkianut, naalagaaffiup susassaqarfisaanut, ilaavoq.</p> <p>Inatsisissatut siunnersuummi § 6 malillugu EU-mi Eqqartuussivimmi suleriaaseq avammut annissuinermik nakkutiginninnermut maleruagassanut tunngassuteqartoq – Kalaallit Nunaat EU-mi ilaasortaanngikkaluartoq taamaalillunilu EU-mi Eqqartuussiviup aalajangiinerinit pisussaaffilerneqartanngikkaluartoq – Inussutissarsiornermut aqutsisoqarfiup Kalaallit Nunaanni nakkutilliinermik suliaqarneranut pingaaruteqassaaq, tassami aqutsisoqarfiup aallaaviatigut nakkutilliinermut suleriaaseq EU-mi Eqqartuussiviup suleriaasia malillugu atuuttariaqartoq, Kalaallit Nunaanni suliffeqarfinnut atussavaa.</p>
-----------------------------	--

*Inatsisisatut siunnersuummi aalajangersakkanut ataasiakkaanut  
nassuaatit*

*§ 1-imut*

Aalajangersagaq malillugu atuuppoq, tunisassiat marloqiusamik atorneqartartut isornartoqartumik siunertanut atorneqannginnissaasa aamma Kunngeqarfik Danmarkip tunisassianut marloqiusamik atorneqartartunut tunngatillugu avammut annissuinermik nakkutiginninnermut nunani tamalaani pisussaaffimminik naammassinninnissaata qulakkeerneqarnissai, inatsimmi siunertaasoq.

Tunisassianik marloqiusamik atorneqartartunik avammut annissuinermik nakkutiginninneq atorlugu taamaalluni, tunisassiat marloqiusamik atorneqartartut isornartoqartunut siunertanut, ilanngullugu sakkussianik annertoorsuarmik aseruisartunik ineriaartitsinermut aamma siaruarinermut, pisooqataannginnissaat imaluunniit nunanut nunani tamalaani eqqissisimanermut, sillimaniarnermut patajaatsuutitsinermullu aarlerinartorsiortitsisunut avammut anninnejqannginnissaat, qulakkeerneqassaaq.

Kunngeqarfik Danmarkip avammut annissuinermik nakkutiginninnermut tunngatillugu pisussaaffeqarnerani nunani tamalaani isumaqatigiilluni aalajangersakkat, isumaqatigiissutit suleqatigiinnerillu malinneqarput, ilanngullugit ilaatigut FN-ip Sillimaniarnermut siunnersuisooqatigiivini aalajangersagaq nr. 1540 (2004) aamma Kunngeqarfip nunani tamalaani avammut annissuinermik nakkutiginninnermut politikkikkut aqutsisunut ilaasortaanera, tunisassianut marloqiusamik atorneqartartunut atatillugu annissuinermik, nuussisarnermik, isumaqatigiissitsiniarnermik suliaqarnermut aamma aqqlusaarnermut ataatsimoorussamik aaqqissuussineq pillugu Danmarkimi Siunnersuisooqatigiit peqqussutaat (EF) nr. 428/2009, 5. maj 2009-imeersoq, Europa-Parlament-imi aamma Siunnersuisooqatigiit peqqussutaatigut (EU) nr. 1232/2011, 16. november 2011-imeersumi allanguuteqartinneqartoq (matuma kingorna taaneqartoq marloqiusamik atorneqartartunut peqqussut) aqutigalugu atuutsinneqartoq. Siunnersuutigineqarpoq, Kunngeqarfip tunisassianik marloqiusamik atorneqartartunik Kalaallit Nunaanneersunik annissinermi nunani tamalaani avammut annissuinermik nakkutiginninnermut pisussaaffeqarnerata malinneqarnissaata qulakkeerneqarnissaa inatsimmi

siunertaasoq, inatsimmi siunertanut aalajangersakkami takuneqarsinnaassasoq.

### *§ 2-imut*

Inatsimmi § 2-imu siunnersuutigineqarpoq oqaatsit ”tunisassiat marloqiusamik atorneqartartut”, ”annissineq”, ”avammut annissisoq”, ”annissinerup nalunaarutigineqarnera”, ”isumaqatigiissitsiniarnermik suliaqarneq”, ”isumaqatigiissitsiniartoq”, ”ataasiakkaanut annissinissamut akuersissut” aamma ”nunarsuarmut annissinissamut akuersissut” nassuaassutaat ilangunneqassasut. Nassuaassutit marloqiusamik atorneqartartunut peqqussummi nassuaassutinut assingupput, kisianni tunisassiat EU-p ilanggaaserinermut suliassaqarfianit anninneqaratik, kisianni Kalaallit Nunaannit anninneqartussaanerannut tunngatillugu naleqqussarneqarlutik.

”Tunisassiat marloqiusamik atorneqartartut” (tunisassiat dual-use) atituumik tunisassianut tigussaasunut, teknologiimut aamma software-nut, inuiaqatigiinni aamma sakkutooqarnermut siunertanut atorneqarsinnaasunut taaguutaavoq, ilanggullugu aamma sakkussianik annertoorsuarmik aseruisartunik sananermut, ineriertortitsinermut il.il. atatillugu.

”Annissineq” tassaavoq Kalaallit Nunaata ilanggaaserinermut suliassaqarfianit annissineq. Software-nut aamma teknologiimut tunngatillugu ”annissineq” aamma tassaavoq elektroniskimik immiussissutit atorlugit, assersuutigalugu internettikkut nuussinikkut, nuussineq. Nuussinermi aamma pineqarpoq software imaluunniit teknologi pisinnaatitaasunut pisussaatitaasunullu aamma inunnut imaluunniit suleqatigiiffinnut Kalaallit Nunaata avataaniittunut elektroniskinngorlugu atugassiissutigineqartut. ”Annissineq” aamma tassaavoq teknologi oqarasuaatikkut nassuarneqarpat, nassuaammik oqaluinnarluni nuussineq.

”Avammut annissisoq” nassuarneqarpoq inuk nammineq imaluunniit pisinnaatitaasoq pisussaatitaasorlu imaluunniit suleqatigiit. Avammut annissisoq annissinermut akisussaasuovoq taamaalillunilu avammut annissuinertermik nakkutiginninnermut maleruagassanik naammassinninnissamut akisussaasuulluni. Avammut annisisutut isigineqarpoq Kalaallit Nunaata avataani tigusisussamut attaveqartoq, aammalu tunisassiaq Kalaallit Nunannit anninneqassasoq

aalajangiinissamut piginnaatitaaffeqartoq, imaluunniit – software-mik imaluunniit teknologiimik nuussisoqartillugu – software imaluunniit teknologi Kalaallit Nunaata avataani sumiiffimmut siunnerfigineqartumut nuunneqassasoq aalajangiinissamut piginnaatitaaffeqartoq.

Isumaqtigiissuteqartoqarsimannngippat imaluunniit isumaqtigiissummik piginnittoq nammineq akilikkaminik iliuuseqanngippat, inuk taanna tunisassiap Kalaallit Nunaannit anninneqarnissaanik aalajangiisoq, avammut annissisutut isigineqassaaq.

Tunisassiaq Kalaallit Nunaanniippat, kisianni isumaqtigiissummik piginnittoq Kalaallit Nunaata avataaniilluni, niuernermi peqataasoq Kalaallit Nunaanni angerlarsimaffeqartoq avammut annissisutut isigineqassaaq. Aalajangersakkami tassani avammut annissisup, Kalaallit Nunaanni akisussaatinneqarsinnaasup kinaassusersineqarsinnaanissaa qulakkeerneqarpoq.

”Annissinissamik nalunaarutiginninneq” paasineqassaaq tassaasoq inuup tunisassiaq marloqiusamik atorneqartartoq Kalaallit Nunaannit anninneqarnissaanut ilanngaaserinermut suleriaatsimut nalunaarutigalugu iliuuseqartoq. Oqaatigineqassaaq tunisassiaq – software-tut imaluunniit teknologiitut iluseqartoq – elektroniskimik nuunneqarpat, assersuutigalugu internettikkut, annissinissamut nalunaarutiginninnissaq piumasaqaataanngimmat.

”Isumaqtigiissitsiniarnermik suliaqarneq” tassaavoq nunat Kalaallit Nunaata avataaniittut akornanni tunisassianik marloqiusamik atorneqartartunik pisinissaq, tunisinissaq imaluunniit tunniussinissaq siunertaralugu aningaasanik nuussinissamik akunnermiliulluni ingerlatitsilluni imaluunniit aaqqissuussilluni imaluunniit tunisassianik taamaattunik toqqaannartumik pisinissamik, tunisinissamut tunniussinissamilluunniit akunnermiliulluni ingerlatitsilluni suliaqarneq.

”Atasiakkaanut annissinissamut akuersissut” tassaavoq akuersissut, tunisassianut marloqiusamik atorneqartartunut erseqqinnerusumik allanneqartunut aamma pisisussamut aamma naggataatigut atuisussamut aalajangersimasumut tunniunneqartoq.

”Nunarsuarmut annissinissamut akuersissut” ingerlaavartumik annissuinermi atorneqartarpoq aammalu tunisassianut marloqiusamik atorneqartartunut, nunamut ataatsimut arlalinnulluunniit allanneqartunut aammalu nunani taakkunani naggataatigut atuisussamut aalajangersimasumut, anninneqartussanut, tunngasuulluni.

”Sakkutooqarnermi allattuiffik”, Den EU-p sakkutooqarnermi atortunut ataatsimoortumik allattuiffianut assinguvoq. Sakkutooqarnermi allattuiffik maannakkut atuuttoq Siunnersuisooqatigiinnit ulloq 11. marts 2013 akuerineqarpoq, takuuk FUSP/2013/C 90/01.

Inatsisip paasineqarnissaa ajornannginnerulersinniarlugu ”atomip nukinganit atortussiat” nassuaassutaat ”saffiugassamut”, ”atortussianut akoorutissanut” aamma ”atortussianut immikkut atomip nukingata quillorneraneersunut” ataatsimoortumik taaguutitut atorneqarpoq.

”Saffiugassap” nassuaassuttaa Euratom-imi isumaqatigiilluni aalajangersakkammi artikel 197, imm. 4-imi nassuaassummut assinguvoq, tassami agguaqatigiissillugu akuissuseqarnerit taaneqartut inuussutissarsiornermut siuariartortsinermullu ministerimit allaffissornikkut aalajangersarneqarmata, takuuk inatsisissatut siunnersummi § 3, imm. 4.

”Atortussiat akoorutissat” aamma ”Atortussiat immikkut atomip nukingata quillorneraneersut” nassuaassutaat nassuaassutinut aalajangersagaasunut, EU-imi nakkutigineqartussanut allattuiffimmi allassimasunut, assinguvoq, takuuk marloqiusamik atorneqartartunut peqqusummut ilanngussaqtut 1.

### *§ 3-imut*

Inatsimmi § 3, imm. 1-imi siunnersuutigineqarpoq, tunisassianik marloqiusamik atorneqartartunik, nakkutigineqartussat allassimaffianni allassimasunik annissinissamut akuersisummik peqarnissaq pisariaqartoq. Aammattaaq imm. 3-imi siunnersuutigineqarpoq, Inuussutissarsiornermut siuariartortsinermullu ministeri nakkutigineqartussat allassimaffiannik aalajangersaasinnaasoq nutarterisinnaasorlu, taamaalilluni taanna tunisassianut marloqiusamik atorneqartartunut EU-p nakkutigineqartussanik allattuiffianut assingussalluni.

Marloqiusamik atorneqartartunut peqqusummi ilanngussaqtut 1, EU-p tunisassianut marloqiusamik atorneqartartunut, tunisassiat EU-mit anninneqassappata, akuersisummik peqarnissamik piumasaqaateqarnermi pineqartunut ilaasunut, ataatsimoortumik allattuiffianik imaqarpoq. Tunisassiat nakkutigineqartussat pillugit nunani tamalaani avammut annissuinermik nakkutiginninnerut politikkikkut aqutsisuni sisamani taakkunani aalajangiinerit atuutsinniarlugit, EU-Kommissionip ilanngussaqtut ukiumut ataasiarluni nutartertarpa, tamannalu inatsisit allassimasut tunniunneqartut

aqqutigalugit pisarpoq. Maannakkut nakkutigineqartussanut allattuiffik atuuttoq, tunisassianut marloqiusamik atorneqartartunut atatillugu annissinernik, nuussinernik, isumaqatigiissitsiniarnermik suliaqarnermut aqquaarnermillu nakkutiginninnissamut ataatsimoorluni aaqqissuussineq pillugu Siunnersuisooqatigiit peqqussutaata (EF) nr. 428/2009-ip allannguiteqartinneqarnissaq pillugu, Kommissionip peqqussutaanut suliakkiisumut (EU) nr. 2015/2420-imut ilanngussaq 1-itut ilaatinneqarpoq.

Tunisassiat marloqiusamik atorneqartartut sorliit annissinissamut akuersissummik peqarnissamik piumasaqaateqarnermi ilaatinneqassanersut pillugu EU-mi marloqiusamik atorneqartartunut peqqussutaani pisutut Kalaallit Nunaanni maleruagassanik assingusunik atuutsitsilernissaq aalajangersakkani qulakkeerneqassaaq.

Saffiugassamut nunani tamalaani maleruagassiinerup malitsigisaanik inatsimmi § 3, *imm. 2*-imi siunnersuutigineqarpoq, saffiugassamik uranimik imaluunniit thorium-imik agguaqatigiissillugu aalajangersimasumik aalajangersagaasumik akoqartumik annissinissamut akuersissummik qinnuteqartoqartassasoq. Annissinissamut akuersissummik peqarnissamik piumasaqaat taamaalilluni, saffiugassaaq atomip nukinganut imaluunniit atomip nukinganuunngitsoq siunertaqartunut atorneqassanersoq apeqqutaatinnagu, atuuppoq.

Inatsimmi § 3, *imm. 4*-imi piginnaatitsissuteqarnermut aalajangersakkamik ilanngussisoqassasoq siunnersuutigineqarpoq, taanna malillugu Inuussutissarsiornermut siuariartortitsinermullu ministerip agguaqatigiissillugu akuissuseqarnissamut il.il. piumasaqaatit erseqqinnerusut aalajangersarsinnaallugit. Aalajangersaanermi agguaqatigiissillugu akuissuseqarnerit pilligit aalajangersakkat nunani USA, Canada aamma Australien imaluunniit EU-imu atuuttut aallaavigineqarnissaat, siunertaavoq. Tassunga atatillugu oqaatigineqassaaq, saffiugassaaq uranimik imaluunniit thorium-imik 0,05 procentimik annerusumilluunniit akoqarpas USA, Canada aamma Australien avammut annissinissamut akuersissummik peqarnissamik piumasaqaateqarmata. EU-imu agguaqatigiissillugu akuissuseqarnissat pilligit aalajangersakkat, saffiugassani pineqartunut ilaasuni akuusut annertussusaannik aalajangersaaneq pillugu peqqussummi Euratom-imu isumaqatigiilluni aalajangersakkami artikel 197, *imm. 4*-imi oqaatigineqartut, takuneqarsinnaapput (peqqussut nr. 9., 22. februar

1960-imeersoq). Peqqussummi artikel 2-imik allassimavoq, saffiugassanut uranimik akoqartunut tunngatillugu agguaqatigiissillugu akuusut annertussusaat tassaasoq saffiugassamut thorium-imik akoqartumut, monazit ilaatinngu, agguaqatigiissillugu akuusut annertussusaat agguaqatigiissillugu 0,1 procentimik annertunerusumilluunniit akoqartoq, agguaqatigiissillugu akuusut annertussusaat 3 procentiusoq annertunerusorluunniit aammalu monazitimut tunngatillugu thorium-imik 10 procentimik annertunerusumilluunniit akoqartunut, imaluunniit uanimik 0,1 procentimik annertunerusumilluunniit akoqartunut, agguaqatigiissillugu akuusut annertussusaat suulluunniit.

Maleruagassat ataatsimoortut tamarmik tamatuma saniatigut ilaatisinnginnermut aalajangersakkanik imaqparyut, assersuutigalugu saffiugassanik annikitsunik avammut annissinermi. Piginnaatitsissuteqarnermut aalajangersagaq taamaaqataanik saffiugassanik annikitsunik annissinermi akuersissummik peqarnissamik piumasaqaateqarnermi ilaatinneqanngitsunut aalajangersakkanik aalajangersaanissamut atorneqassasoq siunertaavoq. Tamanna saffiugassap uranimik imaluunniit thorium-imik akoqarnera taamaattoqassappat annikinnerpaamiitinnissaa eqqarsaatigalugu pissaaq, taamaannerani suliaqarnermi saffiugassanit akuusut, akuusut taakkua sakkussianik annertoorsuarmik aseruisartunik ineriartortitsinermut atorneqarnissaat siunertaralugu, avissaartinnissaat ajornassalluni.

#### *§ 4-imut*

Pisuni aalajangersimasuni tunisassianik marloqiusamik atorneqartartunik annissinissamut akuersissummik peqarnissaq piumasaqaatigineqarpoq, naak taakkua nakkutigineqartussanut allattuiffimmi allassimanngikkaluartut, takuuk aalajangersakkat taaneqartartut catch-all, § 4-imik siunnersuutigineqartumi allassimasut. Catch-all aalajangersakkat isumannaallisaatitut isigineqarsinnaapput, taanna tunisassiat malussariffiunnginnerusut, nakkutigineqartussanut allattuiffimmi allassimanngitsut, sakkussianik annertoorsuarmik aseruisartunik ineriartortitsinermut atorneqarnissaasa imaluunniit pineqartoq nunanut sakkulersorfiusutut akuerisaanngitsunut ilassunut pineqartunut sakkutooqarnermut atorneqartussatut atorneqarnissaasa, pinngitsoortinniarnissaanik siunertaqarfiulluni.

Taamaattumik § 4, imm. 1-im i siunnersuutigineqarpoq, avammut annissisoq oqartussaasunit paasitinneqarsimappat tunisassiat sakkussianut annertoorsuarmik aseruisartunut atatillugu imaluunniit taakkununnga qaartartuliissutissatut atorneqarnissaat aalajangiunneqarsimasoq imaluunniit taamaassinaasoq, avammut annissisoq akuersissummik qinnuteqassasoq. Sakkut annertoorujussuarmik aserorterisartut paasineqassaaq tassaasut akuutissanik uumaatsunik, uumassusilinnik imaluunniit atomip nukinganik sakkussianik imaluunniit atomip nukinganik qaartartulianik kiisalu missil-it sakkussianik taamaattunik aallartitsisinnaasut.

Aammattaaq imm. 2-im i siunnersuutigineqarpoq, nuna pisiffiusoq imaluunniit nuna siunniunneqartoq nunani tamalaani sakkulersorfiusutut akuerisaanngitsutut aalajangiinermi ilaatinneqarpat, aammalu avammut annissisoq oqartussaasunit paasitinneqarsimappat tunisassiat pineqartut tamakkiisumik ilaannaasumilluunniit sakkutooqarnermut naggataatigut atorneqartussatut aalajangiunneqarsimasinnaasut, annissinissamut akuersissummik peqarnissaq piumasaqaataasoq. Sakkutooqarnermi naggataatigut atorneqartussaq tassunga atatillugu *imm. 3* siunnersuutigineqartoq naapertorlugu paasineqassaaq tassaasoq sakkutooqarnermi tunisassiani ilangngutsitsineq, sakkutooqarnermi tunisassianut sananissamut aamma misissueqqissaarnissamut atortunut atuineq imaluunniit sakkutooqarnermi tunisassianik sananissamut tunisassiorfimmik atuineq. Sakkutooqarnermi tunisassiat paasineqassaaq tassaasut tunisassiat EU-ip sakkutooqarnermut allattuiffiani allassimasunut ilaasut.

Kiisalu *imm. 5*-im i siunnersuutigineqarpoq, tunisassiaq pineqartoq anninneqartussatut kissaatigineqartoq, tamakkiisumik ilaannaasumilluunniit inatsisisstatut siunnersuummi § 4, imm. 1-im i imaluunniit 2-im atuinerit taaneqartut ilaannut siunnerfeqartinneqartoq, avammut annisisussap nammineerluni ilisimappagu, annissinissamut akuersissummik peqarnissaq piumasaqaataasoq.

### § 5-imut

Inatsimmi § 5-im i siunnersuutigineqarpoq, isumaqtigiiissitsiniartoq, taanna avammut annisisarnermik nakkutiginninnermut oqartussaasumit ilisimatinneqarsimaguni, takuuk *imm. 1*, imaluunniit nammineerluni ilisimaguniuk, takuuk *imm. 2*, tunisassiat tamakkiisumik ilaannaasumilluunniit sakkussianut annertoorsuarmik aseruisartunut atatillugu aamma § 4, imm. 1 siunnersuutigineqartumi allassimasutut taakkununnga missil-inut qaartartuliussassatut, taakkua arlaannut,

atorneqartussatut aalajangiunneqarsimasut, isumaqtigiissitsiniarnermik suliaqarnissamut akuersisummik qinnuteqassasoq.,

Isumaqtigiissitsiniarnermik suliaqarneq pillugu maleruagassat, marloqiusamik atorneqartartunut peqqussutip 2009-imi iluarsanneqarnerani atuutsinneqalerput. EU-mi naalagaaffiit ilaasortaasut atuuffissat aamma tunisassianut allattuiffimmiiinngitsunut akuersissuteqarnissamut annertusinissaannut periarfissaqarnerannik, peqqussummi artikel 5, imm. 2 imaqarpoq, takuuk peqqussummi artikel 4-imi aalajangersakkat catch-all. Tunisassianut allattuiffimmiiinngitsunut tunngatillugu isumaqtigiissitsiniarnermik suliaqarnermut maleruagassiisunik Danmarkimi inatsisini atuutsitsisoqanngilaq. Inatsisissatut siunnersummi matumani siunertaammat Kalaallit Nunaanni tunisassianik marloqiusamik atorneqartartunik avammut annissuinermik nakkutiginninnermut maleruagassat, Danmarkimi pisartut assingi atuutissasut, taamaattumik marloqiusamik atorneqartartunut peqqussummi artikel 5, imm. 2, inatsimmi atuutsinneqanngilaq, aammalu siunnersuutigineqarpoq isumaqtigiissitsiniarnermik suliaqartarneq pillugu aalajangersakkat tunisassianut marloqiusamik atorneqartartunut nakkutigineqartussanut allattuiffimmiiittunut taamaallaat atuutissasut.

Oqaatigineqassaaq Inuussutissarsiornermut aqutsisoqarfik marloqiusamik atorneqartartunut peqqussut malillugu isumaqtigiissitsiniarnermik suliaqarnissamut akuersisummik qinnuteqaatinik maannamut tigusaqarsimanngimmat.

### § 6-imut

§ 6, imm. 1-imi siunnersuutigineqarpoq, Inuussutissarsiornermut aqutsisoqarfik tassaasoq avammut annissuinermik nakkutiginninnermut oqartussaasoq, taamaalillunilu tunisassianik marloqiusamik atorneqartartunik avammut annissuinermik nakkutiginninnermut oqartussaasuusoq aalajangiisinnaatitaasoq.

Avammut annissuinermik nakkutiginninneq pillugu ataatsimoorluni nalunaarummut naapertuuttumik § 6, imm. 2-imi siunnersuutigineqarpoq Inuussutissarsiornermut siuariartortitsinermullu ministerip Naalakkersuisut isumaqtiginninaqatigereerneranni avammut annissisarnermik nakkutiginninnermut oqartussaasup inatsimmi kapitali 2-imut, 3-imut, 5-imut aamma 6-imut aatillugu suliassanik isumaginninneranut ikiuunnissamut kalaallit oqartussaasui piginnaatissinnaagai. Aammattaaq § 6, imm. 3-imi siunnersuutigineqarpoq inuussutissarsiornermut siuariartortitsinermullu

ministerip Aningaasaqarnermut Naalakkersuisoqarfik sumiiffiit nakkutiginniffiusussat, tunisassianik marloqiusamik atorneqartartunik annissinissamik nalunaarutiginninnernik suliaqarnerup ingerlanneqarfissaasa, aalajangersarneqarnerannut ikiunnissamut piginnaatissinnaagaa. Taamaattoqassappat kalaallit oqartussaasuisa suliassanik isumaginninnerat, Inuussutissarsiornermut siuariartortitsinermullu ministerip erseqqinnerusumik isumaqatigiissuteqarfigineratigut aammalu inuussutissarsiornermut siuariartortitsinermullu ministereqarfiup ilitsersuussinera akisussaasuuneralu malillugit, pissaaq.

Aammattaaq nassuaatini nalinginnaasuni immikkoortoq 4.3 innersuussutigineqarpoq.

### *§ 7-imut*

§ 7, imm. 1-imi siunnersuutigineqarpoq, tunisassianik marloqiusamik atorneqartartunik annissinissamut akuersissummik tunniussisoqarsinnaanersoq imaluunniit qinnuteqaat itigartinneqassanersoq, avammut annissisarnermik nakkutiginninnermut oqartussaasoq aalajangiissasoq. Aalajangiinissaq sioqqullugu aalajangiinissaq eqqarsaatigineqartoq aamma aalajangiinermut tunngaviusoq pillugit Inuussutissarsiornermut, Suliffeqarnermut Niuernermullu Naalakkersuisoqarfik tusarniarneqassaaq, takuuk § 7, imm. 3 siunnersuutigineqartoq. Avammut annissuinermik nakkutiginninneq pillugu ataatsimoorluni nalunaaruteqarnermut aamma inatsisisstatut siunnersuummi § 6, imm. 2 malillugu Inuussutissarsiornermut siuariartortitsinermullu ministerip suliassanik isumaginninnermut ikiunnissamut, Inuussutissarsiornermut, Suliffeqarnermut Niuernermullu Naalakkersuisoqarfimmur piginnaatissuteqarsinnaaneranut naapertuuttumik, avammut annissuinermik nakkutiginninnermut oqartussaasup akuersissummik tunniussinissamik aalajangiinerata imaluunniit qinnuteqaammik itigartitsinerata Inuussutissarsiornermut, Suliffeqarnermut Niuernermullu Naalakkersuisoqarfimmit avammut annisisumut nalunaarutigineqartarnissaa naatsorsuutigineqarpoq. Aalajangiinerup tunniunneqarnera aalajangiinermut immersugassiaq avammut annissisarnermik nakkutiginninnermut oqartussaasup suliarisimasa malillugu pissaaq.

Oqaatigineqassaaq avammut annissuinermik nakkutiginninnermut oqartussaasut qinnuteqaammut akuersisummik tunniussisoqassasoq inassuteqarsimallutik, kisianni suliassaqarfinni akisussaaffigilerlugit tiguneqarsimasuni, assersuutigalugu aatsitassanut ikummatissanullu inatsit malillugu, kalaallit inatsisaat tunngavigalugit, kalaallit inatsisaat malillugit annissinissarpiamut itigartitsisoqartussaalluni, pisoqarsinnaassammat.

Akuersissut ataasiakkaatut imaluunniit nunarsuarmut annissinissamut akuersissutitut iluseqartinneqarsinnaavoq. Nunarsuarmut annissinissamut akuersissut, ataasiakkaanut annissinissamut akuersissutip, taamaallaat naggataatigut tigusisussamut (naggataatigut atuisussaq) aalajangersimasumut ataasiaannartumik annissinermut tunngasup, akerlianik, nunanut toqqartukkanut akuttunngitsumik avammut annisisarnermi tunniunneqarajuppoq. Nunarsuarmut annissinissamut akuersissut taamaalilluni avammut annisisumut, ataasiakkaanut annissinissamut akuersissummut sanilliullugu, allaffissornikkut oqilisaanermik malitseqarpoq, taamaattumillu marloqiusamik atorneqartartunik avammut annissuinermik nakkutiginninnermut maleruagassat suliaqarfiginissaannut malinnissaannullu pisariaqartut ilisimasaqarfigalugit, avammut annisisup avammut annisisarnermi nakkutiginninnermut oqartussaasumut uppernarsarsimassagaa piumasaqataalluni.

Akuersissutit marluk assigiinngitsut taakkua saniatigut, EU-mut annissinissamut akuersisummik nalinginnaasumik taaneqartartumik, avammut annisisisunut akuersissummi piumasaqaatinik nalinginnaasunik naammassinnittunik tamaginnut tunniunneqarsinnaasumik, tunniussinissamut, marloqiusamik atorneqartartunut peqqussut aamma periarfissiivoq. EU-mut annissinissamut akuersissut nalinginnaasoq taanna nunanut siunniunneqarsimasunut aalajangersimasunut tunisassianik erseqqinnerusumik allanneqartunik annissinissamut atuuppoq. EU-mut annissinissamut akuersissut nalinginnaasoq taanna EU-001 akuersissutini piumasaqaateqarfiunnginnersaavoq aammalu ikittuinnarnik ilaatisiviunngitsumik, tunisassianik marloqiusamik atorneqartartunik nakkutigineqartussanut allattuiffimmiettunut Australien-imut, Canada-imut, Japan-imut, Liechtenstein-imut, New Zealand-imut, Norge-imut, Schweiz-imut aamma USA-imut annissinernut tamaginnut tunngasuulluni. Nalinginnaasumik annissinissamut akuersissuteqarnissamut periarfissaq, EU-mi aaqqissuussap tassani pineqarnerata malitsigisaanik, aammalu

akuersissuteqarnermi atugassarititaasut sukanninnginnerusut taamaattut nunarsuarmut akuersissumvik tunniussinikkut anguneqarsinnaammata, inatsisissatut siunnersuummi ilaatinneqanngilaq.

§ 7, imm. 2-imi siunnersuutigineqarpoq avammut annissisoq avammut annissisarnermik nakkutiginninnermut oqartussaasumut paasissutissanik attuumassuteqartunik tamaginnik tunniussinissamik pisussaaffeqartoq, pingaartumik naggataatigut atuisussaq, nuna siunniunneqartoq aammalu tunisassiap naggataatigut atorneqarnissaa pillugit, taamaalillutik avammut annissisarnermут oqartussaasoq sapinngisamik tamakkiisuunerpaamik aalajangiinissamut tunngavissaqassalluni.

Marloqiusamik atorneqartartunut peqqussummi artikel 9, imm. 2-imi aamma tamanna naleqqussimappat, akuersissutip, naggataatigut atuinissaq pillugu nalunaarummik upernarsaasiinissaq piumasaqaatigalugu, tunniunneqarnissaanut periarfissiivoq. Danmarkimi marloqiusamik atorneqartartunik qinnuteqaatit suliarineqarneranni Inuussutissarsiornermut aqtsisoqarfiup nalinginnaasumik piumasaqaatigisarpaa, qinnuteqaat naggataatigut atuisussaq pillugu nalunaarummik upernarsaammik ilaqtinneqassasoq, tassani tunisassiaq sakkussianik annertoorsuarmik aseruisartunik ineriartortitsinermut sananermullu atatillugu atorneqartussaanngitsoq, naggataatigut atuisussaq aqtsisoqarfiup immersugassiaq sularisimasa aallaavigalugu atsiussalluni.

Taamaattumik taamatuttaaq § 7, imm. 2-imi siunnersuutigineqarpoq, akuersissut tunisassiap naggataatigut atorneqarnissaa pillugu nalunaarummik upernarsaammik (naggataatigut atuisussap upernarsaataa) piumasaqaateqarfiusinnaasoq piumasaqaammik atuutsitsisoqalissasoq.

#### *§ 8-imut*

§ 8, imm. 1-imi siunnersuutigineqartumi aalajangersarneqarpoq avammut annissisarnermik nakkutiginninnermut oqartussaasoq isumaqatigiissitsiniarnermik suliaqarnissamut akuersissumvik tunniussisuussasoq. Akuersissut, tunisassiat nunat Kalaallit Nunaata avataaniittut ataatsip arlallilluunniit akornanni nuunneqartussat annertussusaat aalajangersimasoq pillugu paasissutissanik, aamma nunami sananeqarfiani tunisassiap inisisimaffia aamma nunami siunnerfigineqartumi naggataatigut atuisussaq pillugu paasissutissanik, imaqassaaq.

Imm. 2-imí aalajangersarneqarpoq paasissutissat suut isumaqatigiissitsiniartup avammut annissuinermik nakkutiginninnermut oqartussaasumut tunniutissallugit pisussaaffeqarnersoq. Tassani pingaartumik pineqarput tunisassiat Kalaallit Nunaata avataani nunami sananeqarfianni inisisimaffiat pillugu paasissutissat, tunisassiat pitsaaussusaannut annertussusaannullu nassuaat ersarissoq, allat aningaasanik nuussinermi akuusimasinnaasut, nuna naggataatigut siunnerfigineqartoq, nunami tessani naggataatigut atuisussaq taassumalu inisisimaffia.

Imm. 1 malillugu avammut annissuinermik nakkutiginninnermut oqartussasup aalajangiinissa sioqqullugu Inuussutissarsiornermut, Suliffeqarnermut Niuernermullu Naalakkersuisoqarfik tusarniarneqassaaq, takuuk *imm. 3* siunnersuutigineqartoq.

#### § 9-imut

Inatsimmi § 9-imí siunnersuutigineqarpoq, Inuussutissarsiornermut siuariartitsinermullu ministeri qinnuteqaatinut ilusissaannut piumasaqaatit erseqqinnerusut, akuersissutit atuuffii aamma akuersissutit atorneqarnerannut atugassarititaasut pillugit aalajangersakkanik aalajangersaasinnaasoq, piginnaatitsisummut aalajangersagaq ilanngunneqassasoq. Tessani ilaatigut pineqassapput paasissutissanut qinnuteqaammi allassimasussanut piumasaqaatit, ilanngullugit naggataatigut atuisussap uppermarsaaneranik nassiussisarneq, annissinerup nalunaarsorneqarnissaanut aamma uppermarsaatit toqqorsimatinnissaannut piumasaqaatit, kiisalu tunisassianik marloqiusamik atorneqartartunik annissinermut atatillugu ilanngaaserinermi pisussanut piumasaqaatit. Tassunga atatillugu naatsorsuutigineqarpoq, Danmarkimi akuersissutit taakkua atuuffissaannut assingusumik, ataasiakkaanut aamma nunarsuarmut annissinissamut akuersissutit atuuffissaat ukiunut 2-inut aalajangerneqassasoq.

#### § 10-imut

§ 10-imí siunnersuutigineqartumi eqqarsaatigisassat, Inuussutissarsiornermut aqutsisoqarfiup avammut annissuinermik nakkutiginninnermut oqartussaasutut, annissinissamut akuersissummik qinnuteqaammut imaluunniit isumaqatigiissitsiniarnermik suliaqarnissamut qinnuteqaammut akuersissummik tunniussisoqassanersoq nalilersuinermi isiginiagassai, allatorneqarput. Taamaalilluni nalilersuinermi ilaatinneqassapput: 1) Kunngeqarfiup nunani tamalaanni pisussaaffii, nunani tamalaani avammut

annissuinermik nakkutiginninnermut politikkikkut aqutsisuni allassimasut imalluunniit nunani tamalaani isumaqatigiilluni aalajangersakkani attuumassuteqartuni akuerineqarsimasut. 2) Kunngeqarfiup nunanut allanut pineqaatissiissutissat EU-mi Siunnersuisooqatigiinni, Europami Sillimaniarnermut kattuffinni suleqatigiinnerniluunniit (OSCE) imaluunniit FN-ip Sillimaniarnermut siunnersuisooqatigiivinit saneqqunneqarsinnaanngitsumik pisussaaffiliilluni aalajangiunneqarsimasut naapertorlugit pisussaaffii. 3) Nunami namminermi nunanut allanut sillimaniarnermullu politikki, ilanggullugit sakkutooqarnermi teknologiimik atortunillu avammut annissuinermik nakkutiginninnermut maleruagassat ataatsimoorussat EU-mut Siunnersuisooqatigiinnit ataatsimoorluni isummernermi pineqartunut ilaasut eqqarsaatigineqartussat, aamma 4) Isornartoqartunut siunertanut ingerlatitseqqilluni naggataatigut atuinissamik eqqarsaateqarneq aamma tamatuma navianaateqarnera.

Suliassanik suliarinninnermut atatillugu, aalajangiinernut tunngavissanik pissarsinissaq pillugu aqtsisoqarfiup danskit oqartussaasui allat suleqatigissavai. Politiit isertortumik paasiniaasartui (PET) aamma Illersornissaqarnermi isertortumik paasiniaasartut (FE), siaruartitsinnginnissamut aamma isornartoqartunut siunertanut atuinissap aarlerinaateqarneranut tunngatillugu, pisisussat aamma naggataatigut atuisussat pillugit paasissutissanik isornartoqartinneqartunik peqarnersoq tusarniarneqassapput.

Suliani danskit nunanut allanut sillimaniarnermullu politikkiat eqqarsaatigalugu, pingaartumik pingaaruteqartutut nalilerneqartuni, Nunanut allanut ministereqarfik tusarniarneqassaaq, ilanggullugu nunami siunnerfigineqartumi, assersuutigalugu naggataatigut atuisussat sakkutooqarnermut tunngasuusimappat, qinnuteqaat sakkutooqarnermi teknologiimik aamma atortunik avammut annissuinermik nakkutiginninnermut maleruagassat ataatsimoorussat pillugit Siunnersuisooqatigiit ataatsimoortumik isummerneranni 2008/944/FUSP, 8. december 2008-imeersumi tunngavissarititaasunut sanilliullugu nalilersorneqassasoq, pissutsinik paasinarsisitsisoqarsimappat.

Nunamut siunnerfigineqartumut pineqartumut naalagaaffiup nunanut allanut sillimaniarnermullu politikkiani immikkut eqqarsaatigisassanik, qinnuteqaammut ataasiakkaamut atatillugu isumaliutersuutigineqartariaqartunik, peqarnersoq aamma Nunanut allanut ministereqarfik tusarniarneqassaaq. Pingaartumik atomip

nukinganit atortussianik Kalaallit Nunaanni ppiarneqarsimasunik annissinissaq pillugu qinnuteqaatinut atatillugu, naalagaaffiit akornanni naalagaaffimmut tigusisussamut isumaqatigiisummik taaneqartartumik, annissinissamut eqqarsaatigineqartumut tunngasumut, isumaqatigiissuteqartoqarsimanersoq paasiniarnissaa siunertaralugu nunanut allanut ministereqarfik aamma tusarniarneqartussaassaaq. Naalagaaffiit akornanni naalagaaffimmut tigusisussamut isumaqatigiisummik taamaattumik isumaqatigiissuteqartoqarsimanissaa, imaluunniit tamanna pillugu piumasaqaat saneqqunneqarsinnaasoq nunanut allanut ministereqarfiup aalajangiisimanissaa, akuersissummik tunniussisinnaanissamut piumasaqaataassaaq. Oqaatigineqassaaq naalagaaffiit akornanni naalagaaffimmut tigusisussamut isumaqatigiissuteqarnissaq pillugu piumasaqaat, atomip nukinganit atortussianik eqqisisimasumik atuinermik nakkutiginninneq pillugu Kalaallit Nunaannut inatsisissatut siunnersuummi, inatsisissatut siunnersuummut matumunnga ingiaqatigitillugu nunanut allanut ministerimit saqqummiunneqartumi allassimavoq.

Tunisassiaq avammut annissuinermik nakkutiginninnermut maleruagassani pineqartunut ilaanersoq, tassalu nakkutigineqartussanut allattuiffimmi allassimanersoq imaluunniit aalajangersakkani catch-all-ini pineqartunut ilaasimasinnaassanersoq, nalornissutigineqarpat, Illersornissamut ministereqarfiup Atortussanut pisiniartarnermullu aqutsisoqarfia, aqutsisoqarfiup teknikkikkut siunnersortaattut atorneqartoq, tusarniarneqassaaq.

Oqaatigineqassaaq nunat EU-mi ilaasortaasut allat "aninggaasanik nuussinerup annertunerpaatigut assigisaanik" annissinissamut akuersisummik qinnuteqaammut itigartitsisimanersut misissussallugu, marloqiusamik atorneqartartunut peqqussut malillugu aqutsisoqarfik pisussaaffeqarmat. Taamaattoqarsimappat akuersisummik tunniussisoqarsinnaalinnginnerani, aqutsisoqarfiup nuna pineqartoq taanna oqaloqatigissavaa. Nunanik EU-mi ilaasortaasunik allanik oqaloqateqarnissamut pisussaaffeqarneq taanna inatsisissatut siunnersuummi ilaatinneqanngila, tassami Kalaallit Nunaat EU-mi ilaasortaanngimmat.

Inuussutissarsiornermut aqutsisoqarfiup inaarutaasumik aalajangiinissaq sioqqullugu, aalajangiinissamik eqqarsaateqarneq tamatumunngalu aalajangiinissamut tunngaviusoq Inuussutissarsiornermut, Suliffeqarnermut Niuernermullu Naalakkersuisoqarfimmumt tusarniaassutigineqassaaq, takuuk inatsisissatut siunnersuummi § 7,

imm. 3. Tamatuma kingorna, akuersisummit tunniussisoqarsinnaanersoq imaluunniit avammut annissinissamut qinnuteqaat itigartinneqassanersoq, Inuussutissarsiornermut aqutsisoqarfik aalajangiissaq.

Nunarsuarmi annissinissamut akuersissut akuersissutaavoq sukanninnginnerusoq, nalinginnaasumik nunanut toqqartukkanut tunisassianik marloqiusamik atorneqartartunut akuttunngitsumik annisisarnermut tunniunneqartartoq. Taamaattumik § 10, *imm. 2*-imi siunnersuutigineqarpoq avammut annissuinermut nakkutiginninnermut oqartussaasoq, tunngavissarititaasut imm. 1-imi allassimasut saniatigut, nunarsuarmi annissinissamut akuersisummit qinnuteqaatip suliarineqarnerani, aamma avammut annisisussap aningaasanik suleriaatsinillu, avammut annissuinermik nakkutiginninnermut maleruagassat malinnejarnissaannik qulakkeerisussanik atuinersoq, eqqarsaatigineqartassasoq.

Taamaalilluni avammut annissuinermik nakkutiginninnermut oqartussaasup, avammut annisisussaq marloqiusamik atorneqartartunik avammut annissuinermik nakkutiginninnermut maleruagassanut pisariaqartumik ilisimasaqarnersoq kiisalu maleruagassat malinnejarnissaasa qulakkeernissaa siunertaralugu suliffiup iluani periaatsinik suleriaatsinillu pilersitsisimanera, assersuutigalugu avammut annisisartumut takusaanermi naliliinera, nunarsuarmi annissinissamut akuersisummit tunniussisoqarsinnaanissaanut aallaaviatigut piumasaqataassaaq.

### *§ 11-imut*

Inatsimmi § 11, *imm. 1*-imi siunnersuutigineqarpoq, avammut annisisarnermik nakkutiginninnermut oqartussaasup § 10-imi tunngavissarititaasut eqqarsaatigalugit akuersissut tunniunneqareersoq taamaatitissinnaagaa, atorunnaarsissinnaagaa, allanngortissinnaagaa imaluunniit utertissinnaagaa. Taamaaliornermi, pingaaruteqartunik utertitsinissamut tunngavissanik taaneqartartunik tunngavissaqarsimappat, avammut annisisarnermik nakkutiginninnermut oqartussaasup aalajangiinermik tunuartitsisinnaanera qulakkeerneqassaaq. Pingaaruteqartunik utertitsinissamut tunngavissatut naatsorsuutigineqarsinnaavoq, tunisassiap pineqartup akuersisummit tunniussivigineqartup, siunertanut isornartoqartinneqartunut atorneqarnissaanik ilimanaateqalersitsisunik paassisutissanik nutaanik tigusaqartoqtoq.

Aamma tassaasinnaavoq EU assersuutigalugu nunanut allanut peqqussut saneqqunneqarsinnaanngitsoq aqqutigalugu pineqaatissiissutissanik atuutsitsilersimasoq, taanna malillugu tunisassiap pineqartup anninneqarnissaq inerteqqutaalertussaalluni. § 11, imm. 2,-imi siunnersuutigineqarpoq, Inuussutissarsiornermut aqtsisoqarfiup avammut annissuinermik nakkutiginninnermut oqartussaasutut imm. 1 malillugu aalajangiinissaq sioqquullugu, aalajangiinissaq eqqarsaatigineqartoq tamatumunngalu tunngaviusoq pillugit Suliffeqarnermut, Inuussutissarsiornermut Niuernermullu Naalakkersuisoqarfik ilisimatissagaa.

### *§ 12-imut*

§ 12-imti siunnersuutigineqarpoq avammut annissuinermik nakkutiginninnermut oqartussaasup aalajangiinera inuussutissarsiornermut siuariartitsinermullu ministerimut naammagittaalliuutigineqarsinnaasoq.

Oqaatigineqassaaq pisortat ingerlatsinerannut inatsit malillugu suli, inatsit nr. 572, 19. december 1985-imeersoq malillugu suliarineqartussaammata, tassami pisortat ingerlatsinerannut inatsimmi § 43, uniffiup aappaanni aamma pingasuanni peqqusummut aalajangersakkat, takuuk inatsit nr. 606, 12. juni 2013-imeersoq, suli atuutinngimmata. Aammattaaq oqaatigineqassaaq pisortat ingerlatsinerannut inatsit malillugu suliassat, pisortat ingerlatsinerannut inatsit kunngip peqqussutaa nr. 1144, 22. december 1993-imeersumi atuutsinneqalersut, kunngip peqqussutaatigut nr. 1188, 27. december 1994-imeersukkut allannguuteqartinnejartut, malillugit suliarineqartussaammata. Pisortat ingerlatsinerannut inatsimmut kingusinnerusukkut allannguuteqartitsinerit Kalaallit Nunaanni susassaqarfuit pillugit sulianut atuutsinneqalersimanngillat.

### *§ 13-imut*

§ 13, imm. 1-imti teknikkikkut ikiunneq sakkussianik annertoorsuarmik aseruisartunik ineriartortsinermut imaluunniit sananermut atatillugu atorneqartussaattillugu, Kalaallit Nunaata avataani teknikkikkut ikiunnermik suliaqarnissamut inerteqquteqarneq aalajangersarneqarpoq. Inerteqquteqarneq teknikkikkut ikiunneq pillugu piginnaatitsissuteqarnermut inatsimmi aalajangersakkamut assinguvoq.

Inerteqquteqarnermut ilusiliineq toqqarneqarpoq, pissutigalugu inerteqquteqarneq inatsisitigut annertunerpaamik isumannaatsuutitsisarmat, peqatigisaanillu allaffisornerup pisariinnerunissaq qulakkeerneqartarluni. Taamaalillutik suliffeqarfiiit ilisimareertarpaat tekikkikkut ikiunneq, tunisassianut marloqiusamik atorneqartartunut, sakkussianut annertoorsuarmik aseruisartunut aalajangiunneqarsimasunut tunngappat, teknikkikkut ikiunmissaq inerteqqutaasoq. Peqatigisaanik suliffeqarfiiit ilisimavaat, teknikkikkut ikiunnissaq inatsisit malillugit siunertaasunut aalajangiunneqarsimappat, tassa imaappoq sakkussianik annertoorsuarmik aseruisartunik ineriartortitsinermi sananermillu allaanerusunut siunertanut allanut, akuersissummik qinnuteqartoqassanngitsoq.

§ 13, imm. 2-imi aalajangersarneqarpoq inerteqquteqarneq tunisassianut marloqiusamik atorneqartartunut inatsimmi pineqartunut ilaasunut tunngatillugu teknikkikkut ikiunnissamut taamaallaat atuttoq. § 13, imm. 3-imi aalajangersarneqarpoq teknikkikkut ikiunneq qanoq paasineqassanersoq. Taamaalilluni teknikkikkut ikiunnermi pineqartut iluarsaassinermut, ineriartortitsinermut, sananermut, katiterinermut, misileraanermut, aserfallatsaaliuinermut imaluunniit teknikkikkut sullissinermut atatillugu allatut qanorluunniit ikiunnermut tunngassuteqarput. Teknikkikkut ikiunnermi aamma ilaatinneqarput ilitsersuussineq, ilinniartitsineq, ingerlatsinermik ilisimasaqarnermik tunniussineq imaluunniit siunnersortitut sullissineq.

Taamaattoq nuussineq inunnik killeqarfiiit qaangerlugit ingerlaartitsinermik malitseqassappat, teknologiimik nuussineq teknikkikkut ikiunnermut ilaatinneqanngilaq, tassa imaappoq inuk nunamut allamut Kalaallit Nunaanniit aallassappat.

§ 13, imm. 4 Kalaallit Nunaata avataani teknikkikkut ikiunnermik suliaqarnissamik inerteqquteqarnermi ilaatinneqartussaanngitsunut tunngassuteqarpoq.

Ilaatinneqanngitsumi nr. 1-imi aalajangersarneqarpoq, inerteqquteqarnermi EU-mi nunani ilaasortaasuni teknikkikkut ikiunnermik suliaqarneq ilaatinneqanngitsoq. Inerteqquteqarneq aamma teknikkikkut ikiunnermut Australien-imi, Canada-imi, Japan-imi, Liechtenstein-imi, New Zealand-imi, Norge-imi, Schweiz-imi aamma USA-imi, tassalu nunat qanigisatut taaneqartartuni 7-ini taakkunani kiissalu Liechtenstein-imi, suliarineqartumut atuutinngilaq.

Ilaatinneqanngitsumi nr. 2-imik aalajangersarneqarpoq, inerteqquteqarneq aamma teknikkikkut ikiunnermik suliaqarnermut, paasissutissanik tamanit killilersugaanngitsumik pissarsiarineqarsinnaasunik imaluunniit tunngaviusumik ilisimatusarnermut tunngassuteqartunik nuussinermut atuutinngitsoq. Tamatuma malitsigisaanik paasissutissanik aamma internettimi nassaarineqarsinnaasunik imaluunniit sumiiffinni killilersugaanngitsumik pissarsiarineqarsinnaasunik teknikkikkut ikiunneq pineqarpat, ikiunneq inerteqquteqarnermi ilaatinneqanngilaq. Tamanna aamma tunngaviusumik ilisimatusarnermut atuuppoq, tassa imaappoq ilisimatusarnermik suliaqarnerit, pissutsit tunngaviusut imaluunniit tunngaviusussat pillugit ilisimasanik nutaanik pissarsinissamik siunertaqarfiusut, taassuma akerleralugu assersuutigalugu ilisimatusarneq atorneqartussaq imaluunniit periusissatut ilisimatusarneq.

§ 13, imm. 5, saneqqutsinissamut akuersissuteqarnissamut aalajangersakkanut tunngassuteqarpoq, taanna malillugu Inuussutissarsiornermut siuariartortitsinermullu ministerip sillimaniarnermut politikkimi, inunnik ikiuniarnermi imaluunniit allanik illersortariaqartunik eqqarsaatigisassani mianerisassat aallaavigalugit, Kalaallit Nunaata avataani teknikkikkut ikiuunnissamik inerteqquneqarnermik saneqqutsinissaq akuerisinnaavaa.

Saneqqutsinissamut aalajangersakkanik siunnersuuteqarnermut tunngavilersuutaavoq, ataasiakkaanik qaqtigoortunik pisoqarsinnaammat, teknikkikkut ikiunnermik suliaqarnissamut akuersinissap akuersaarneqarsinnaasutut isigineqarsinnaasunik. Assersuutigalugu tassaasinnaapput sakkussianut annertoorsuarmik aseruisartunut illersuinikkut imaluunniit akerlilersuilluni iliuuseqarnikkut inuaqatigiinni innuttaasut isumannaarniarlugit teknikkikkut ikiunnerup ingerlanneqarnissaa. Assersuutitut taaneqarsinnaavoq uuttortaanermi atortunik, assersuutigalugu imermik pilersuinermi akuutissanik uumaatsunik imaluunniit uumassusilinnik paasiaqarfiusinnaasunik iluarsaassineq.

Taamaattumik inerteqquteqarneq sillimaniarnermut politikkimik, inunnik ikiuniarnermik imaluunniit allatigut illersortariaqartunik siunertaqarfiusunut atuuttariaqarani, pisunik immikuullarilluinnartunik pisoqalissappat, inatsisip allannguuteqartinneqartussaannginnissaa qulakteerniarlugu, saneqqutsisinnaanissamik akuersissuteqarsinnaanermut periafissaq ilangunneqarpoq. Peqatigisaanik taamaattoq inerteqquteqarnermi erseqqissumik oqariartuutigineqarpoq, sakkussianut annertoorsuarmik aseruisartunut

atatillugu teknikkikkut ikiuulluni suliaqarneq pingarnertut malitassatut pissanngitsoq.

Suliffeqarfinnut tunngatillugu saneqqutsinissamik akuerineqarnissamik qinnuteqaateqarneq, inatsit malillugu annissinissamut akuersissummik qinnuteqaateqarnermut assingusuussaaq. Avammut annissuinermik nakkutiginninnermut oqartussaasup saneqqutsinissamik akuerineqarnissamut qinnuteqaammik nalilersuinera, annissinissamut akuersissummik qinnuteqaatinut pisartutut, suliffeqarfip ingerlatsivisaannik, sullissinissamik pineqartumik, sullissinermik pilersuisussamik, tigusisussamik kiisalu sullissinermut nuna siunnerfigineqartup ataasiakkaatigut suliatigullu nalilersorneqarnera tunngavagineqassaaq. Taamaattumik nalilersuinermi tassani teknikkikkut, isertortumik paasiniaasartunut tunngasutigut, sillimaniarnermut nunanullu allanut politikkikkut nalilersuinerit ilaatinneqassapput.

Oqaatigineqassaaq piginnaatitsissuteqarnernut inatsimmi saneqqutsinissamik akuersissuteqartarnermut aalajangersakkat assingusut, Danmarkimi maannamut atorneqarsimanngimmata.

#### *§ 14-imut*

§ 14, imm. 1-imi siunnersuutigineqarpoq tunisassianik marloqiusamik atorneqartartunik assartuussinermut sakkussianut annertoorsuarmik aseruisartunut atorneqartussamut, inerteqquteqarneq aalajangersarneqassasoq. Naatsorsuutigineqarpoq assartuussinermi ilaatinneqartut tassaasut, assartuussinissaq pillugu ingerlatsinissamut taamatullu ilitsersuussinissamut isumaqtigiissuteqarnissaq pillugu isumaqtigiissuteqarnerit aamma ilitsersuussinerit, taamatullu assartuussinerit ingerlanneqartut ilitsersuussiviusullu. Tamatumani, pineqartoq pinerluttulerinermut inatsimmi tunngaviusut nalinginnaasut malilugit inatsisinik unioqqutitsisumik assartuussinermut akisussaasuusutut isigineqarsinnaasimanngippat, suliffeqarfik assartuussinermut akisussaasuusoq, aamma assersuutigalugu umiarsuarmi aquttoq, timmisartortartoq imaluunniit biilink aquttoq assartuussinermik ingerlatsisoq, nammineerlutik pineqaatissinneqarlutik eqqartuuneqarsinnaanissaat ajornarunnaarsinnejassaaq.

§ 14, imm. 2-imi aalajangersarneqarpoq inerteqquteqarneq aamma iliuuseqarnernut nunani allani pisunut atuuttoq, taamaattoq Kalaallit Nunaannut pinerluttulerinermut inatsimmi § 4, imm. 2, aamma §§ 5 aamma 6 malillugit killilersuinerit atuutsinnejassallutik. Tamatuma

kingunerisaanik, umiarsuaq naalagaaffimmik allami imartamut akisussaaffeqarfiup iluaniippat, aammalu iliuuseqarneq inatsisit tassani atuuttut malillugit pillarneqaassutaasinhaappat, pingaartumik inuit iliuuseqarnermik nalaani Kalaallit Nunaanni najugaqartut, aammalu assersuutigalugu umiarsuarni allaneersuniittut, pisut malillugit inerteqquteqarnermik unioqqutitsinermut pinerluttulerinermut inatsisitigut akisussaatinneqarsinnaassapput.

§ 14, imm. 3-imi siunnersuutigineqarpoq assartuussinerit Kalaallit Nunaata avataani ingerlanneqartut, assartuussineq sakkussianik annertoorsuarmik aseruisartunik siaruartitsinnginnissaq pillugu nunani tamalaani isumaqatigiissutinut naapertuuttumik pisimappat, imm. 1-imi inerteqquteqarnermi ilaatinneqanngitsut.

Inatsisissatut siunnersuummut nassuiaatini nalinginnaasuni imm. 4.4.2 innersuussutigineqarpoq.

### *§ 15-imut*

§ 15-imi siunnersuutigineqarpoq avammut annissisarnermik nakkutiginninnermut oqartussaasoq pisariaqartutut nalilerneqarpat, tunisassiaq marloqiusamik atorneqartartoq akuersissummi piumasaqaatigineqartutut tamatumunngalu atugassarititaasut malillugit anninneqarsimanerata misissornissaa siunertaralugu, ilanggullugu annissinermik nalunaaruteqarnerup eqqortumik immersorneqarsimanera, eqqartuussivimmi aalajangiinertaqanngitsumik, avammut annissisup imaluunniit isumaqatigiissitsiniartup ingerlatsivigisaannut ininut aammal sumiiffinnut allanut assartuussiffiusunullu, inuussutissarsiornermut atorneqartunut isersinnaasoq, aammalu ingerlatsinermut allattuiffinnik kiisalu allakkianut attuumassuteqartunik pissarsisinnaalluni. Allakkiatut attuumassuteqartutut tassunga atatillugu isigineqarput niuernermi allakkiat, ilanggullugit akiligassiissutit, assartuussinermut upfernarsaatit il.il. kiisalu annissinissamut akuersissut pineqartoq aamma annissinissamik nalunaaruteqarneq. Tassunga atatillugu avammut annissisarnermik nakkutiginninnermut oqartussaasoq aamma najoqquṭassanik pissarsisinnaassaaq, taakkua pappialanngorlugit imaluunniit elektroniskimik pigineqarnersut apeqqutaatinnagu.

Naatsorsuutigineqarpoq aalajangersagaq Inuussutissarsiornermut aqutsisoqarfiup maannakkut Danmarkimi misissuilluni takusaasarnernut suleriaasianut naapertuuttumik aqunneqassasoq, tassani nakkutiginnilluni takusaanerit ataasiakkaat sioqqutisumik

nalunaarutigineqartarput aammalu suliffeqarfimmut pineqartumut isumaqatigiissutigineqartarlutik. Aammataaq naatsorsuutigineqarpoq aqutsisoqarfiup takusaaneri aarlerinaateqartunik aallaaveqartumik nakkutiginninnertut ingerlanneqassasut, tassani takusanissamik pisariaqartitsineq ilaatigut aqutsisoqarfiup avammut annissisumik misilittagaqarnera aallaavigalugu pisassalluni, ilanngullugu avammut annissisoq marloqiusamik atorneqartartunik avammut annissuinerterik nakkutiginninnermut maleruagassanik ilisimanninnersoq aammalu avammut annissuinerterik nakkutiginninnermut malinneqarnissaannik qulakkeerisunik suliffiup iluani periaatsinik pilersitsisimanersoq, kiisalu tunisassiat marloqiusamik atorneqartartut aamma nunat sorliit annissinermut nakkutiginninnermi pineqartumi, pineqartunut ilaanersut. Avammut annissuinerterik nakkutiginninnejq pillugu ataatsimoorluni nalunaarummut naapertuuttumik naatsorsuutigineqarpoq, Inuussutissarsiornermut, Suliffeqarnermut Niuernerermullu Naalakkersuisoqarfik aalajangersagaq malillugu nakkutiginninnermut nakkutilliinermullu suliassat suliarineqarnerannut Inuussutissarsiornermut aqutsisoqarfimmut ikiuunnissamik piginnaatinneqassasoq, takuuk § 6, imm. 2-imi siunnersuutigineqartumi piginnaatisissuteqarnermut aalajangersagaq. immikkoortoq 4.5.1-imut nassuaatit nalinginnaasut innersuussutigineqarput.

### § 16-imut

§ 16-imi siunnersuutigineqartumi tunisassiat marloqiusamik atorneqartartunik Kalaalit Nunaanneersunik annissinermi nakkutiginninnermi iliuuserineqartussat nassuiarneqarput. § 16, *imm. 1-imi* siunnersuutigineqarpoq tunisassianik marloqiusamik atorneqartartunik annissinissamik nalunaarutiginninnerup suliarineqarnera nakkutiginninnerup sumiiffiini taakkununnga atorneqartussatut toqqagaasuni pisassasoq.

§ 16, *imm. 2-imi* siunnersuutigineqarpoq inuussutissarsiornermut siuariartortsinermullu ministerip Aningaasaqarnermut Naalakkersuisoqarfimmut tusarniaareernermi sumiiffiit nakkutiginniffiusussat pineqartut toqqassagai.

Avammut annissuinerterik nakkutiginninnejq pillugu ataatsimoorluni nalunaarummut naapertuuttumik naatsorsuutigineqarpoq Inuussutissarsiornermut siuariartortsinermullu ministerip nakkutiginninnermi sumiiffissat akisussaasuusussat aalajangersarnissaannut ikiuunnissamut Aningaasaqarnermut

Naalakkersuisoqarfik piginnaatissinnaagaa, taamatullu naatsorsuutigineqarpoq kalaallit ilanngaaserinermut oqartussaasui nakkutiginninnermut suliassanik tunisassianik marloqiusamik atorneqartartunik annissinermut tunngassuteqartunik, isumaginninnermi ikiuunnissamut piginnaatinneqarsinnaasut, takuuk § 6, imm. 2-im aamma 3-im piginnaatitsissuteqarnermut aalajangersagaq.

§ 16, *imm. 3* aamma avammut annissuinermik nakkutiginninneq pillugu ataatsimoorluni nalunaarummi oqartussaasut ilusiligaanerat isumaqatigiissutigineqartoq malillugit, annissinissamut akuersissummik pigineqartussamik peqartoq uppernarsarnissaanut avammut annissisoq nakkutiginninnermi suliarineqartussat ingerlanneqarneranni pisussaavoq. Tamatuma kingunerisaanik nakkutiginninnerup sumiiffiani, ilanngaaserisunit tunisassiap suliarineqarfissaani, ataasiakkaanut akuersissut annissinissamut nalunaaruteqarnermut ilaatiillugu saqqummiunneqassaaq. Nunarsuarmut akuersissut malillugu annissinermi akuersissut saqqummiunneqassanngilaq, kisianni piumasarineqarpat takutinneqassalluni. Avammut annissisup ataasiakkaanut akuersissummi tunisassiap anninnejartussap nalinga allassavaa, taannalu oqartussaasunit atsiorneqassaaq. Akuersissut atorneqareerpat imaluunniit atuuffissaanut killiliussaq naappat, avammut annisisup akuersissut Suliffeqarnermut, Inuussutissarsiornermut Niuernermullu Naalakkersuisoqarfimmut utertissavaa, taassumalu akuersissut Inuussutissarsiornermut aqutsisoqarfik avammut annissuinermik nakkutiginninnermut oqartussaasuusumut ingerlateqqissallugu.

### § 17-*imut*

§ 17, *imm. 1-im* siunnersuutigineqarpoq annissinerup akuersissummi pineqartunut ilaasup, tunniussinermut atatillugu paasisutissat attuumassuteqartut eqqarsaatigineqarsimanngippata imaluunniit pisut akuersissummik tunniussinerup kingorna annertuumik allanguuteqarsimappata, kinguartinneqarnissaa periarfissaqartoq. Annissinissaq ulluni suliffiusuni 10-ini kinguartinneqarsinnaavoq, ullunut suliffiusunut 30-inut sivitsuinissaq periarfissaqarluni, takuuk *imm. 2* siunnersuutigineqartoq. Aalajangersagaq marloqiusamik atorneqartartunut peqqussummi artikel 16-imut assinguvoq aammalu ilanngaaserinermut oqartussaasup paasippagu akuersissummi paasisutissat, aamma uppernarsaatit allat, annissinermi

tunniunneqartussat imminnut naapertuutinngitsut, nalinginnaasumik atorneqartarluni.

§ 17, imm. 2-imi imm. 1 malillugu annissinissaq unitsinneqarpat, suleriaasissat aalajangersarneqarput. Tassunga atatillugu naatsorsuutigineqarpoq avammut annissuinermik nakkutiginninneq pillugu ataatsimoorluni nalunaarummut naapertuutumik kalaallit ilanngaaserinermut oqartussaasui nakkutiginninnermut suliassat isumagineqarnissaannut ikiunnissamut piginnaatinneqassasut. Tamatuma atuunnerani kalaallit ilanngaaserinermut oqartussaasuisa tunisassianik marloqiusamik atorneqartartunik annissinissaq kinguartitsinnaavaat aammalu ingerlaannaq avammut annissuinermik nakkutiginninnermut oqartussaasoq aamma Inuussutissarsiornermut, Suliffeqarnermut Niuernermullu Naalakkersuisoqarfik tamanna pillugu nalunaarfigissallugit. Avammut annissuinermik nakkutiginninnermut oqartussaasoq ullut suliffiusut 10-it iluanni aalajangiinngippat, qaqutigoortumik taanna ullunut 30-inut sivitsorneqarsinnaalluni, naatsorsuutigineqarpoq kalaallit ilanngaaserinermut oqartussaasuisa tunisassiat anninnejqarnissaannut ingerlaannaq tunniutissagaat.

Immikkoortoq 4.5.2-imi nassuaatit nalinginnaasut erseqqinnerusunut innersunneqarput.

### *§ 18-imut*

§ 18, imm.1-imi siunnersuutigineqarpoq atomip nukinganit atortussianik annissinissamut akuersisummik qinnuteqaatinut akilummik, inuussutissarsiornermut siuariartitsinermullu ministerimit aalajangersarneqartumut, akiliisoqartassasoq. Akiliuteqartarnermut aaqqisuussaq atomip nukinganit atortussianut, inatsimmi § 3, imm. 1, imaluunniit imm. 2 malillugit annissinissamut akuersisummik peqarnissamik piumasaqaateqarnermi pineqartunut ilaasunut, taamaallaat atuuttoq.

Annissinissamut akuersisummik qinnuteqaatit siullit qaqugu naatsorsuutigineqarsinnaanersut annertuumik nalorninarpoq. Peqatigisaanik qinnuteqaatit qassit ukiumut tiguneqartassanersut maannakkorpiaq nalilerneqarsinnaanngilaq. Tamatuma malitsigisaanik aamma qinnuteqaatinut ataasiakkaanut akiliut suli naatsorsorneqarsinnaanngilaq. Taamaattumik siunnersuutigineqarpoq imm. 1-imi piginnaatitsissuteqarneq qinnuteqaatinut ataasiakkaanut akiliutip annertussusaata aalajangersarnissaanut atorneqassasoq.

§ 18, imm. 2-imi siunnersuutigineqarpoq akiliutip aqutsisoqarfíup qinnuteqaatinik suliarinninnermut nakkutilliinermullu aningaasartuutit matussusissagai, ilanggullugit it atorlugu suliassanik suliarinninnermut periaatsimik pilersitsinermut ingerlatsinermullu aningaasartuutit kiisalu Kalaallit Nunaanni nakkutiginninnermik suliassanut tunngatillugu aningaasartuutit.

Aningaasartuutit atomip nukinganit atortussianik annissinermut tunngatillugu suliassanik suliarinninnermut aamma nakkutilliinermik nakkutiginninnermillu suliassanut tunngatinneqarsinnaasut kisimik akiliutip naatsorsorneqarnerani ilaatinneqassapput. IT atorlugu suliassanik aqutseriaatsimut tunngavissiisussamut tunngatillugu, tamanna aamma Kalaallit Nunaanni marloqiusamik atuuafilinnut allanut, akiliuteqartitsiviunngitsunut, qinnuteqaatinik suliarinninnermut atorneqarsinnaassaaq. Tassunga atatillugu taamaallaat IT atorlugu suliassanik aqutseriaasissamik pilersitsinermut ingerlatsinermullu aningaasartuutit, qinnuteqaatinut akiliuteqartitsiviusartunut tunngatinneqarsinnaasut, annertoqqataat, akiliutinit aningaasalersorneqartussaassapput.

Kiisalu inatsimmi § 18, imm. 3-imi siunnersuutigineqarpoq inuussutissarsiornermut siuariartitsinermullu ministeri, akiliummik akiliisitsisarneq pillugit aalajangersakkanik erseqqinnerusunik aalajangersaasinnaasoq.

Piginnaatitsissuteqarneq qinnuteqaammik tunniussinermi avammut annisisumit akilersinneqartassasoq pillugu aalajangersakkanik aalajangersaanissamut atorneqassaaq. Kiisalu piginnaatitsissuteqarneq akiliutinut aaqqissuussap allaffissornikkut aqunneqarneranut maleruagassanik aalajangersaanermut atorneqassaaq, ilanggullugu akiliutip qaqlugu aamma qanoq akilersinneqartarnissaanut suliaqarnermi pissutsit. Aammattaaq nassuaatit nalinginnaasut, immikkoortoq 4.6 innersuussutigineqarpoq.

### *§ 19-imut*

§ 19 siunnersuutigineqarpoq inatsisip unioqqutinneqarnerani pineqaatissiisarnermut aalajangersakkanik imaqarpoq. Pineqaatissiisarnermut aalajangersakkat siunnersuutigineqartut, pillaasarnermut aalajangersakkanut piginnaatitsissuteqarnermut inatsimmi aalajangersagaasunut assingupput, taamaattoq Kalaallit Nunaannut pinerluttulerinermut inatsimmut atuuttumut tunngatillugu pisariaqartunik naleqqussaasoqarluni. Inatsisissatut siunnersuummut nassuaatini nalinginnaasuni imm. 4.7 innersuussutigineqarpoq.

§ 19, imm. 1-imikulutaaq aalajangiiffigineqarneranut paasissutissanik pingaaruteqartunik eqqunngitsunik paatsuugatitsisunillutunniussinermut pineqaatissiissutissat kiisalu aalajangiinermi taamaattumi atugassarititaasunut akerliusumik iliuuseqarnermut pineqaatissiissutissat aalajangersarneqarput.

§ 19, imm. 2-imikulutaaq aalajangersagaasoq malillugit pineqartumit piumaneqartut tunniunneqannginnerannut pineqaatissiissutissat aalajangersarneqarput.

§ 19, imm. 3-imikulutaaq marloqiusamik atorneqartartunik Kalaallit Nunaanneersunik annissinissamut akuersissummik peqarnissamik piumasaqaateqarnermik unioqqutitsinermut pineqaatissiissutissat aalajangersarneqarput.

§ 19, imm. 4-imikulutaaq catch-all-tunisassianik, tassa imaappoq tunisassianik nakkutigineqartussanut allattuiffimmi allassimanngitsunik, kisianni taamaakkaluartoq sakkussianut annertoorsuarmik aseruisartunut atatillugu atorneqartussatut aalajangiusimaneqarsinnaasunik, annissinissamut akuersissummik peqarnissamik piumasaqaatip piaaraluni imaluunniit mianersuaalliorujussuarluni unioqqutinneqarneranut pineqaatissiissutissat aalajangersarneqarput.

§ 19, imm. 5 aamma 6, § 13-imikulutaaq teknikkikkut ikuunnermik suliaqarnissamik inerteqquteqarnermik piaaraluni imaluunniit mianersuaalliorujussuarluni unioqqutitsinermut pineqaatissiissarnermut tunngassuteqarput, tamatumalu saniatigut iliuuseqarneq naalagaaffiup pineqartup sumiiffiani inatsisit malilugit pillarneqaassutaasinnaanngikkaluartoq, inerteqquteqarneq aamma iliuuserisanut Kalaallit Nunaata avataani iliuuserineqartunut atuuttoq, aalajangersaaviulluni.

Imm. 6-ip siunnersuutigineqartup tamaalilluni kingunerissanik, Kalaallit Nunaannut pinerluttulerinermut inatsimmi § 4, imm. 2-imikulutaaq marloriaammik pillarneqarsinnaaneq pillugu piumasaqaat saneqquunneqarpoq. Tamanna danskit piginnaatisissuteqarnermut inatsisaanni teknikkikkut ikuunneq pillugu aalajangersakkanut assinguvoq.

§ 19, imm. 7, § 14-imikulutaaq assartuussinermut inerteqquteqarnerup piaaraluni unioqqutinneqarnerani pineqaatissiissutissanut tunngassuteqarpoq.

Inerteqquteqarnermi tunisassiat marloqiusamik atorneqartartut aamma teknologi, sakkussianut annertoorsuarmik aseruisartunut atatillugu atorneqartussat pineqartunut ilaapput.

Siunnersuutigineqarpoq piaaraluni assartuussinermut inerteqquteqarnermik unioqqutitsineq kisimi pinerlunnertut isigineqassassoq. Tamatumunnga pissutaavoq suliaqarnermi assartuussinermut uppermarsaatit kisiisa tunngavigalugit, tunisassiat marloqiusamik atorneqartussat pineqarnersut, aammalu tunisassiat taakkua sakkussianut annertoorsuarmik aseruisartunut atorneqartussaanersut, assartuussisup nalilersinnaassagaa ilimanaateqanngimmat.

§ 19, imm. 8-imi aalajangersarneqarpoq ingerlatseqatigiiffiit il.il. (pisussaatitaasut pisinnaatitaasullu) Kalaallit Nunaannut pinerluttulerinermut inatsimmi kapitali 5-imi maleruagassat malillugit pisussaaffilerneqarsinnaasut.

Pisut taamaattut pineranni pisinnaatitaasunut pisussaatitaasunullu aamma inunnut ataasiakkaanut ataatsimut arlalinnulluunniit pillaanissamut suliamik ingerlatsisinnaanissamik unnerluussinermut oqartussaasoq isumaqartillugu, unnerluussinermut oqartussaasup akisussaasuutitsinissamik toqqaanissaanut Naalagaaffiup eqqartuussissuserisuata nalunaarutaani nr. 5-imi ulloq 6. oktober 1999-imeersumi malittarisassat erseqqinnerusut aalajangersagaapput. Nalunaarummi Kalaallit Nunaat eqqaaneqanngilaq, kisianni pisinnaatitaasunik pisussaatitaasunillu pillasarneq pillugu danskit pillasarnermut inatsisaanni maleruagassat, Kalaallit Nunaannut pinerluttulerinermut inatsimmi tamanna pillugu maleruagassanut assingupput.

§ 19, imm. 9-imi aalajangersarneqarpoq, najoqqutassani inatsimmi tunngaveqartumik aalajangersagaasuni, najoqqutassani aalajangersakkanik unioqqutitsinermut imaluunniit taamaalioriaraluarnermut akiliisitsinikkut pineqaatissiisarnissaq aalajangersarneqarpoq. Aalajangersagaq taanna aamma danskit piginnaatisssuteqartarnermut inatsisaanni aalajangersarneqartunut assinguvoq.

§ 19, imm. 10-imi aalajangersarneqarpoq, suliani inatsit malillugu paarnaarussivimmut inissiinermik malitseqsarsinnaasuni Kalaallit nunaanni eqqartuussisaaseq pillugu inatsimmi maleruagassanut naapertuuttumik, § 13-imi teknikkikkut ikiuunnissamik inerteqquteqarnermik unioqqutitsineq pillugu suliani, uppermarsaatinik

ujaasilluni misissueqqissaarneq pisinnaasoq. Aamma taanna aalajangersagaq danskit piginnaatitsissuteqartarnermut inatsisaanni uppernarsaatnik ujaasilluni misissueqqissaartarneq pillugu aalajangersakkamut assinguvoq.

*§ 20-imut*

Kalaallit Nunaanni eqqartuussisaatsimut inatsimmi § 55-imi allassimavoq suliassanut inatsimmi il.il. Kalaallit Nunaanni Eqqartuussivinnut siullertut suliarinnittussatut aalajangersaaviusimanngitsunut, tamanut sumiiffinni eqqartuussiviit siullertut suliarinnittussaasut. Inatsisip unioqququtneqarnera pillugu suliassat ikittuaraannaat eqqartuussivinni tiguneqartassasut taamaallaat naatsorsuutigineqartariaqarpoq, taamaattumik sumiiffinni eqqartuussiviit suliassat taakkua suliarineqarnerannut aalajangersimasumik suleriaasissamik inerisaanissaat ajornassalluni. Taamaattumik inatsimmi Det foreslås derfor i lovens § 20-imi siunnersuutigineqarpoq inatsisip imaluunniit maleruaqqusat inatsit naapertorlugu aalajangersagaasut unioqququtneqarnerat pillugu suliassat Kalaallit Nunaanni Eqqartuussivimmi siullertut suliarinnittussatut suliarineqartassasut.

*§ 21-imut*

Inatsimmi § 21-imi siunnersuutigineqarpoq inatsit ulloq 1. juli 2016 atuutilissasoq.

Ilanngussaq 1



ERHVERVS- OG VÆKSTMINISTERIET

**NAALAKKERSUISUT**  
GOVERNMENT OF GREENLAND



## Dual-use'mik atortussianik teknoloogiimillu avammut tunisinerup

nakkutiginera                pillugu                Erhvervs-                og  
Vækstministeriet/Erhvervsstyrelsip                aamma  
Inuussutissarsiornermut,     Suliffeqarnermut     Niuernermullu  
Naalakkersuisoqarfiup                akornanni                Ataatsimoorussatut  
nalunaarut

Siunertaq

Kalaallit Nunaannia avammut tunisinerup nakkutiginera pillug  
Erhvervs- og Vækstministeriet/Erhvervsstyrelsip aamma  
Inuussutissarsiornermut, Suliffeqarnermut Niuernermullu  
Naalakkersuisoqarfip akornanni ataatsimoorussatut nalunaarutip  
(kingornatigut Nalunaarummik taaneqartup) matuma siunertaa tassaavoq  
Kalaallit Nunaannit uranimik aamma dual-use'mik atortussiat sinnerinik  
avammut tunisinermut atatillugu nunat tamalaani avammut tunisinermut  
piusussaaffinnik Kunngeqarfip Danmarkip isumagisarineranut  
iluserisassap isumaqatigiissutiginissaa. Atortussiat dual-use'usut  
tassaapput atortussiat marloriaammik atugaaffissallit, tassalu atortussiat  
aamma teknologii, inuiaqatigiinni atorneqarnerisa saniatigut aamma  
sakkunik akuerisaasunik (atomitortuunatillu, ipinartuunatillu  
bakteerialiisuuungitsut), annertuumik ajoqusiisussatut sakkunik  
atomitortunik, ipinartunik, bakteerialiisunillu, kiisalu taakkununnga  
ingerlatsitsivinnik ineriartortitsinermut tunisassiornermullu  
atorneqarsinnaasut.

Atortussianik dual-use'nik avammut tuniginermik nakkutilliinermut tunngatillugu nunat tamalaani Kunngeqarfip Danmarkip pisussaaffigisai naalagaaffineersuunngitsutut suliaqartunut annertuumik ajoqusiisussatut sakkunik siammarterinnginnissaq pillugu FN's Sikkerhedsråds Resolution 1540/2004-mit, aamma nunat tamalaani avammut tunisinermik nakkutilliisarfinnit sisamanit Kunngeqarfik Danmarkip ilaasortaaneranit, Nuclear Suppliers Group, Australien Gruppen, Wassenaar Arrangementet, Missile Technology Control Regime aamma Zangger-komitémit tunngaveqarfeqarput. Nakkutilliisoqarfinni taakkunani ilaasortaanermigut Kunngeqarfik Danmark avammut tunisinermik nakkutilliisartut inatsisilersuinerinik naapertuutsitsinissaminut pisussaaffeqarpoq, ilannngullugu atortussianik dual-use'nik teknologiimillu avammut tunisinermik nakkutilliinissaq. Atortussianik dual-use'nik teknologiimillu avammut tunisinermik nakkutilliinerup siunertaa tassaavoq atortussiat teknologiilu

mianersuussassaaq susassaqanngitsunit pigineqalissannginnerinik, taamaalillutillu annertuumik ajoqsiisussatut sakkunik ineriaartitsinermut siammerterinermullu atugarineqassannginnerinik, imaluunniit nunat tamalaani isumannaatsuussusermut aalaakkaasuunermullu aarlerinartoqarfiusunut nunanut avammut tunisarissannginnerinik qulakkeerinissaq.

### Aallarniut

Kalaallit Nunaanni dual-use'mik avammut tunisinermut pisussaaffinnik isumaginninnissamut avammut tunisinermut nakkutilliisoqarfimmik danskini-kalaallini ataatsimoorullugu iluserisassap pilersinnissaanik Nalunaarutikkut illua'tungeriit isumaqtigiissuteqarput. Iluserisaq suleqtatigiinnermik, illua'tungeriilluni ataqqinninnermik naligiissuunermillu tunngaveqarpoq, avammut tunisinermik nakkutilliinermut pisussaaffiit naapertuutsinnissaat tassaalluni Erhvervs-og Vækstministeriet/Erhvervsstyrelsimut aamma Inuussutissarsiornermut, Suliffeqarnermut Niuernermullu Naalakkersuisoqarfiup akornanni ataatsimoorussatut suliassaq. Danmarkip aamma Kalaallit Nunaata akornanni atuutsitatut piginnaasanik agguataarinerterik Nalunaarusaq allannguinngilaq.

Avammut tunisinermi nakkutilliinermut pisussaaffiinik Danmarkip atuutsitsilerner makkunatigut pissaaq: EU-mit peqqussut (Atortussianik marloriaammik atugaaffissalinnut atatillugu annitsinermik, nuussinermik, akunnermiliuttarnermik aqquaarussisarnermillu nakkutilliinermut ataatsimoorussatut aaqqiissut pillugu Rådip peqqussutaa nr. 428/2009 – kingornatigut dual-use'mut peqqussutitut taaneqartoq), kiisalu danskini pisussaaffiliinermik inatsit (Nunanut isumaqtigiissuteqarfiit avataanniittunut aningaasaqarnikkut attaveqarnerit il.il. pillugit Den Europæiske Unionip inatsisitigut takussutissaatit ilaasa atorneri pillugit inatsit pillugu LBK nr. 635/2011), tassungalu ilaasutut nalunaarut (Atortussiat teknologiillu marloriaammik atugaaffissalinnut ("dual-use") aamma teknikkikkut ikorsiissuteqarnermik nakkutilliinerit suliarinerinik nakkutilliineq pillugu BEK nr. 475/2005). Inatsisilersuinerit atuuttut Kalaallit Nunaannut atuutinngillat. Nunat tamalaani avammut tunisinermik nakkutilliisarfinnut Kunngeqarfiup Danmarkip peqataaneraneranut Nunanut allanut Ministeqarfik akisussaaffeqarpoq, Danmarkimili atortussianik dual-use'nik avammut tunisinermik nakkutilliinermut danskini pisussaaffiliinermik inatsisip nassatarisaanik piginnaasalittut oqartussaasoqarfittut Erhvervsstyrelse toqqarneqarsimalluni.

Kalaallit Nunaanni atortussianik dual-use'nik teknologiimillu avammut tunisinermik nakkutilliisarneq pillugu inatsisissatut siunnersuummik

Naalagaaffiup saqqummiussaqarnissani siunertaraa. Teknikkikkut ikiuisarneq assartuisarnerlu pillugit dual-use'mik peqqussummi pisussaaffiliinermillu inatsimmi aalajangersakkanut assingusunik nunat tamalaani pisussaaffinnik piviusunngortitsisunik Kalaallit Nunaannut aalajangersakkat atuutsilernissaannik piviusunngortitsinissaq inatsisisstatut siunnersuutip siunertaraa. Taamatuttaaq inatsisisstatut siunnersuummiissapput EURATOM'imi imaluunniit nunani, soorlu USA-mi, Canadami Australiamilu atuuttuusunut, aatsitassanut atomip nukitalinnut avammut tunisinermut inatsisaasunut assingusunik uranimik aamma thoriumimik aatsitassanik, aammalu taakkuninnga kimittorsagassatut aalajangersakkanik kimittorsakkanik annissaqarnissamut akuersissutit pillugit piumasaqaatit. Inatsisisstatut siunnersuummiissapput qinnuteqaatinut akuersissutinullu erseqqinnerusumik iluseqartitsinissamik piumasaqaatit pillugit malittarisassianik aalajangersaanissamut, kiisalu aallaaviatigut ukiumut ataasiarluni iluarsineqartartup dual-use'mik peqqussummi nakkutigisassanik allattuiffimmi allannguutit malitsigisaanik malittarisassiatut tunngavigisami allanngortiteriuartarnerit pillugit erhvervs- og vækstministerimut pisussaaffiliineq. Qinnuteqaatinut akuersissutinullu erseqqinnerusumik iluseqartitsinissamik piumasaqaatit pillugit malittarisassianik, kiisalu aallaaviatigut ukiumut ataasiarluni iluarsineqartartup dual-use'mik peqqussummi nakkutigisassanik allattuiffimmi allannguutit malitsigisaanik malittarisassiatut tunngavigisami allanngortiteriuartarnerit pillugit erhvervs- og vækstministeri aalajangersaatinnagu taakku Naalakkersuisuni tusarniaassutaassapput.

Taamatuttaaq Kalaallit Nunaanni atortussianik dual-use'nik teknologiimillu avammut tunisinermik nakkutilliineq pillugu inatsisisstatut siunnersuummiissapput danskit inatsisaanni maalaruteqarfingisinnaasat.

Inatsisartuni oqaaseqaatigisassanngorlugu Kalaallit Nunaannut tunngasunik naalagaaffimmi inatsisisstatut aalangangiussassatut siunnersummik saqqummiussaqarnissaq Naalakkersuisut siunertaraat. Aammattaaq akitsuuserivimmi piviusumik annissinermik, ilanngullugulu annissinerup unitsissinnaaneranik nunatsinni akitsuuserisartut akitsuuserillutik suliaqarnerannut nakkutilliinerannullu tunngasunik pisariaqartitanik inatsisiliornernik piviusunngortitsinissamik Naalakkersuisut siunertaqarput.

Kalaallit Nunaanni atortussianik dual-use'nik teknologiimillu avammut tunisinermik nakkutilliinermik aaqqissuussamik atuutsitsilernissamut inatsisaasunik Folkebingimi aamma Inatsisartuni kingornatigut politikkikkut akuersissuteqarnissamut ingerlassaq nangaassuteqarfiuvoq.

Kalaallit Nunaanni uranimik akuutissanillu radioaktiviusunik allanik piaanermut avammullu tunisinermut immikkut ittutut nunanut allanut, illorsornissamut sillimaniarnermullu politikkikkut pissutsinut tunngasumik naalagaaffiup aamma Naalakkersuisut akornanni suleqatigiinnissamik isumaqatigiisummut attavilerlugu Nalunaarut atsorneqarpoq.

Kalaallit Nunaanni atortussianik dual-use'nik avammut tunisinermut nakkutilliinermut danskit-kalaallit oqartussaasuisa ilusaanni suliassanik agguataarinerit

## 1. 1. Danskit-kalaallit oqartussaasuisa ilusaa

1.1. Atortussianik dual-use'nik teknologiimillu avammut tunisinermi nakkutilliinermut Erhvervsstyrelse piginnaasalittut oqartussaasuovoq, tassungalu atatillugu atortussianik dual-use'nik teknologiimillu avammut tunisinissaq pillugu qinnuteqaammut akuersissummik imaluunniit itigartitsisummic tunniussaqartoqarsinnaanera pillugu aalajangiisartuulluni. Aalajangiussaqarneq sioqqullugu Inuussutissarsiornermut, Suliffeqarnermut Niuernermullu Naalakkersuisoqarfik tusarniaavigineqassaaq. Malittarisassianik tunngavigisanik pisariaqartitatut aqutsinikkut nutarsaasarnermik, ilangullugulu EU-mi nakkutigisassat allattorsimaffiata allannguutaanik akuersissuteqartarnernik Erhvervsstyrelse isumaginnittuuvoq.

1.2. Inuussutissarsiornermut, Suliffeqarnermut Niuernermullu Naalakkersuisoqarfik suleqatigalugu atortussianik dual-use'nik teknologiimillu avammut tunisinermik nakkutilliinissamik nunat tamalaani pisussaaffiusunik naapertuutsitsisumik Kalaallit Nunaanni sunniuteqarluartumik avammut tunisinermik nakkutilliisarnermut aaqqissuussivik Erhvervsstyrelsip pilersillugulu ingerlatarivaa. Taamaalilluni danskini avammut tunisinermik nakkutilliisarnermut aaqqissuussivimmit sanaartugaareersumit piginnaasaq atorneqassaaq, aammalu danskini kalaallinilu oqartussaasoqarfinni isumalluutinik atuineq annikillisarneqassalluni.

1.3. Tamakku saniatigut Kalaallit Nunaanni avammut tunisinermik nakkutilliinermut pisussaaffiit piviusutut piviusunngortinnissaat pilligit aqutsisoqarfimmi Nunanut allanut Ministereqarfimmi (UM), Politiets Efterretningsstjenestemi (PET), Forsvarets Efterretningsstjenestemi (FE), aamma Forsvarets Materiel- og

Indkøbstjenestemi (FMI) suleqatigisai peqatigalugit Erhvervsstyrelse suleqateqarpoq, takuuk imm. 4.

1.4. Atortussianut dual-use'nut tunngatillugu akitsuuseruinermik ingerlassanut tunngasunik suliassat isumaginerinut tunngatillugu nunatsinnit akitsuusersuinermik oqartussaasoqarfiiit tassaapput piginnaasalittut oqartussaasoqarfiiit, takuuk imm. 3.

**2. Atortussianik dual-use'nik il.il. avammut tunisinermut  
akuersissuteqarnissaq pillugu qinnuteqaatinik  
suliaqartarneq.**

2.1. Qinnuteqaatit qarasaasiatigut Namminersorlutik Oqartussat inuussutissarsiornermut nittartagaanut nassiunneqassapput, tassanngaanniit imminerminnik Erhvervsstyrelsimit ingerlateqqinnejartassallutik. Inuussutissarsiornermut nittartakkamik pisariaqartitamik annertusaanermut aningaasartuutinik Inuussutissarsiornermut, Suliffeqarnermut Niuernermullu Naalakkersuisoqarfik akiliissaq.

2.2. Inuussutissarsiornermut nittartagaq erniinnaartumik imminerminillu Inuussutissarsiornermut, Suliffeqarnermut Niuernermullu Naalakkersuisoqarfik nassiussisoralugu qinnuteqaatip tigunieranut uppermarsaasiortassaaq. Tigusaqarnermut uppermarsaat imminerminik Erhvervsstyrelsimit Inuussutissarsiornermut, Suliffeqarnermut Niuernermullu Naalakkersuisoqarimmit ingerlateqqinnejartassaaq. Inaarutigisatut akuersissutitulli tigusaqarnermut uppermarsaat Inuussutissarsiornermut, Suliffeqarnermut Niuernermullu Naalakkersuisoqarfip ilisarnaataanik takussutissartaqassaaq.

2.3. Erhvervsstyrelsip qinnuteqaat suliaqarfingaa, suliassanilu PET aamma FE tusarniaavigisassallugu, suliassanilu aalajangersimasuni teknikkip tungaatigut nalilersuinissamik pisariaqartitsisuni FMI tusarniaavigissallugu.

2.4. Suliani pingaarutilinni Erhvervsstyrelsip UM tusarniaavigissavaa. Saniatigut naalagaaffiit akunnerminni naalagaaffittut tigusaqartutut isumaqatigiissummik atsiuisoqarsimaneranik takusaqarnissaq siunertaralugu Kalaallit Nunaanni atomip nukitalinnik atortussianik avammut tunisinerit pillugit qinnuteqaatini tamani UM tusarniaavigineqartassaaq, takuuk atomip nukitalinnik atortussianik

isumannaallisaanermik nakkutilliineq pillugu Nunanut allanut Ministereqarfiup aamma Inuussutissarsiornermut, Suliffeqarnermut Niuernermullu Naalakkersuisoqarfiup akornanni Ataatsimoorussatut nalunaarummi imm. 7.

- 2.5. Inaarutaasumik Erhvervsstyrelsip aalajangiussinera sioqqullugu aalajangiussamut isumaliutigineqartumut, tassungalu aalajangiussinermut tunngavigisaq pillugit Inuussutissarsiornermut, Suliffeqarnermut Niuernermullu Naalakkersuisoqarfik tusarniaavagineqassaaq.
- 2.6. Tamatuma kingornatigut avammut tunisinermut qinnuteqaammut akuersisoqassanersoq imaluunniit itigartitsisoqassanersoq Erhvervsstyrelsip aalajangiiffigissavaa.
- 2.7. Erhvervsstyrelsimit aalajangiinermut najoqqutassiaq malillugulu, aamma Erhvervsstyrelsimit assilineranik tunniussaqarluni Inuussutissarsiornermut, Suliffeqarnermut Niuernermullu Naalakkersuisoqarfik avammut tunisinermut akuersissummik imaluunniit akuersissummum itigartitsissutaasinnaasumik tunniussaqarpoq.

### **3. Atortussianik dual-use'nik avammut tunisinermik akitsuusersuisarneq**

- 3.1. Atortussianik dual-use'nik avammut tunisinermut nalunaarsuinerit suliarinissaannut akitsuuserivik, imaluunniit akitsuuseriviit akisussaaffeqartussat Aningaasaqarnermut Naalakkersuisup aalajangersarpai.
- 3.2. Kalaallit Nunaanni atortussianik dual-use'nik teknologiimillu avammut tunisinermik nakkutilliineq pillugu inatsisaalersussami aalajangersarneqartutut malittarisassat naapertorlugit nunatsinni akitsuuserinermik oqartussaasoqarfii atortussianik dual-use'nik avammut tunisinermik nakkutilliisuupput.
- 3.3. Atortussianik dual-use'nik avammut tunisinermik akitsuuserinermik oqartussaasoqarfii pinngitsoortitsippata nunatsinni akitsuuserinermik oqartussaasoqarfik Erhvervsstyrelsimit aamma Inuussutissarsiornermut, Suliffeqarnermut Niuernermullu Naalakkersuisoqarfimmut nalunaaruteqassaa.

#### **4. Kalaallit Nunaannut dual-use'mik il.il. suliassat aqunneqarnissaannut qarasaasiakkut aaqqissuussivik**

4.1. Erhvervsstyrelsip avammut tunisinermik nakkutilliisarfittut aaqqissuussiffini pioereersoq annertusissavaa, taamaalilluni Kalaallit Nunaannut immikkoortillugit atortussianik dual-use'nik imaluunniit teknologiimik avammut tunisinerit pillugit qinnuteqaatinik tigusisarnermut nalunaarsuinermullu periarfissiisutut, allagaatit suliaqarfiusinerisa aqutarinerinut, allakkanik siammartiterinermut, paasissutissanik toqqortiterinermut, kiisalu allagaataasinnaasut ujartorsinnaanerinut qarasaasiatigut sulianik allagaatinillu isumaginnittarfittut aaqqissuussivittut atorneqarsinnaalersillugu. Aaqqissuussiviuttaaq Kalaallit Nunaannut tunngasunik sulianik naatsorsueqqissaarinissamik siunertaqluni paasissutissanik tigusaqarsinnaaneq periarfississavaa.

4.2. Kalaallit Nunaanni Inuussutissarsiornermut nittartakkamiittussanik dual-use'nik avammut tunisinermik nakkutilliinerit, malittarisassiat, qinnuteqarnermut ingerlassaqartarnerit il.il. pillugit Inuussutissarsiornermut, Suliffeqarnermut Niuernermullu Naalakkersuisoqarfik ataqtigiissitamik Erhvervsstyrelse nittartakkamik annertusaallunilu ingerlataqassaaq. Nittartagaq Erhvervsstyrelsip nittartagareriigaani tunngaveqarfeqassaaq.

#### **5. Kalaallit Nunaanni suliffeqarfinnut nakkutilliinermik iliuuserisat**

5.1. Erhvervsstyrelse erseqqinnerusumik isumaqtigiissuteqarfigereerlugu Erhvervsstyrelse sinnerlugu Inuussutissarsiornermut, Suliffeqarnermut Niuernermullu Naalakkersuisoqarfik Kalaallit Nunaanni suliffeqarfinnut nakkutilliinermik suliassanik isumaginnissaaq, avammut tunisinermik nakkutilliinermut pisariaqartitanik ilisimasaqlunilu suliffiup iluani ingerlassaqartarneranik suliffeqarfiup pineqartup, aammalu niuernermi allagaatinik pisariaqartitanik pigisaqlunilu eqqortumik immersuisimaneranik misissuinissaq tassani siunertarineqarlutik. Nakkutilliinermik misissuartornerniippuit naleqquttumik akuttussusilikkanik nalunaarutigisatut misissuartortarnerit.

5.2. Naleqquttumik akuttussusilikkanik nalunaarutigisatut misissuartortarnernik Erhvervsstyrelse suliaqartarpoq.

Nakkutilliinermik misissuartorneq sioqqullugu Erhvervsstyrelsip nunatsinni oqartussaasoqarfiit ilisimatissavai, taakkulu peqataanissaannik qinnuiginniffigalugit. Suleqatigiinneq ilisimasanillu agguaqatigiinneq nukittorsarniarlugu nunatsinni oqartussaasoqarfiit nakkutilliinermik misissuartornerni peqataasarnissaat tassaavoq nalinginnarmik ingerlattagaq.

5.3. Nakkutilliinermik misissuartornermut Inuussutissarsiornermut, Suliffeqarnermut Niuernermullu Naalakkersuisoqarfip isumagisimasaanut Erhvervsstyrelsimit nassiunneqartumik nakkutilliinermik misissuartornermut ataasiakkaanut tamanut Inuussutissarsiornermut, Suliffeqarnermut Niuernermullu Naalakkersuisoqarfik nalunaarusiortassaaq. Misissuartornermut nalunaarusiaq tunngavigalugu aamma Inuussutissarsiornermut, Suliffeqarnermut Niuernermullu Naalakkersuisoqarfik ataqtigiissaareqatigalugu Erhvervsstyrelse malitseqartitsinissamut pilersaarusrasirisinnaasamik suliaqassaaq. Erhvervsstyrelsimit assinganik nassiussaqarluni nalunaarusiaq aamma malitseqartitsinissamut pilersaarutaasinnaasoq suliffeqarfimmum Inuussutissarsiornermut, Suliffeqarnermut Niuernermullu Naalakkersuisoqarfimmit nassiunneqassaaq.

5.4. Nakkutilliinermik misissuartornermut Erhvervsstyrelsip isumagisimasaanut Erhvervsstyrelse nakkutilliinermut nalunaarusiamik suliaqassaaq, kingornatigullu Inuussutissarsiornermut, Suliffeqarnermut Niuernermullu Naalakkersuisoqarfik ataqtigiissaareqatigalugu malitseqartitsinissamut pilersaarusrasirisinnaasamik suliaqarluni. Erhvervsstyrelsimit assinganik nassiussaqarluni nalunaarusiaq aamma malitseqartitsinissamut pilersaarutaasinnaasoq suliffeqarfimmum Inuussutissarsiornermut, Suliffeqarnermut Niuernermullu Naalakkersuisoqarfimmit nassiunneqassaaq.

5.5. Kalaallit Nunaanni suliffeqarfinnut inunnnullu atortussianik dual-use'nik teknologiimillu avammut tunisinermik nakkutilliinermut tunngassuteqartutut iliuuserisat pillugit aalajangersakkat danskini suliffeqarfinnut inunnnullu atuuttuusunut assingutitatut inatsisiliarisassanngortuni aalajangersarneqassapput.

## **6. Kalaallit Nunaanni suliffeqarfinnut ataatsimoorussamik ilisimatsitsiniarnikkut iliuuserisassat.**

6.1. Atortussianik dual-use'nik teknologiimillu avammut tunisineq pillugu malittarisassiaatit pillugit nunatsinni suliffeqarfinnut nalinginnaasumik ilisimatitsiniarnikkut iliuuserisaq Erhvervsstyrelse suleqatigalugu Inuussutissarsiornermut, Suliffeqarnermut Niuernermullu Naalakkersuisoqarfiup aallartisassavaa. Atortussianik dual-use'nik teknologiimillu avammut tunisinermik nakkutilliinissami ilaasut – imaluunniit ilaasinnaasutut isikkoqartut – nunatsinnit suliffeqarfiusinnaasut Inuussutissarsiornermut, Suliffeqarnermut Niuernermullu Naalakkersuisoqarfiup suussusersissavai.

## **7. Avammut tunisinermik nakkutilliinermik suliassaqarfimmi nunat tamalaani sullissarfinni peqataaneq**

7.1. Avammut tunisinermik nakkutilliisartuni Kunngeqarfip Danmarkip peqataanissaanut Naalagaaffimmi oqartussaasoqarfittut Nunanut allanut Ministereqarfik pingaarnertut akisussaaffeqarpoq. Illua'tungerisap aappaa ataatsimiinnermi sinnisoqartitaaffimmik kissaateqanngikkaluartoq naalagaaffiit akornanni kattuffinni naalagaaffiup peqataanissaanut sinaakkutit iluini nunat tamalaani avammut tunisinermik nakkutilliisarfinni Nuclear Suppliers Group, Australien Gruppen, Wassenaar Arrangementet aamma Missile Technology Control Regimemi ataatsimiinnerni illua'tungeriit tamarmik peqataasinnaanissamut Erhvervsstyrelsip aamma Inuussutissarsiornermut, Suliffeqarnermut Niuernermullu Naalakkersuisoqarfiup isumaqatigiissutigaat.

Kalaallit Nunaat ulloq

Danmark ulloq

Randi Vestergaard Evaldsen  
Inuussutissarsiornermut,

Troels Lund Poulsen  
Suliffeqarnermut  
In  
uussutissarsior  
nermut  
siuaariartortitsi  
nermullu  
ministeri

Niuernermullu Naalakkersuisoq